

欽定前漢書

卷九十  
九中之  
一百

前漢書卷九十九中

漢 蘭 臺 令 史班 固撰

唐正議大夫行秘書少監琅邪縣開國子顏師古注

王莽傳第六十九中

始建國元年正月朔莽帥公侯卿士奉皇太后璽轂上

太皇太后

師古曰轂謂璽之組音弗

順符命去漢號焉初莽妻宜春

侯王氏女立爲皇后

師古曰王訢爲丞相初封宜春侯傳爵至孫咸莽妻咸之女

本

生四男宇獲安臨二子前誅死安頗荒忽

師古曰荒忽音呼廣反

廼

以臨爲皇太子安爲新嘉辟

師古曰辟君也謂之辟者取爲國君之義音壁

封

宇子六人千爲功隆公壽爲功明公吉爲功成公宗爲

功崇公世爲功昭公利爲功著公大赦天下葬乃策命

孺子曰咨爾嬰昔皇天右乃太祖

師古曰右讀日佑佑助也

歷世十

二享國二百一十載歷數在于予躬詩不云乎侯服于

周天命靡常

師古曰大雅文王之詩也言殷之後嗣乃爲諸侯服事周室是天命無常也謂微子

爲宋公也

封爾爲定安公永爲新室賓於戲

師古曰於戲音曰嗚呼

敬

天之休

師古曰休美也

往踐乃位毋廢予命又曰其以平原安

德潔陰鬲重丘凡戶萬地方百里爲定安公國

師古曰五縣也

潔音宅合反鬲音與隔同

立漢祖宗之廟於其國與周後並行其正

朔服色世世以事其祖宗永以命德茂功享歷代之祀

焉以孝平皇后爲定安太后讀策畢莽親執孺子手流

涕獻欬

師古曰獻音虛  
欬音許氣反

曰昔周公攝位終得復子明辟

今子獨迫皇天威命不得如意哀嘆良久中傅將孺子  
下殿北面而稱臣百僚陪位莫不感動又按金匱輔臣  
皆封拜以太傅左輔驃騎將軍

○宋祁曰驃字  
當去旁馬字

安陽侯

王舜爲太師封安新公大司徒就德侯平晏爲太傅就

新公少阿羲和京兆尹紅休侯劉歆爲國師嘉新公廣

漢梓潼哀章爲國將美新公是爲四輔位上公太保後

丞承陽侯甄邯爲大司馬承新公

師古曰承陽音丞陽  
○宋祁曰少阿晉灼

音義作少阿訓阿衡一字也音依倚之  
倚李奇音奇紅休南本作林字承南本作丞

不進侯

王尋爲大司徒章新公步兵將軍成都侯王邑爲大司

空隆新公是爲三公大阿右拂大司空衛將軍廣陽侯

甄豐爲更始將軍廣新公

師古曰拂  
讀曰弼

京兆王興爲衛將

軍奉新公輕車將軍成武侯孫建爲立國將軍成新公

京兆王盛爲前將軍崇新公是爲四將凡十一公王興

者故城門令史王盛者賣餅莽案符命求得此姓名十

餘人兩人容貌應卜相徑從布衣登用以視神焉

師古曰視

讀曰示

餘皆拜爲郎是日封拜卿大夫侍中尚書官凡數

百人諸劉爲郡守皆徙爲諫大夫改明光宮爲定安館

定安太后居之以故大鴻臚府爲定安公第

○宋祁曰  
郤本無故

字新本添

皆置門衛使者監領敕阿乳母不得與語常在四

壁中

孟康曰令定安公居四壁中不得有所見

至於長大不能名六畜後養

以女孫字子妻之莽策羣司曰歲星司肅東嶽太師典

致時雨

應劭曰貌之不恭是謂不肅肅敬也厥罰常雨常雨水也故申戒厥任欲使雨澤以時也晉灼

曰衆物生於東方故戒太師也

青煒登平考景以晷

服虔曰煒音暉如淳曰青氣之光輝

也晉灼曰言青陽之氣始升而上以成萬物也春秋分立表以正東西東日之始出也故考景以晷屬焉熒

馱司愆南嶽太傅典致時奧

應劭曰視之不明是謂不愆愆智也厥罰常燠燠暑

也晉灼曰南方陽盛之位太傅師尊之稱故戒之也師古曰奧音於六反韋昭曰司愆南方曰視君視明則臣

赤煒頌平考聲以律

晉灼曰頌寬頌也夏假也物假大乃宣平也六月陰氣之始故

爲地統地之中數六六爲律律有形有色色尚黃故考聲以律屬焉師古曰頌讀曰容

太白司艾

西嶽國師典致時陽

應劭曰言之不從是謂不艾艾安也厥罰常陽陽旱也師古曰艾讀

曰白煒象平考量以銓

應劭曰量斗斛也銓權衡也晉灼曰象形也萬物無不成形於

西方大小輕重皆可不知故稱量屬焉

辰星司謀北嶽國將典致時寒

應劭曰聽

之不聰是謂不謀謀圖也厥罰常寒晉灼曰北伏也陽氣伏於下陰主殺故戒國將

立煒和平考

星以漏

應劭曰推五星行度以漏刻也晉灼曰和平也萬物皆合藏於北方水又主平故曰和平歷度

起於斗分日月紀於攝提攝提值斗杓所指以建時節故考星屬焉

月刑元股左司馬典

致武應考方法矩

張晏曰月爲刑司馬主武又典天故使主威刑也

主司天文

欽若昊天敬授民時力來農事以豐年穀

師古曰欽敬也若順也力

來勸勉之也來音郎代反

曰德元左司徒典致文瑞考圜合規

張

曰曰爲陽位晉灼曰左圓也五教在寬則和氣感物四靈見象故文瑞屬焉師古曰左古肱字

主司人

道五教是輔帥民承上宣美風俗五品乃訓

師古曰五教謂父義

母慈兄友弟恭子孝也五斗平元心中司空典致物圖

品卽五常謂仁義禮智信

斗平元心中司空典致物圖

考度以繩張晏曰斗北斗也主齊七政司空主水土

主水土責以其物也晉灼曰中央主司地里平治水土

爲四季土土者信信者直故爲繩

掌名山川衆殖鳥獸蕃茂草木各策命以其職如典誥

之文置大司馬司允大司徒司直大司空司若位皆孤

卿師古曰允信也若順也更名大司農曰羲和後更爲納言大理

曰作士太常曰秩宗大鴻臚曰典樂少府曰共工師古曰共

讀曰龔水衡都尉曰予虞與三公司卿凡九卿分屬三公

每一卿置大夫三人一大夫置元士三人凡二十七大夫八十一元士分主中都官諸職○宋祁曰更名光祿或無官字



勳曰司中太僕曰太御衛尉曰太衛執金吾曰奮武中

尉曰軍正

劉攽曰中尉廢久此安得更名蓋是中壘校尉脫兩字

又置大贅官主

乘輿服御物

師古曰贅聚也言財物所聚也贅音之銳反○劉奉世曰贅讀如虎賁綴衣之綴

後又典兵秩位皆上卿號曰六監改郡太守曰大尹都

尉曰太尉縣令長曰宰御史曰執法公車司馬曰王路

四門長樂宮曰常樂室未央宮曰壽成室前殿曰王路

堂

服虔曰如言路寢也

長安曰常安更名秩百石曰庶士三百石

曰下士四百石曰中士五百石曰命士六百石曰元士

千石曰下大夫比二千石曰中大夫二千石曰上大夫

中二千石曰卿車服黻冕各有差品

師古曰此黻謂衣裳之黻又置

司恭司徒司明司聰司中大夫及誦詩工徹膳宰以司

過

○劉敞曰徒改從

策曰予聞上聖欲昭厥德罔不慎脩厥身

用綏于遠是用建爾司于五事毋隱尤毋將虛

師古曰尤過也

將助也虛謂虛美也言勿隱吾過而助爲虛美

好惡不愆立于厥中

師古曰愆違也於

戲勗哉

師古曰於戲讀曰嗚呼勗勉也

令王路設進善之旌非謗之木

欲諫之鼓

師古曰非音誹

諫大夫四人常坐王路門受言事者

封王氏齊縵之屬爲侯大功爲伯小功爲子總麻爲男

其女皆爲任

師古曰任充也男服之義男亦任也音壬

男以睦女以隆爲號

焉

師古曰睦隆皆其受封邑之號取嘉名也

皆授印韍

師古曰韍亦印之組次下並同

令諸

侯立大夫人夫人世子亦受印韍又曰天無二日土無

二王百王不易之道也漢氏諸侯或稱王至于四夷亦  
如之違於古典繆於一統其定諸侯王之號皆稱公及  
四夷僭號稱王者皆更爲侯又曰帝王之道相因而通  
盛德之祚百世享祀予惟黃帝帝少昊帝顓頊帝嚳帝  
堯帝舜帝夏禹臯陶伊尹咸有聖德假于皇天師古曰假至也

升也音工雅反

功烈巍巍光施于遠

○宋祁曰施一本作化

子甚嘉之營

求其後將祚厥祀惟王氏虞帝之後也出自帝嚳劉氏

堯之後也出自顓頊於是封姚恂爲初睦侯奉黃帝後

服虔曰姚舜姓故封爲黃帝後

○宋祁曰字書恂信也音詢梁護爲脩遠伯奉少昊

後

服虔曰以爲伯益之後故封之

皇孫功隆公千奉帝嚳後劉歆爲祁

烈伯奉顓頊後國師劉歆子疊爲伊休侯奉堯後

師古曰上

言紅休侯劉歆爲國師嘉新公今此云劉歆爲祁烈伯又言國師劉歆子爲伊休侯是則祁烈伯自別一劉歆非國師也。宋祁曰伊休疑是紅休 媯昌爲始睦侯奉虞帝後山遵爲褒

謀子奉皐陶後伊立爲褒衡子奉伊尹後漢後定安公

劉嬰位爲賓周後衛公姬黨更封爲章平公亦爲賓殷

後宋公孔弘運轉次移更封爲章昭侯位爲恪

師古曰恪敬也

言待之加敬亦如賓也周以舜後并祀宋爲三恪也

夏後遼西媯豐封爲章功侯

亦爲恪

服虔曰媯夏姓

四代古宗宗祀于明堂以配皇始祖考

虞帝周公後褒魯子姬就宣尼公後褒成子孔鈞已前

定焉莽又曰予前在攝時建郊宮定祧廟立社稷

師古曰遠

祖曰祧音吐堯反。劉奉世曰：四代以下十七字其義不倫，莽方封先聖，後未當及此，且已有後文，此字當衍。

神祇報況

師古曰：況賜也。

或光自上復于下流爲鳥

師古曰：復音扶，目反。

或黃氣熏烝，昭耀章明，以著黃虞之烈焉。

師古曰：烈，餘業也。自云承。

黃虞之後

自黃帝至于濟南伯王而祖世氏，姓有五矣。

師古曰：濟

南伯王莽之高祖

黃帝二十五子分賜厥姓，十有二氏。虞帝之

先受姓曰姚，其在陶唐曰媯，在周曰陳，在齊曰田，在濟

南曰王子，伏念皇初祖考黃帝，皇始祖考虞帝，以宗祀

于明堂。

宋祁曰：南本云皇姓始祖考以當作己。

宜序於祖宗之親廟，其立

祖廟五親廟，四后夫人皆配食，郊祀黃帝以配天，黃后

以配地。

孟康曰：黃帝之後也。

以新都侯東第爲大謀歲時以祀。

師古

曰禘祀也立此大祠  
常以歲時祀其先也

家之所尚種祀天下

師古曰言國已立大禘祠

先祖矣其衆庶之家所尚者各令傳祀勿絕普天之下  
同其法○劉奉世曰此謂莽家所尚之種祀示令天下  
傳以爲種祠不得不奉祀  
亦猶漢高之粉榆社也

姚嬀陳田王氏凡五姓者皆

黃虞苗裔予之同族也書不云乎惇序九族

師古曰虞書咎繇謨

之辭也  
惇厚也

其令天下上此五姓名籍于秩宗皆以爲宗室

世世復無有所與

師古曰復音方目反與讀曰預

其元城王氏勿令相

嫁娶以別族理親焉

師古曰元城王氏不得與四姓昏娶以其同祖也餘它王氏則不禁

焉

封陳崇爲統睦侯奉胡王後

孟康曰追王陳胡公

田豐爲世睦

侯奉敬王後

孟康曰追王陳敬仲

天下牧守皆以前有翟義趙明

等領州郡懷忠孝封牧爲男守爲附城又封舊恩戴崇

金涉箕閔陽並等子皆爲男遣騎都尉囂等

師古曰囂音許驕反

分治黃帝園位於上都橋時

師古曰橋山之上故曰橋時也。劉敞曰都當作郡

虞帝於零陵九疑胡王於淮陽陳敬王於齊臨淄愍王

於城陽莒

服虔曰齊愍王

伯王於濟南東平陵孺王於魏郡元

城

師古曰莽之高祖名遂字伯紀曾祖名賀字翁孺故謂之伯王孺王

使者四時致祠其

廟當作者以天下初定且祫祭於明堂太廟以漢高廟

爲文祖廟

師古曰欲法舜受終於文祖

莽曰予之皇始祖考虞帝受

嬪于唐

師古曰嬪古禪字

漢氏初祖唐帝世有傳國之象

師古曰堯

傳舜漢傳莽自以舜後故言有傳國之象

予復親受金策於漢高皇帝之靈

惟思褒厚前代何有忘時漢氏宗祖有七

蘇林曰漢本祀祖宗有四

莽以元帝成帝平  
帝爲宗故有七

以禮立廟于定安國其園寢廟在京

師者勿罷祠薦如故于以秋九月親入漢氏高元成平

之廟諸劉更屬籍京兆大尹勿解其復各終厥身

師古曰復

音方

州牧數存問勿令有侵寃又曰子前在大麓至于

攝假

師古曰大麓者謂爲大司馬幸衡時妄引舜納于大麓烈風雷雨不迷也攝假謂初爲攝皇帝又爲

假皇

深惟漢氏三七之阨赤德氣盡思索廣求

師古曰索亦求

也音山

所以輔劉延期之術靡所不用以故作金刀之

利幾以濟之

師古曰幾讀曰冀

然自孔子作春秋以爲後王法

至于哀之十四而一代畢協之於今亦哀之十四也

張晏

日漢哀帝卽位六年平帝五年居攝三年凡十四年

赤世計盡終不可強濟皇天



明威黃德當興隆顯大命屬予以天下

師古曰屬音之欲反

今百

姓咸言皇天革漢而立新

師古曰革改也

廢劉而興王夫劉之

爲字卯金刀也正月剛卯金刀之利皆不得行

服虔曰剛卯以

正月卯日作佩之長三寸廣一寸四方或用玉或金或用桃著革帶佩之今有玉在者銘其一面曰正月剛

卯金刀莽所鑄之錢也晉灼曰剛卯長一寸廣五分四方當中央從穿作孔以采絲葺其底如冠纓頭懸刻其

上面作兩行書文曰正月剛卯既央靈爻四方赤青白黃四色是當帝令祝融以教夔龍庶疫剛痺莫我敢當

其一銘曰疾日嚴卯帝令夔化順爾固伏化茲靈爻既正既直既觶既方庶疫剛痺莫我敢當師古曰今往往

有土中得玉剛卯者案大小及文服說是也莽以劉博字上有卯下有金旁又有刀故禁剛卯及金刀也

謀卿士僉曰天人同應昭然著明其去剛卯莫以爲佩

除刀錢勿以爲利承順天心快百姓意乃更作小錢徑

六分重一銖文曰小錢直一與前大錢五十者爲二品

並行欲防民盜鑄乃禁不得挾銅炭是歲四月徐鄉侯

劉快結黨數千人起兵於其國

師古曰快膠東恭王子也而王子侯表作快字

從火與此不同疑表誤。宋祁曰越本無是歲二字韋昭云徐鄉東萊縣也

快兄殷故漢膠

東王時改爲扶崇公快舉兵攻卽墨殷閉城門自繫獄

吏民距快快敗走至長廣死莽曰昔予之祖濟南愍王

困於燕寇自齊臨淄出保于莒宗人田單廣設奇謀獲

殺燕將復定齊國今卽墨士大夫復同心殄滅反虜予

甚嘉其忠者憐其無辜其赦殷等非快之妻子它親屬

當坐者皆勿治弔問死傷賜亡者葬錢人五萬殷知大

命深疾惡快以故輒伏厥辜其滿殷國戶萬地方百里

又封符命臣十餘人莽曰古者設廬井八家一夫一婦

田百畝什一而稅則國給民富而頌聲作師古曰此唐

虞之道三代所遵行也秦爲無道厚賦稅以自供奉罷

民力以極欲師古曰罷讀曰疲壞聖制廢井田是以兼并起貪

鄙生强者規田以千數弱者曾無立錐之居又置奴婢

之市與牛馬同蘭師古曰蘭謂遮蘭之若牛馬蘭圍也制於民臣顛斷其

命姦虐之人因緣爲利至賭賣人妻子逆天心諄人倫

師古曰諄亂也繆於天地之性人爲貴之義師古曰孝經稱孔子

諄音布內反書曰子則奴戮女師古曰夏書甘誓

日天地之性人爲貴故引之性生也之辭也奴戮戮之

以爲奴也說書者以爲孥子也戮及妻子此說非唯不也秦誓云囚奴正士豈及子之謂乎女讀曰汝

用命者然後被此辜矣漢氏減輕田租三十而稅一常

有更賦罷癘咸出

師古曰更音工衡反罷音疲癘音隆

而豪民侵陵分田

劫假厥名三十稅一實什稅五也

師古曰解並在食貨志

父子夫

婦終年耕芸

師古曰芸字與耘同

所得不足以自存故富者犬馬

餘菽粟驕而爲邪貧者不厭糟糠窮而爲姦

師古曰俱厭飽也

陷于辜刑用不錯

師古曰錯置也音干故反○宋祁曰越本辜作辜

予前在大

麓始令天下公田口井

師古曰計口而爲井田

時則有嘉禾之祥

遭反虜逆賊且止今更名天下田曰王田奴婢曰私屬

皆不得賣買其男口不盈八而田過一井者分餘田予

九族鄰里鄉黨故無田今當受田者如制度敢有非井

田聖制無法惑衆者投諸四裔以禦魍魎

師古曰魍魎山神也魍老物

精也魍音螭魎音媚

如皇始祖考虞帝故事是時百姓便安漢五

銖錢以莽錢大小兩行難知又數變改不信皆私以五

銖錢市買訛言大錢當罷莫肯挾莽患之復下書諸挾

五銖錢言大錢當罷者比非井田制投四裔於是農商

失業食貨俱廢民人至涕泣於市道及坐賣買田宅奴

婢鑄錢自諸侯卿大夫至于庶民抵罪者不可勝數秋

遣五威將王奇等十二人班符命四十二篇於天下德

祥五事符命二十五福應十二凡四十二篇其德祥言

文宣之世黃龍見于成紀新都高祖考王伯墓門梓柱

生枝葉之屬符命言并石金匱之屬福應言雌雞化爲

雄之屬其文爾雅依託皆爲作說師古曰爾雅近正也謂近於正經依古義

而爲大歸言莽當代漢有天下云總而說之曰帝王受

命必有德祥之符瑞協成五命申以福應師古曰五命謂五行之次

相承以受命也申重也然後能立巍巍之功傳于子孫永享無窮

之祚故新室之興也德祥發於漢三七九世之後蘇林曰二

百一十歲肇命於新都受瑞於黃支孟康曰獻生犀○宋祁曰注文孟康

曰下當有開王於武功定命於子同孟康曰梓潼縣也莽改也成命

於巴宕晉灼曰巴郡宕渠縣也申福於十二應天所以保佑新室

者深矣固矣武功丹石出於漢氏平帝末年火德銷盡  
土德當代皇天眷然去漢與新以丹石始命於皇帝皇  
帝謙讓以攝居之未當天意故其秋七月天重以三能

文馬

服虔曰三台星也晉灼曰許慎說文馬縞身  
金精周成王時犬戎獻之師古曰能音台

皇帝

復謙讓未卽位故三以鐵契四以石龜五以虞符六以  
文圭七以立印八以茂陵石書九以立龍石十以神井  
十一以大神石十二以銅符帛圖申命之瑞寔以顯著

師古曰  
淺漸也

至于十二以昭告新皇帝皇帝深惟上天之威

不可不畏故去攝號猶尚稱假改元爲初始欲以承塞  
天命克厭上帝之心

師古曰塞當  
也厭滿也

然非皇天所以鄭重

降符命之意

師古曰鄭重猶言頻煩也重音直用反

故是日天復決其所

以勉書

孟康曰哀章所作策書也言數有瑞應莽自謙居攝天復決其疑勸勉令爲真也晉灼曰勉字

當爲龜

是日自復有龜書及天下金匱圖策事也師古曰孟說是○宋祁曰別本無復決其三字邵本無其字

又侍郎王盱見人衣白布單衣赤纒方領

師古曰纒者會五采也以

布爲單衣以赤加纒爲其方領也盱音許于反纒音胡內反

冠小冠立于王路殿前

謂盱曰今日天同色以天下人民屬皇帝

師古曰同色者言五方天

神共齊其謀同其顏色也字或作包包者言天總包包盱括天下人衆而與莽也其義兩通屬委也音之欲反盱

恠之行十餘步人忽不見至丙寅暮漢氏高廟有金匱

圖策高帝承天命以國傳新皇帝明旦宗伯忠孝侯劉

宏以聞乃召公卿議未決而大神石人談曰趣新皇帝



之高廟受命母留

師古曰趣讀曰促

於是新皇帝立登車之漢

氏高廟受命受命之日丁卯也丁火漢氏之德也卯劉

姓所以為字也明漢劉火德盡而傳於新室也皇帝謙

謙既備固讓十二符應迫著命不可辭

師古曰迫促也著明也

懼

然祇畏葦然閔漢氏之終不可濟

師古曰懼音瞿然自失之意也葦然變

動之貌也瞿音居具反

齶齶在左右之不得從意

師古曰齶齶自勉之意左右助

也言欲助漢室而迫天命不得從其本意也左右音曰佐佑也

為之三夜不御寢三日

不御食延問公侯卿大夫僉曰宜奉如上天威命於是

乃改元定號海內更始新室既定神祇懼喜申以福應

吉瑞累仍

師古曰申重也仍頻也

詩曰宜民宜人受祿于天保右

命之自天申之

師古曰大雅假樂之詩也言有功德宜於衆人者則受天之福祿天乃保安而

佑助之命以邦國也申謂重其意也右讀曰佑

此之謂也五威將奉符命齎印

綬王侯以下及吏官名更者

師古曰更改也

外及匈奴西域徼

外蠻夷皆卽授新室印綬因收故漢印綬賜吏爵人二

級民爵人一級女子百戶羊酒蠻夷幣帛各有差大赦

天下五威將乘乾文車

鄭氏曰畫天文象於車也

駕坤六馬

鄭氏曰坤爲牝

馬六地數

背負鷲鳥之毛服飾甚偉

師古曰鷲鳥雉屬卽鷄鷄也今俗呼之山雞非

也鷲音籠

每一將各置左右前後中帥凡五帥衣冠車服駕

馬各如其方面色數

師古曰色者東方青南方赤也數者若木數三火數二之類也將

持節稱太一之使帥持幢稱五帝之使莽策命曰普天

之下迄于四表

師古曰迄亦至也

靡所不至其東出者至玄菟

樂浪高句驪夫餘

師古曰夫餘亦東北夷也樂音洛浪音郎夫音扶

南出者隃

徼外歷益州

師古曰隃字與踰同

貶句町王爲侯西出者至西域

盡改其王爲侯北出者至匈奴庭授單于印改漢印文

去璽曰章單于欲求故印陳饒椎破之語在匈奴傳單

于大怒而句町西域後卒以此皆畔饒還拜爲大將軍

封威德子冬靄

師古曰古雷字

桐華置五威司命中城四關將

軍司命司上公以下中城主十二城門策命統睦侯陳

崇曰咨爾崇夫不用命者亂之原也大姦猾者賊之本

也鑄僞金錢者妨寶貨之道也驕奢踰制者兇害之端

也漏泄省中及尚書事者機事不密則害成也

師古曰易上繫

之辭曰君不密則失臣臣不密則失身機事不密則害成故引之

拜爵王庭謝恩私門

者祿去公室政從亡矣凡此六條國之綱紀是用建爾

作司命柔亦不茹剛亦不吐不侮鰥寡不畏強圉

師古曰引

詩大雅美仲山甫之辭其義並解於上

帝命帥繇統睦于朝

師古曰帥循也繇讀與由

同命說符侯崔發曰重門擊柝以待暴客

師古曰易下繫之辭也擊

柝謂擊木以守夜也暴客謂姦暴之人來爲寇害者也柝音他各反○宋祁曰柝一作柝

女作五威

中城將軍

師古曰女讀曰汝其下並同○宋祁曰中或作關

中德旣成天下說

符

師古曰說音悅

命明威侯王級曰繞雷之固南常荆楚

服虔曰隘

險之道師古曰謂之繞雷者言四面塞阨其道屈曲豁谷之水回繞而雷也其處卽今商州界七盤十二繞是

也雷音力救反

女作五威前關將軍振武奮衛明威于前命尉

睦侯王嘉曰羊頭之阨北當燕趙

師古曰羊頭山名在上黨壺關縣

女

作五威後關將軍壺口捶扼尉睦于後

師古曰壺口亦山名也捶扼謂

據險阨而捶擊也捶音之藥反

命堂威侯王奇曰肴黽之險東當鄭衛

師古曰肴肴山也黽黽池也皆在陝縣之東黽音莫善反

女作五威左關將軍函谷

批難掌威于左

師古曰批謂糾閉之也函谷故關今在桃林縣界批音步結反○宋祁曰掌當

作堂蕭該曰案晉灼音義作批難字林云擊也父迷反廣雅曰批擊也釋名曰批兩指相裨助共擊也

命

懷羗子王福曰汧隴之阻西當戎狄

師古曰汧扶風汧縣有吳山汧水之

阻隴謂隴阨也汧隴相連汧音苦堅反阨音丁禮反

女作五威右關將軍成固據

守懷羗于右又遣諫大夫五十人分鑄錢於郡國是歲

長安狂女子碧呼道中

師古曰碧者女子名也呼叫也音火故反

曰高皇帝

大怒趣歸我國不者九月必殺汝

師古曰趣讀曰促

莽收捕殺

之治者掌寇大夫陳成自免去官

師古曰狂妄之人職在掌寇故云治者

真定劉都等謀舉兵發覺皆誅真定常山大雨雹

師古曰雨

音于具反

二年二月赦天下五威將帥七十二人還奏事漢

諸侯王爲公者悉上璽綬爲民無違命者封將爲子師

爲男初設六筦之令

師古曰筦亦管字也管主也韋昭曰謂禁地面猶開一路以專之如

筦者

命縣官酤酒賣鹽鐵器鑄錢諸采取名山大澤衆物

者稅之又令市官收賤賣貴賒貸子民收息百月三

如淳

曰出百錢與民用月收其息三錢也師古曰貸音吐戴反

義和置酒士郡一人乘傳

督酒利師古曰督察視之傳音張戀反禁民不得挾弩鎧徙西海匈奴

單于求故璽莽不與遂寇邊郡殺略吏民十一月立國

將軍建奏西域將欽上言師古曰但欽也九月辛巳戊己校尉

史陳良終帶共賊殺校尉刁護師古曰刁音貂。宋劫

略吏士自稱廢漢大將軍亡入匈奴又今月癸酉不知

何一男子遮臣建車前自稱漢氏劉子興成帝下妻子

也師古曰下妻猶言小妻也劉氏當復師古曰復音扶福反趣空宮師古曰趣讀曰促

收繫男子即常安姓武字仲皆逆天違命宋祁曰男或作妻字一

本無違字大逆無道請論仲及陳良等親屬當坐者奏可漢

氏高皇帝比著戒云罷吏卒為賓食師古曰比類也言高帝頻戒云勿使

更卒守漢廟欲爲寄  
食之賓於王氏廟中

誠欲承天心全子孫也其宗廟不

當在常安城中及諸劉爲諸侯者當與漢俱廢陛下至

仁久未定前故安衆侯劉崇徐卿侯劉快陵鄉侯劉曾

師古曰楚思王子扶恩侯劉貴等師古曰不知誰子孫更聚衆謀反師古曰更

音工衡反今狂狡之虜或妄自稱亡漢將軍或稱成帝子子

與至犯夷滅連未止者此聖恩不蚤絕其萌芽故也臣

愚以爲漢高皇帝爲新室賓享食明堂成帝異姓之兄

弟平帝壻也皆不宜復入其廟元帝與皇太后爲體師古

日夫婦一體也聖恩所隆禮亦宜之臣請漢氏諸廟在京師者

皆罷諸劉爲諸侯者以戶多少就五等之差其爲吏者



昏罷待除於家

師古曰罷黜其職各使退歸而言在家待遷除

上當天心稱高

皇帝神靈

師古曰稱音尺孕反

塞狂狡之萌莽曰可嘉新公國師

以符命爲予四輔明德侯劉龔率禮侯劉嘉等凡三十

二人皆知天命或獻天符或貢昌言

師古曰昌善也

或捕告反

虜厥功茂焉諸劉與三十二人同宗共祖者勿罷賜姓

曰王唯國師以女配莽子故不賜姓改定安太后號曰

黃皇室主絕之於漢也冬十二月雷更名匈奴單于曰

降奴服于莽曰降奴服于知

師古曰知者莽改單于之名也本各囊知牙斯威

侮五行

師古曰引夏書甘誓之文

背畔四條

師古曰四條莽所與傳作制者事在匈奴傳侵

犯西域延及邊垂爲元元害臯當夷滅命遣立國將軍

孫建等凡十二將十道並出共行皇天之威罰于知之

身

師古曰共讀曰恭

惟知先祖故呼韓邪單于稽侯獬

師古曰獬音刪

又音先安反韋昭曰獬惡健犬也

累世忠孝保塞守微不忍以一知之

罪滅稽侯獬之世今分匈奴國土人民以爲十五立稽

侯獬子孫十五人爲單于遣中郎將藺苞戴級馳之塞

下召拜當爲單于者諸匈奴人當坐虜知之法者皆赦

除之遣五威將軍苗訢虎賁將軍王況出五原厭難將

軍陳欽震狄將軍王巡出雲中

師古曰厭音一涉反

振武將軍王

嘉平狄將軍王萌出代郡相威將軍李琴鎮遠將軍李

翁出西河

師古曰琴音所林反韋昭曰琴音疏禁反字林曰琴支條琴麗也

誅貉將軍

陽俊討穢將軍嚴尤出漁陽奮武將軍王駿定胡將軍  
王晏出張掖及偏裨以下百八十人募天下囚徒丁男  
甲卒三十萬人轉衆郡委輸五大夫衣裘兵器糧食長  
吏送自負海江淮至北邊使者馳傳督趣以軍興法從  
事

師古曰傳音張戀反趣音促。劉奉世曰五大夫不可曉疑衍。

天下騷動先至者屯

邊郡須畢具乃同時出莽以錢幣訖不行

師古曰訖竟也。

復下

書曰民以食爲命以貨爲資是以八政以食爲首寶貨

皆重則小用不給皆輕則僦載煩費

師古曰僦送也。一曰賃也。音子就反。

輕重大小各有差品則用便而民樂於是造寶貨五品

語在食貨志百姓不從但行小大錢二品而已盜鑄錢

者不可禁迺重其法一家鑄錢五家坐之没入爲奴婢

吏民出入持布錢以副符傳

師古曰舊法行者持符傳卽不稽留今更令持布錢

與符相副乃得過也傳音張戀反其下亦同

不持者厨傳勿舍關津苛留

師古

曰厨行道飲食處傳置驛之舍也苛問也音何

公卿皆持以入宮殿門欲以重

而行之是時爭爲符命封侯其不爲者相戲曰獨無天

帝除書乎司命陳崇白莽曰此開姦臣作福之路而亂

天命宜絕其原莽亦厭之遂使尙書大夫趙並驗治非

五威將率所班皆下獄初甄豐劉歆王舜爲莽腹心倡

導在位

師古曰倡音赤上反○蕭該曰所班舊作所辨案韋昭曰辨布也音班或作班

褒揚功

德安漢宰衡之號及封莽母兩子兄子皆豐等所共謀

而豐舜歆亦受其賜並富貴矣非復欲令莽居攝也。

宋○

祁日或無貴字

居攝之萌出於泉陵侯劉慶前輝光謝囂長安

令田終術莽羽翼已成意欲稱攝豐等承順其意莽輒復封舜歆兩子及豐孫豐等爵位已盛心意既滿又實畏漢宗室天下豪桀而疏遠欲進者並作符命莽遂據

以卽真舜歆內懼而已豐素剛強莽覺其不說

師古曰說讀日

悅故徙大阿右拂大司空豐託符命文爲更始將軍

師古曰

日拂讀日弼

與賣餅兒王盛同列豐父子默默時子尋爲侍

中京兆大尹茂德侯卽作符命言新室當分陝立二伯

師古曰分陝者欲依周公召公故事自陝以東周公主之自陝以西召公主之陝卽今陝州是其地也伯長也

陝音式  
冉反

以豐爲右伯太傅平晏爲左伯如周召故事莽  
卽從之拜豐爲右伯當述職西出未行尋復作符命言  
故漢氏平帝后黃皇室主爲尋之妻莽以詐立心疑大  
臣怨謗欲震威以懼下因是發怒曰黃皇室主天下母

此何謂也收捕尋尋亡豐自殺尋隨方士入華山歲餘

捕得辭連國師公歆子侍中東通靈將五司大夫

○劉奉世

日東通靈將五司大夫  
亦疑其譌非史本文

隆威侯棻棻弟右曹長水校尉

伐虜侯泳大司空邑弟左關將軍堂威侯奇及歆門人  
侍中騎都尉丁隆等牽引公卿黨親列侯以下死者數  
百人尋手理有天子字莽解其臂入視之曰此一天子

也

○宋祁曰天或作大

或曰一六子也六者戮也明尋父子當戮

死也廼流棗于幽州放尋于三危極隆于羽山

師古曰效舜之

誅也音居力反

皆驛車載其屍傳致云莽爲人侈口蹙

頤

師古曰侈大也蹙短也頤頤也蹙其月反頤胡感反

露眼赤精大聲而嘶

師古曰嘶

聲破也音先奚反

長七尺五寸好厚履高冠以鞞裝衣

師古曰毛之強

曲者曰鞞以裝楮衣中令其張起也鞞音力之反字或作鞞音義同

反膺高視瞰臨左右

師古曰瞰謂遠視也音曲濫反

是時有用方技待詔黃門者或問以莽

形貌待詔曰莽所謂鴟目虎吻豺狼之聲者也故能食

人亦當爲人所食問者告之莽誅滅待詔而封告者後

常翳雲母屏面

師古曰屏面卽便面蓋扇之類也解在張敞傳

非親近莫得見

也是歲以初睦侯姚恂爲寧始將軍三年莽曰百官改更職事分移律令儀法未及悉定且因漢律令儀法以從事令公卿大夫諸侯二千石舉吏民有德行通政事能言語明文學者各一人詣王路四門

○宋祁曰路字下有門字

遣

尚書大夫趙並使勞北邊還言五原北假膏壤殖穀

師古

曰北假地名也膏壤言其土肥美也殖生也

異時常置田官乃以並爲田禾

將軍發戍卒屯田北假以助軍糧是時諸將在邊須大衆集

師古曰須待也

吏士放縱而內郡愁於徵發民棄城郭流

亡爲盜賊并州平州尤甚莽令七公六卿號皆兼稱將

軍遣著武將軍遂並等填名都

師古曰遂音錄填音竹刃反此下亦同

中



郎將繡衣執法各五十五人分填緣邊大都督大姦猾

擅弄兵者皆便爲姦於外撓亂州郡

師古曰撓音火高反其字從手

貨

賂爲市侵漁百姓莽下書曰虜知罪當夷滅故遣猛將

分十二部將同時出一舉而決絕之矣內置司命軍正

外設軍監十有二人誠欲以司不奉命令軍人咸正也

今則不然各爲權執恐獨良民

師古曰獨以威力脅之也音呼葛反

妄封

人頸得錢者去

如淳曰權臣妄以法枉良人爲僮僕封其頸以別之也得顧錢乃去封

毒

蠹竝作農民離散

師古曰蠹音呼各反

司監若此可謂稱不

師古曰稱

音尺孕反

自今以來敢犯此者輒捕繫以名聞然猶放縱自

若而藺苞戴級到塞下招誘單于弟咸咸子登入塞脅

拜咸爲孝單于賜黃金千斤錦繡甚多遣去將登至長

安拜爲順單于留邸太師王舜自莽篡位後病悸寢劇

死

師古曰心動曰悸寢漸也悸音  
葵季反○宋祁曰悸舊作喘

莽曰昔齊太公以淑

德累世爲周氏太師蓋予之所監也

師古曰監  
謂視見也

其以舜

子延襲父爵爲安新公延弟襄新侯匡爲太師將軍永

爲新室輔爲太子置師友各四人秩以大夫以故大司

徒馬宮爲師疑故少府宗伯鳳爲傅丞博士袁聖爲阿

輔京兆尹王嘉爲保拂

師古曰拂  
讀曰弼

是爲四師故尚書令

唐林爲胥附博士李充爲犇走

師古曰犇  
古奔字

諫大夫趙襄

爲先後中郎將廉丹爲禦侮是爲四友又置師友祭酒

及侍中諫議六經祭酒各一人凡九祭酒秩上卿琅邪  
左咸爲講春秋潁川滿昌爲講詩長安國由爲講易平  
陽唐昌爲講書沛郡陳咸爲講禮崔發爲講樂祭酒遣  
謁者持安車印綬卽拜楚國龔勝爲太子師友祭酒勝  
不應徵不食而死寧始將軍姚恂免侍中崇祿侯孔永  
爲寧始將軍是歲池陽縣有小人景長尺餘或乘車馬  
或步行操持萬物小大各相稱師古曰車馬及物皆稱其人之形三日  
止灑河郡蝗生師古曰謂緣河南北諸郡灑音頻又音賓河決魏郡泛清河  
以東數郡先是莽恐河決爲元城冢墓害及決東去元  
城不憂水故遂不堤塞四年二月赦天下夏赤氣出東

南竟天厭難將軍陳歆言捕虜生口虜犯邊者皆孝單

于咸子角所爲莽怒斬其子登于長安以視諸蠻夷師古

曰視音大司馬甄邯死寧始將軍孔永爲大司馬侍中

大贅侯輔爲寧始將軍莽每當出輒先搜索城中名曰

橫搜師古曰索音山各反橫音胡孟反是月橫搜五日莽至明堂授諸

侯茅土下書曰予以不德襲于聖祖爲萬國主思安黎

元在于建侯分州正域以美風俗○宋祁曰分字下當有九字追監

前代爰綱爰紀惟在堯典十有二州衛有五服師古曰並解於

上詩國十五拈徧九州師古曰謂周南召南衛王鄭齊魏唐秦陳鄆曹幽魯商凡十五

國也一日周南召南鄆鄆衛王鄭齊魏唐秦陳鄆曹幽是爲十五國拈音普胡反○宋祁曰國字當作日殷

頌有奄有九有之言

師古曰商頌玄鳥之詩美湯有功德故能覆有九州

禹貢之

九州無并幽周禮司馬則無徐梁

○宋祁曰淳化帝王本無無并二字

帝王

相改各有云爲或昭其事或大其本厥義著明其務一

矣昔周二后受命故有東都西都之居子之受命蓋亦

如之其以洛陽爲新室東都常安爲新室西都邦畿連

體各有采任州從禹貢爲九爵從周氏有五諸侯之員

千有八百附城之數亦如之以俟有功諸公一國有衆

萬戶土方百里侯伯一國衆戶五千土方七十里子男

一則衆戶二千有五百土方五十里附城大者食邑九

成衆戶九百土方三十里自九以下降殺以兩

師古曰兩兩而

障也殺音  
所例反

至於一成

如淳曰十五里爲成

五差備具合當一則今

已受茅土者公十四人侯九十三人伯二十一人子百七十一人男四百九十七人凡七百九十六人附城千五百一十一人九族之女爲任者八十三人及漢氏女孫中山承禮君道德君脩義君更以爲任十有一公九卿十二大夫二十四元士定諸國邑采之處使侍中講理大夫孔秉等與州部衆郡曉知地理圖籍者共校治于壽成朱鳥堂予數與羣公祭酒上卿親聽視咸已通矣夫褒德賞功所以顯仁賢也九族和睦所以褒親親也予永惟匪解思稽前人

師古曰解讀曰解稽考也

將章黜陟以明

好惡安元元焉以圖簿未定未授國邑且令受奉都內

月錢數千

師古曰奉音扶用反

諸侯皆困乏至有庸作者中郎區

博諫莽曰

師古曰區姓也音一侯反

井田雖聖王法其廢久矣周道

既衰而民不從秦知順民之心可以獲大利也故滅廬

井而置阡陌遂王諸夏訖今海內未厭其敝今欲違民

心追復千載絕迹

師古曰復音扶目反

雖堯舜復起而無百年之

漸弗能行也天下初定萬民新附誠未可施行莽知民

怨迺下書曰諸名食王田皆得賣之勿拘以法犯私買

賣庶人者且一切勿治初五威將帥出改句町王以爲

侯王邯怨怒不附

師古曰邯句町王之名也音下甘反

莽諷牂柯大尹周

歆詐殺邯邯弟承起兵攻殺歆先是莽發高句驪兵當  
伐胡不欲行郡強迫之皆亡出塞因犯法爲寇遼西大  
尹田譚追擊之爲所殺州郡歸咎於高句驪侯騶嚴尤  
奏言貉人犯法不從騶起正有它心宜令州郡且尉安  
之師古曰假令騶有惡心亦當且慰安今猥被以大罪恐其遂畔師古曰猥多也

厚也被加也音皮義反

夫餘之屬必有和者

師古曰和應也音胡臥反

匈奴未

克夫餘穢貉復起此大憂也莽不尉安穢貉遂反詔尤  
擊之尤誘高句驪侯騶至而斬焉傳首長安莽大說下

書曰廼者命遣猛將共行天罰

師古曰共讀曰恭

誅滅虜知分

爲十二部或斷其右臂或斬其左腋或潰其胷腹或紬



其兩脅

師古曰紬音與抽同

今年刑在東方

張晏曰是歲在壬申刑在東方

誅貉

之部先縱焉捕斬虜騶平定東域虜知殄滅在于漏刻

此乃天地羣神社稷宗廟佑助之福公卿大夫士民同

心將率虓虎之力也

師古曰虓音火交反

予甚嘉之其更名高句

驪爲下句驪布告天下令咸知焉於是貉人愈犯邊東

北與西南夷皆亂云莽志方盛以爲四夷不足吞滅專

念稽古之事復下書曰伏念予之皇始祖考虞帝受終

文祖在璿璣玉衡以齊七政遂類于上帝禋于六宗望

秩于山川徧于羣神巡狩五嶽羣后四朝敷奏以言明

試以功

師古曰解並在前

予之受命卽真到于建國五年己五

載矣陽九之阨既度百六之會已過歲在壽星填在明

堂倉龍癸酉德在中宮

服虔曰倉龍太歲也張晏曰太歲起於甲寅爲龍東方倉癸德

在中宮也晉灼曰壽星角亢也東宮倉龍房心也心爲

明堂填星所在其國昌莽自謂土也土行主填星癸德

在中宮宮

又土也 觀晉掌歲龜策告從

孟康曰觀辰星進退掌主也晉灼曰國語晉文

公以卯出酉入過五鹿得土歲在壽星其日戊申莽欲

法之以爲吉祥正以二月建寅之節東巡狩者取萬物

生之始也視晉識太歲所在其以此年二月建寅之節

宿度所合卜筮皆吉故法之

東巡狩具禮儀調度

師古曰調音徒鈞反

羣公奏請募吏民人馬

布綿又請內郡國十二買馬發帛四十五萬匹輸常安

前後母相須

師古曰須待也

至者過半莽下書曰文母太后體

不安其且止待後是歲改十一公號以新爲心後又改

心爲信五年二月文母皇太后崩葬渭陵與元帝合而

溝絕之

如淳曰葬於司馬門內作溝絕之

立廟於長安新室世世獻祭

元帝配食坐於牀下莽爲太后服喪三年大司馬孔永

乞骸骨賜安車駟馬以特進就朝位同風侯遂並爲大

司馬是時長安民間莽欲都雒陽不肯繕治室宅

師古曰繕

補也或頗徹之莽曰立龍石文曰定帝德國雒陽符命著

明敢不欽奉以始建國八年歲纏星紀

孟康曰纏居也星紀在斗牽牛

問師古曰纏踐歷也音直連反

在雒陽之都其謹繕脩常安之都勿令

壞敗敢有犯者輒以名聞請其罪是歲烏孫大小昆彌

遣使貢獻大昆彌者中國外孫也其胡婦子爲小昆彌

而烏孫歸附之莽見匈奴諸邊並侵意欲得烏孫心迺遣使者引小昆彌使置大昆彌使上保成師友祭酒滿昌劾奏使者曰夷狄以中國有禮誼故詘而服從大昆彌君也今序臣使於君使之上非所以有夷狄也奉使大不敬莽怒免昌官西域諸國以莽積失恩信焉耆先畔殺都護但欽十一月彗星出二十餘日不見是歲以犯挾銅炭者多除其法明年改元曰天鳳天鳳元年正月赦天下莽曰予以二月建寅之節行巡狩之禮大官齋糝乾肉內者行張坐臥

師古曰糝乾飯也張坐臥謂帷帳茵席也糝音備○宋祁

曰淳化本無內字新本肉字下去內者行

所過毋得有所給師古曰言自齋食及帷帳以行

在路所經過  
不須供費也

予之東巡必躬載耒每縣則耕以勸東作

師古曰耒耜曲木也音力對反

○宋祁曰耒字下當有耜字 予之南巡必躬載耨每

縣則耨以勸南僞

師古曰耨鉏也耨耕去草也耨音奴 豆反耨音火高反僞讀曰詭詭化也

予之西巡必躬載銚每縣則穫以勸西成予之北巡必

躬載拂每縣則粟以勸蓋臧

師古曰拂音佛所以擊治 禾者也今謂之連枷粟謂

治粟 畢北巡狩之禮卽于土中居雒陽之都焉敢有趨謹

犯法輒以軍法從事

劉德曰趨謹走呼也

羣公奏言皇帝至孝往

年文母聖體不豫躬親供養衣冠稀解因遭弃羣臣悲

哀顏色未復飲食損少今一歲四巡道路萬里春秋尊

非糝乾肉之所能堪且無巡狩須闕大服以安聖體

師古

曰闕盡也  
音口決反

臣等盡力養牧兆民奉稱明詔

師古曰  
稱副也

莽曰

羣公羣牧羣司諸侯庶尹願盡力相帥養牧兆民欲以稱子繇此敬德

師古曰繇  
讀與由同

其勗之哉毋食言焉更以天

鳳七年歲在大梁倉龍庚辰行巡狩之禮厥明年歲在

實沈倉龍辛巳卽土之中雒陽之都廼遣太傅平晏大

司空王邑之雒陽營相宅兆圖起宗廟社稷郊兆云三

月壬申晦日有食之大赦天下策大司馬遂並曰日食

無光干戈不戢其上大司馬印韍就侯氏朝位太傅平

晏勿領尚書事省侍中諸曹兼官者以利苗男訢爲大

司馬

如淳曰利  
苗邑名

莽卽真尤備大臣抑奪下權朝臣有言

其過失者輒拔擢孔仁趙博費興等以敢擊大臣故見

信任

師古曰費音扶味反

擇名官而居之公卿入宮吏有常數太

傅平晏從吏過例掖門僕射苛問不遜

師古曰僕射苛問平晏其言不

遜

戊曹士收繫僕射

應劭曰莽自以士行故使太傅置戊曹士士掾也蘇林曰士者曹掾

屬公府諸曹次第之名也師古曰應說是○蕭該曰戊子案春秋說曰土戊也五行書曰戊己屬土王莽自以

土行音戀

莽大怒使執法發車騎數百圍太傅府捕士卽時

死大司空士夜過奉常亭亭長苛之告以官名亭長醉

曰寧有符傳耶

師古曰傳音張戀反

士以馬箠擊亭長

師古曰箠策也音止

案亭長斬士亡郡縣逐之家上書

師古曰亭長家上書自治

莽曰亭

長奉公勿逐大司空邑斥士以謝

○劉攽曰前云斬士後云斥士則非斬也

疑是  
斫字

國將哀章頗不清莽爲選置和叔

師古曰特  
爲置此官

敕曰

非但保國將闔門當保親屬在西州者諸公皆輕賤而

章尤甚四月隕霜殺少木

師古曰少  
古草字

海瀕尤甚

師古曰  
邊海之

地也瀕音  
頻又音賓

六月黃霧四塞七月大風拔樹飛北闕直城

門屋瓦

師古曰北闕直城門瓦皆飛也直  
城門長安城門名也解在成紀

雨雹殺牛羊

莽以周官王制之文置卒正連率大尹職如太守屬令

屬長職如都尉置州牧部監二十五人見禮如三公監

位上大夫各主五郡公氏作牧侯氏卒正伯氏連率子

氏屬令男氏屬長皆世其官其無爵者爲尹分長安城

旁六鄉置帥各一人分三輔爲六尉郡

師古曰三輔黃  
圖云渭城安陵



以西北至栒邑義渠十縣屬京尉大夫府居故長安寺  
高陵以北十縣屬師尉大夫府居故廷尉府新豐以東  
至湖十縣屬翊尉大夫府居城東霸陵杜陵東至藍田  
西至武功郁夷十縣屬光尉大夫府居城南茂陵槐里  
以西至汧十縣屬扶尉大夫府居城西長陵池陽  
以北至雲陽殺襖十縣屬列尉大夫府居城北

河東

河內弘農河南潁川南陽爲六隊郡

師古曰隊音遂○劉奉世曰河南當

爲滎陽莽所分以爲六隊之一也下文自有河南大尹更爲保忠信卿

置大夫職如太守

屬正職如都尉更名河南大尹曰保忠信卿益河南屬

縣滿三十置六郊州長各一人

○劉奉世曰當爲六郊衍州字

人主五

縣及它官名悉改大郡至分爲五郡縣以亭爲名者三

百六十以應符命文也緣邊又置竟尉以男爲之

師古曰竟

音日

諸侯國閒田爲黜陟增減云

師古曰閒音閑以擬有功封賜有罪黜陟

也莽下書曰常安西都曰六鄉衆縣曰六尉義陽東都

曰六州

○劉奉世曰州當爲郊

衆縣曰六隊粟米之內曰內郡

師古

日禹貢去王城四百里納粟五百里納米皆在甸服之內

其外曰近郡有鄣徼者曰

邊郡合百二十有五郡九州之內縣二千二百有三公

作甸侯是爲惟城諸在侯服是爲惟寧在采任諸侯是

爲惟翰

師古曰采采服也任男服也

在賓服是爲惟屏

師古曰賓服即古衛服也

取諸侯賓服以爲名

在揆文教奮武衛是爲惟垣在九州之外是

爲惟藩

師古曰凡此惟城以下取詩大雅板之篇云僭人惟藩大師惟垣大邦惟屏大宗惟翰懷德惟

寧宗子惟城以爲名號也解在諸侯王年表

各以其方爲稱總爲萬國焉其

後歲復變更一郡至五易名而還復其故吏民不能紀

每下詔書輒繫其故名曰制詔陳留大尹太尉其以益

歲以南付新平

蘇林曰陳留圍縣莽改曰益歲

新平故淮陽以雍丘以

東付陳定陳定故梁郡以封丘以東付治亭治亭故東

郡以陳留以西付祈隧祈隧故滎陽

○劉奉世曰此祈隧卽莽六隊之一

也莽蓋分河南之滎陽置郡

陳留已無復有郡矣大尹太尉皆詣行

在所其號令變易皆此類也令天下小學戊子代甲子

爲六旬首冠以戊子爲元日

師古曰冠音工喚反元善也

昏以戊寅

之旬爲忌日

師古曰昏謂娶妻也

百姓多不從者匈奴單于知死

弟咸立爲單于求和親莽遣使者厚賂之詐許還其侍

子登因購求陳良終帶等單于卽執良等付使者檻車

請長安莽燔燒良等於城北令吏民會觀之緣邊大饑  
人相食諫大夫如普行邊兵

師古曰行音下更反

還言軍士久屯

塞苦邊郡無以相贍今單于新和宜因是罷兵校尉韓  
威進曰以新室之威而吞胡虜無異口中蚤蝨臣願得  
勇敢之士五千人不齎斗糧饑食虜肉渴飲其血可以  
橫行莽壯其言以威爲將軍然采普言徵還諸將在邊  
者免陳欽等十八人又罷四關填都尉諸屯兵會匈奴  
使還單于知侍子登前誅死發兵寇邊莽復發軍屯於  
是邊民流入內郡爲人奴婢廼禁吏民敢挾邊民者弃  
市益州蠻夷殺大尹程隆三邊盡反遣平蠻將軍馮茂

將兵擊之寧始將軍侯輔免講易祭酒戴參爲寧始將

軍二年二月置酒王路堂公卿大夫皆佐酒

師古曰助行酒

大

赦天下是時日中見星大司馬苗訢左遷司命以延德

侯陳茂爲大司馬訛言黃龍墮死黃山宮中百姓犇走

往觀者有萬數莽惡之

師古曰莽自謂黃德故有此妖

捕繫問語所從

起不能得單于咸旣和親求其子登屍莽欲遣使送致

恐咸怨恨害使者廼收前言當誅侍子者故將軍陳欽

以他臯繫獄欽曰是欲以我爲說於匈奴也

師古曰說解說也託

言以其前建議誅侍子今故殺之

遂自殺莽選儒生能顓對者

師古曰顓與專

同專對謂應對無方能專其事

濟南王咸爲大使五威將琅邪伏黯等

爲帥使送登屍敕令掘單于知墓棘鞭其屍又令匈奴  
却塞於漠北責單于馬萬匹牛三萬頭羊十萬頭及稍  
所略邊民生口在者皆還之

○劉攽曰稍所略非辭莽當云所鈔略傳寫誤爾

好爲大言如此咸到單于庭陳莽威德責單于背畔之  
辜應敵從橫單于不能詘遂致命而還之

○劉奉世入日之字衍

塞咸病死封其子爲伯伏黯等皆爲子莽意以爲制定  
則天下自平故銳思於地里制禮作樂講合六經之說  
公卿旦入暮出議論連年不決不暇省獄訟寃結民之  
急務縣宰缺者數年守兼

師古曰不拜正官權令人守兼

一切貪殘日

甚

○宋祁曰甚下當有是時二字

中郎將繡衣執法在郡國者並乘權

執傳相舉奏

○宋祁曰傳疑作傳

又十一公士分布勸農桑班時

令案諸章冠蓋相望交錯道路召會吏民逮捕證左郡

縣賦歛遞相賂賂白黑紛然

師古曰白黑謂清濁也紛然亂意也言清濁不分也

守闕告訴者多莽自見前顓權以得漢政故務自搯衆

事

師古曰搯與擊同其字從手

有司受成苟免

師古曰莽事事自決成熟乃以付吏吏苟

免罪責而已

諸寶物名帑藏錢穀官皆宦者領之

師古曰帑音他莽反

又音奴

吏民上封事書宦官左右開發尚書不得知其畏

備臣下如此又好變改制度政令煩多當奉行者輒質

問乃以從事

師古曰質正也

前後相乘憤耗不潔

師古曰乘積也登也憤耗

不明也潔散也徹也憤音工內反耗音莫報反

莽常御燈火至明猶不能勝尚

書因是爲姦寢事上書待報者連年不得去拘繫郡縣

者逢赦而後出衛卒不交代三歲矣穀常貴邊兵二十

餘萬人仰衣食縣官愁苦師古曰仰音牛向反五原代郡尤被其

毒起爲盜賊數千人爲輩轉入旁郡莽遣捕盜將軍孔

仁將兵與郡縣合擊歲餘迺定邊郡亦略將盡師古曰言其外

亡結爲盜賊在者少也邯鄲以北大雨霧水出深者數丈劉敞曰霧字

疑非流殺數千人立國將軍孫建死司命趙閎爲立國將

軍寧始將軍戴參歸故官南城將軍廉丹爲寧始將軍

三年二月乙酉地震大雨雪師古曰雨音于具反關東尤甚深者

一丈竹栢或枯大司空王邑上書言視事八年功業不



效司空之職尤獨廢頓至迺有地震之變願乞骸骨莽

曰夫地有動有震震者有害動者不害春秋記地震易

繫坤動動靜辟脅萬物生焉

師古曰辟讀曰闢開也脅收斂也易上繫之辭曰夫

坤其動也闢其靜也翕是以廣生焉故莽引之也翕脅之聲相近義則同

災異之變各有云

爲天地動威以戒予躬公何辜焉而乞骸骨非所以助

予者也使諸吏散騎司祿大衛脩寧男遵諭予意焉五

月莽下吏祿制度曰予遭陽九之阨百六之會國用不

足民人騷動自公卿以下一月之祿十纓布二匹

孟康曰纓

八十纓也師古曰纓音子公反韋昭曰四乘曰莒十莒曰纓十纓爲禾四百乘也

或帛一匹予

每念之未嘗不戚焉今阨會已度府帑雖未能充略頗

稍給其以六月朔庚寅始賦吏祿皆如制度四輔公卿

大夫士下至輿僚凡十五等僚祿一歲六十六斛稍以

差增上至四輔而爲萬斛云莽又曰普天之下莫非王

土率土之濱莫非王臣師古曰莽引小雅北山之詩也蓋以天下養焉

周禮膳羞百有二十品令諸侯各食其同國則師古曰謂公食

同侯伯食國子男食則也辟任附城食其邑師古曰辟君也任公主也辟音壁任音壬○宋

祁曰如淳曰辟公主也任宗室女也公卿大夫元士食其

采師古曰謂因官職而食地也多少之差咸有條品歲豐穰則充其

禮師古曰穰音人掌反有災害則有所損與百姓同憂喜也其用

上計時通計天下幸無災患者太官膳羞備其品矣卽

有災害以什率多少而損膳焉

○宋祁曰什東嶽太師下常有計字

立國將軍保東方三州一部二十五郡南嶽太傅前將

軍保南方二州一部二十五郡西嶽國師寧始將軍保

西方一州二部二十五郡北嶽國將衛將軍保北方二

州一部二十五郡大司馬保納卿言卿仕卿作卿京尉

扶尉兆隊右隊中部左洎前七部

服虔曰大司馬保此官皆如郡守也晉灼

日左與前故特七部師古曰洎亦泉字也泉及也隊音遂此下並同

大司徒保樂卿典卿

宗卿秩卿翼尉光尉左隊前隊中部右部有五郡大司

空保予卿虞卿共卿工卿師尉列尉祈隊後隊中部洎

後十郡

師古曰共讀曰供。劉攽曰此文誤但當云大司馬保納言卿作仕卿大司徒保典樂卿秩宗

卿大司空保子虞卿共工卿不合分爲兩也劉奉世曰其言七部亦當云七郡然其有二十二郡尚未及二十

五郡疑字當有誤

及六司六卿皆隨所屬之公保其災害

○劉奉世

曰葬所六司又已有六卿此當但云司卿卽所謂三公司卿曰司允司直司若者也後人不曉又妄加兩六字

耳亦以十率多少而損其祿郎從官中都官吏食祿都

內之委者以大官膳羞備損而爲節

師古曰言隨其多少

諸侯辟

任附城羣吏亦各保其災害幾上下同心

師古曰幾音日冀

勸

進農業安元元焉莽之制度煩碎如此課計不可理吏

終不得祿各因官職爲姦受取賕賂以自共給

師古曰共讀日

供是月戊辰長平館西岸崩邕涇水不流毀而北行

師古

日邕讀日雍

遣大司空王邑行視

師古曰行音下更反

還奏狀羣臣上

壽以爲河圖所謂以土填水

師古曰填讀與鎮同

匈奴滅亡之祥

也乃遣并州牧宋弘遊擊都尉任明等將兵擊匈奴至

邊止屯七月辛酉霸城門災民間所謂青門也

師古曰三輔黃

圖云長安城東出南頭名霸城門俗以其色青名曰青門

戊子晦日有食之大赦天

下復令公卿大夫諸侯二千石舉四行各一人

師古曰依漢光

祿之四科。劉奉世曰四行蓋前已舉德行言語政事文學今復令舉之非光祿四行

大司馬陳

茂以日食免武建伯嚴尤爲大司馬

如淳曰莽之伯子男號也

十月

戊辰王路朱鳥門鳴晝夜不絕崔發等曰虞帝闢四門

通四聰

師古曰虞書敘舜之德也闢四門明四目達四聰故引之

門鳴者明當脩先

聖之禮招四方之士也於是令羣臣皆賀所舉四行從

朱鳥門入而對策焉平蠻將軍馮茂擊句町士卒疾疫死者什六七賦歛民財什取五益州虛耗而不克徵還下獄死更遣寧始將軍廉丹與庸部牧史熊擊句町頗斬首有勝莽徵丹熊丹熊願益調度必克乃還復大賦歛就都大尹馮英不肯給上言自越嶲遂久仇牛同亭邪豆之屬反畔以來積且十年

服虔曰遂久縣名也仇牛等越嶲旁夷

郡

縣距擊不已續用馮茂苟施一切之政焚道以南山險

高深茂多毆衆遠居

師古曰毆讀與驅同

費以億計吏士離毒氣

死者什七

師古曰離遭也

今丹熊懼於自詭期會

師古曰詭責也自以爲憂

責

調發諸郡兵穀復訾民取其十四

師古曰發人訾財十取其四也空

破梁州功終不遂

師古曰遂成也

宜罷兵屯田

宋祁曰宜或作一旦者非是

明設購賞莽怒免英官後頗覺寤曰英亦未可厚非復

以英爲長沙連率翟義黨王孫慶捕得莽使太醫尚方

與巧屠共剝剝之

師古曰剝剝也音口胡反

量度五臧

師古曰度音徒各反

以

竹筵導其脉知所終始云可以治病

師古曰筵竹挺也音庭以知血脉之

原則盡攻療之道也

宋祁曰蕭該音義鄭氏曰筵音平訂之訂筵草也予案字書曰訂評議也音亭字林曰

筵維絲管也大丁反

是歲遣大使五威將王駿西域都護李崇將

戍已校尉出西域諸國皆郊迎貢獻焉諸國前殺都護

但欽駿欲襲之命佐帥何封戍已校尉郭欽別將

師古曰別

領兵在後也

焉耆詐降伏兵擊駿等皆死欽封後到襲

將音子亮反

擊老弱從車師還入塞莽拜欽爲填外將軍

師古曰填音竹刃反

封剝胡子

師古曰剝音子小反韋昭曰又作紉音芟

何封爲集胡男西域自

此絕



前漢書卷九十九中

前漢書卷九十九中考證

王莽傳中始建國元年○顧炎武曰苟悅漢紀記莽事  
自始建國元年以後則云其二年其三年以至其十  
五年以別於正統而盡沒其天鳳地皇之號

中傅將孺子下殿○後書注引前書音義中傅宦者也  
又置司恭司徒○臣召南按此司徒當作司從與聰明

恭一例舊本別本俱誤耳

惟王氏虞帝之後也出自帝嚳劉氏堯之後也出自顓  
頊○按謂舜出于嚳堯出于顓頊莽于是直誣古帝矣  
遣五威將王奇等十二人班符命云云○臣召南按五

前漢書卷九十九考證  
威將十二人其將一人各有帥五人故下文云五威將帥七十二人還奏事也

并州平州尤甚○胡三省曰此時未有平州漢末公孫度自稱平州牧魏始分幽州置平州平字誤也

前漢書卷九十九中考證

前漢書卷九十九下

漢 蘭 臺 令 史班 固撰

唐正議大夫行秘書少監琅邪縣開國子顏師古注

王莽傳第六十九下

四年五月莽曰保成師友祭酒唐林故諫議祭酒琅邪

紀逡

師古曰逡音千旬反字或從彳其音同耳

孝弟忠恕敬上愛下博通舊

聞德行醇備至於黃髮靡有愆失

師古曰黃髮老稱謂白髮盡落更生黃者

其封林爲建德侯逡爲封德侯位皆特進見禮如三公

師古曰朝見之禮

賜第一區錢三百萬授几杖焉六月更授諸

侯茅土於明堂曰予制作地理建封五等考之經藝合

之傳記通於義理

○宋祁曰考之合之下各當添於字通字下當添之字

論之思

之至於再三自始建國之元以來九年于茲廼今定矣

予親設文石之平陳菁茅四色之土

師古曰尚書禹貢苞匭菁茅儒者以

爲菁菜名也茅三春茅也而莽此言以菁茅爲一物則是謂善茅爲菁茅也土有五色而此云四者中央之土不以封也菁音精 欽告于岱宗泰社后土先祖先妣以班授之

師古曰欽敬也班布也

各就厥國養牧民人用成功業其在緣邊

若江南非詔所召遣侍于帝城者納言掌貨大夫且調

都內故錢予其祿

師古曰調謂發取之音徒鈞反次下亦同

公歲八十萬侯

伯四十萬子男二十萬然復不能盡得莽好空言慕古

法多封爵人性實遊嗇

師古曰遊讀與各同

託以地理未定故且

先賦茅土用慰喜封者是歲復明六筦之令每一筦下  
爲設科條防禁犯者罪至死吏民抵罪者寢衆又一切  
調上公以下諸有奴婢者率一口出錢三千六百天下

愈愁盜賊起

○宋祁曰起上當有興字

納言馮常以六筦諫莽大怒

免常官置執法左右刺姦選用能吏侯霸等分督六尉

六隊

師古曰督察也隊音遂

如漢刺史與三公士郡一人從事臨

淮瓜田儀等爲盜賊依阻會稽長州

服虔曰姓瓜田名儀師古曰長州卽

枚乘所云長州之苑

琅邪女子呂母亦起初呂母子爲縣吏爲宰

所寃殺

師古曰宰縣令

母散家財以酤酒買兵弩

師古曰酤音姑

陰厚

貧窮少年得百餘人遂攻海曲縣殺其宰以祭子墓引

兵入海其衆浸多後皆萬數莽遣使者卽赦盜賊還言盜賊解輒復合問其故皆曰愁法禁煩苛不得舉手力作所得不足以給貢稅閉門自守又坐鄰伍鑄錢挾銅姦吏因以愁民民窮悉起爲盜賊莽大怒免之其或順指言民驕黠當誅及言時運適然且滅不久莽說輒遷之

師古曰說讀曰悅

是歲八月莽親之南郊鑄作威斗威斗者

以五石銅爲之

李奇曰以五色藥石及銅爲之蘇林曰以五色銅鑄治之師古曰李說是也若

今作鑰石之爲

若北斗長二尺五寸欲以厭勝衆兵

師古曰厭音一葉反

旣成令司命負之莽出在前入在御旁鑄斗日大寒百官人馬有凍死者五年正月朔北軍南門災以大司馬

司允費興爲荊州牧見問到部方略興對曰荆揚之民

率依阻山澤以漁采爲業

師古曰漁謂捕魚也采謂采取蔬果之屬

問者國

張六筦稅山澤妨奪民之利連年久旱百姓饑窮故爲

盜賊興到部欲令明曉告盜賊歸田里假貸犁牛種食

師古曰貸音土戴反

闕其租賦

師古曰闕寬也

幾可以解釋安集

師古曰幾讀曰

冀

莽怒免興官天下吏以不得奉祿並爲姦利郡尹縣

宰家累千金莽下詔曰詳考始建國二年胡虜猾夏以

來諸軍吏及緣邊吏大夫以上爲姦利增產致富者收

其家所有財產五分之四以助邊急公府士馳傳天下

考覆貪饕

師古曰傳音張總反饕音吐高反

開吏告其將奴婢告其主



幾以禁姦

師古曰幾讀曰冀

姦愈甚皇孫功崇公宗坐自畫容

貌被服天子衣冠刻印三一日維祉冠存已夏處南山

臧薄冰

文穎曰祉福祥也冠存已欲襲代也應劭曰二夏處南山就陰涼也臧薄冰亦以除暑也

二

日肅聖寶繼

應劭曰莽自謂承聖舜後能肅敬得天寶龜以立宗欲繼其緒

三曰德封

昌圖

蘇林曰宗自言以德見封當遂昌熾受天下圖籍

又宗舅呂寬家前徙合

浦私與宗通發覺按驗宗自殺莽曰宗屬爲皇孫爵爲

上公知寬等叛逆族類而與交通刻銅印三文意甚害

不知厭足窺欲非望春秋之義君親母將將而誅焉

師古

曰春秋公羊傳之辭也以公子牙將爲弑逆而誅之故云然也親謂父母也

迷惑失道自取

此辜烏呼哀哉宗本名會宗以制作去二名今復名會

宗貶厥爵改厥號賜諡爲功崇繆伯以諸侯之禮葬于

故同穀城郡

師古曰同者宗所封一同之地

宗姊妨爲衛將軍王興夫

人祝詛姑殺婢以絕口事發覺莽使中常侍鸞暉責問

妨

師古曰鸞音帶又音徒蓋反

并以責興皆自殺事連及司命孔仁

妻亦自殺仁見莽免冠謝莽使尚書劾仁乘乾車駕坤

馬左蒼龍右白虎前朱鳥

○宋祁曰鳥當作雀

後立武右杖威節

左負威斗號曰赤星非以驕仁廼以尊新室之威命也

仁擅免天文冠大不敬有詔勿劾更易新冠其好怪如

此

師古曰言莽性好爲鬼神怪異之事

以直道侯王涉爲衛將軍涉者曲

陽侯根子也根成帝世爲大司馬薦莽自代莽恩之

師古

曰懷其舊恩也

以爲曲陽非令稱

師古曰令善也曲陽之名非善稱也

乃追諡根

曰直道讓公涉嗣其爵是歲赤眉力子都樊崇等

○劉攽曰

力當作刀

以饑饉相聚起於琅邪轉鈔掠衆皆萬數遣使者

發郡國兵擊之不能克六年春莽見盜賊多乃令太史

推三萬六千歲歷紀六歲一改元布天下下書曰紫閣

圖曰太一黃帝皆僊上天

師古曰僊古仙字上升也

張樂崑崙崙度山

之上後世聖主得瑞者當張樂秦終南山之上

服虔云長安南

山詩所謂終南故秦地故言秦也

予之不敏奉行未明乃今論矣復以

寧始將軍爲更始將軍以順符命易不云乎日新之謂

盛德生生之謂易

李奇曰易道生諸當生者也師古曰下繫之辭體化合變故曰日新

子

其饗哉欲以誑耀百姓銷解盜賊衆皆笑之

○宋祁曰笑當作咲

初獻新樂於明堂太廟羣臣始冠麟韋之弁

李奇曰或鹿皮冠

聞其樂聲曰清厲而哀非興國之聲也是時關東饑旱

數年力子都等黨衆寢多

師古曰寢漸也

更始將軍廉丹擊益

州不能克徵還更遣復位後大司馬護軍郭興庸部牧

李犇擊蠻夷若豆等太傅羲叔士孫喜清潔江湖之盜

賊而匈奴寇邊甚莽乃大募天下丁男及死罪囚吏民

奴名曰豬突豨勇以爲銳卒一切稅天下吏民訾三十

取一縑帛皆輸長安令公卿以下至郡縣黃綬皆保養

軍馬

師古曰保者言不許其有死失

多少各以秩爲差又博募有奇技

術可以攻匈奴者將待以不次之位言便宜者以萬數

或言能度水不用舟楫

師古曰楫所以刺舟也音集其字從木

連馬接騎

濟百萬師或言不持斗糧服食藥物三軍不饑或言能

飛一日千里可窺匈奴莽輒試之取大鳥翮爲兩翼

師古

曰翮本曰翮音胡隔反

頭與身皆著毛通引環紐飛數百步墮莽

知其不可用苟欲獲其名皆拜爲理軍賜以車馬待發

初匈奴右骨都侯須卜當其妻王昭君女也嘗內附莽

遣昭君兒子和親侯王歛誘呼當至塞下脅將詣長安

強立以爲須卜善于後安公

師古曰善于者匈奴之號也後安公者中國之爵兩

加始欲誘迎當大司馬嚴尤諫曰當在匈奴右部兵不

侵邊單于動靜輒語中國此方面之大助也于今迎當

置長安橐街一胡人耳

師古曰橐街蠻夷館所在也解在陳陽傳橐音工早反

不

如在匈奴有益莽不聽既得當欲遣尤與廉丹擊匈奴

皆賜姓徵氏號二徵將軍當誅單于興而立當代之

師古

曰興者時見爲單于之名

出車城西橫廡未發尤素有智略非莽攻

伐四夷數諫不從著古名將樂毅白起不用之意及言

邊事凡三篇奏以風諫莽

師古曰風讀曰諷

及當出廷議尤固

言匈奴可且以爲後先憂山東盜賊莽大怒乃策尤曰

視事四年蠻夷猾夏不能遏絕寇賊姦宄不能殄滅不

畏天威不用詔命兒佞自臧持必不移

師古曰兒古貌字也兒佞言其

俱戾見於容貌也臧善也自以師懷執異心非沮軍議古

為善而固持其所見不可移易師日沮壞也音材汝反未忍致于理其上大司馬武建伯印師日古

者印組歸故郡以降符伯董忠為大司馬翼平連率出況

奏郡縣訾民不實師古曰舉百姓貴財不以實數莽復三十稅一以況

忠言憂國進爵為伯賜錢二百萬衆庶皆詈之○宋祁日言當

作罵青徐民多弃鄉里流亡老弱死道路壯者入賊中夙

夜連率韓博上言有奇士長丈大十圍來至臣府日欲

奮擊胡虜自謂巨毋霸出於蓬萊東南五城西北昭如

海瀕師古曰昭如海名也瀕涯也音頻又音賓輅車不能載三馬不能勝即

日以大車四馬建虎旗載霸詣闕霸臥則枕鼓以鐵著

食○宋祁曰南本云卧則枕數尺鐵非是此皇天所以輔新室也願陛下

作大甲高車賁育之衣遣大將一人與虎賁百人迎之

於道京師門戶不容者開高大之以視百蠻師古曰視讀曰示

鎮安天下博意欲以風莽晉灼曰諷言毋得篡盜而霸莽聞惡之留

霸在所新豐師古曰在所謂其見到之處更其姓曰巨母氏謂因文

母太后而霸王符也師古曰莽字巨君若言文母出此人使我致霸王徵博下

獄以非所宜言弃市明年改元曰地皇從三萬六千歲

歷號也地皇元年正月乙未赦天下下書曰方出軍行

師敢有趨謹犯法者輒論斬母須時師古曰趨謹謂趨走而謹諱也須待

也盡歲止師古曰至此歲盡而止於是春夏斬人都市百姓震懼



道路以目二月壬申日正黑莽惡之下書曰迺者日中

見昧陰薄陽黑氣爲變

○宋祁曰蕭該音義曰昧字林云日旁作未言昧爽且明也日

闇昧云昧升勺後星也音芒太反予案易曰日中見昧非音昧也當音芒太反

百姓莫不驚怪

兆域大將軍王匡

○劉奉世曰兆域二字無理當是北城字衍大字前有南城將軍此王匡

又別一王匡也

遣吏考問上變事者欲蔽上之明是以適見于

天

師古曰適音謫謫責也音徒尼反見音胡電反

以正于理塞大異焉莽見四

方盜賊多復欲厭之

師古曰厭音一葉反

又下書曰予之皇初祖

考黃帝定天下將兵爲上將軍建華蓋立斗獻

師古曰獻音義

謂斗魁及杓末如勺之形也

內設大將外置大司馬五人大將軍二

十五人偏將軍百二十五人裨將軍千二百五十人校

尉萬二千五百人司馬三萬七千五百人侯十一萬二

千五百人當百二十二萬五千人

晉灼曰當亦官名也師古曰當百官各百

非其數

士吏四十五萬人士千三百五十萬人

晉灼曰自五大司馬

至此皆以五乘之也師古曰晉說非也從上計之或五或十或兩或三

應協於易弧矢之

利以威天下

師古曰易下繫辭曰弦木爲弧刻木爲矢弧矢之利以威天下言所立將率以合此

意木弓曰弧

予受符命之文稽前人將條備焉

師古曰稽考也考法於前

也於是置前後左右中大司馬之位賜諸州牧號爲大

將軍郡卒正連帥大尹爲偏將軍屬令長裨將軍

○宋祁曰

卒字當

縣宰爲校尉乘傳使者經歷郡國日且十輩

師古

曰傳音張戀反次下亦同

倉無見穀

師古曰見謂見在也

以給傳車馬不能足

賦取道中車馬

師古曰於道中行者卽執取之以取辦充事也○劉攽曰以給當屬上句

於民七月大風毀王路堂復下書曰乃壬午晡時有烈

風雷雨發屋折木之變

師古曰烈風暴烈之風

予甚弁焉予甚栗

焉予甚恐焉

師古曰弁疾也一日弁撫手也言驚懼也

伏念一句迷廼解矣

師古曰先言烈風雷雨後言迷廼解矣蓋取舜納于大麓烈風雷雨不迷以爲言也昔符命文立

安爲新遷王

服虔曰安莽第三子也遷音仙莽改汝南新蔡曰新遷師古曰遷猶僂耳不勞假借

音臨國雒陽爲統義陽王是時予在攝假謙不敢當而

以爲公其後金匱文至議者皆曰臨國雒陽爲統謂據

土中爲新室統也宜爲皇太子自此後臨久病雖瘳不

平朝見孳茵輿行

服虔曰有疾以執茵輿之行也晉灼曰漢儀注皇后婕妤乘輦餘者以茵

四人舉以行豈今之板輿而鋪茵乎師古曰晉說非也此直謂坐茵褥之上而令四人對舉茵之四角輿而行何謂板輿乎見王路堂者張於西廂及後閣更衣中

李奇曰張帳也

百灼曰更衣中謂朝賀易衣服處室屋名也

又以皇后被疾臨且去本就舍

妃妾在東永巷

師古曰言臨侍疾故去其本所居而王來就此止息是以妃妾在東永巷也

午烈風毀王路西廂及後閣更衣中室昭寧堂池東南

榆樹大十圍東僵擊東閣閣即東永巷之西垣也皆破

折瓦壞發屋拔木予甚驚焉又候官奏月犯心前星厥

有占予甚憂之伏念紫閣圖文太一黃帝皆得瑞以僊

後世褒主當登終南山

李奇曰褒主大主也

所謂新遷王者乃太

一新遷之後也

服虔曰太一黃帝欲令安追繼其後也

統義陽王乃用五

統以禮義登陽上遷之後也臨有兄而稱太子名不正

宣尼公曰名不正則言不順至於刑罰不中民無錯手

足

師古曰論語載孔子對子路之言錯安置也音干故反莽追謚孔子為褒成宣尼公

惟卽位以

來陰陽未和風雨不時數遇枯旱蝗螟為災穀稼鮮耗

百姓苦饑

師古曰鮮少也耗虛也鮮音先踐反耗音火到反

蠻夷猾夏寇賊姦

宄人民正營無所錯手足

師古曰正營惶恐不安之意也正音征

深惟厥

咎在各不正焉其立安為新遷王臨為統義陽王幾以

保全二子

師古曰幾讀曰冀

子孫千億外攘四夷內安中國焉

是月杜陵便殿乘輿虎文衣廢臧在室匣中者

師古曰匣匱也

音出白樹立外堂上

師古曰樹豎也

良久乃委地吏卒見者以

聞莽惡之下書曰寶黃廝赤

服虔曰以黃爲寶自用其行氣也廝赤廝役賤者皆

衣赤賤漢行也

其令郎從官皆衣絳望氣爲數者多言有土功

象莽又見四方盜賊多欲視爲自安能建萬世之基者

師古曰視音示

乃下書曰予受命遭陽九之厄百六之會府帑

空虛百姓匱乏宗廟未修且禘祭於明堂太廟夙夜永

念非敢寧息深惟吉昌莫良於今年予乃卜波水之北

耶池之南惟玉食

劉德曰長安南也晉灼曰黃圖波郎二水名也在甘泉苑中師古曰晉說

非也黃圖有西波池耶池皆在石城南上林中予又卜玉食謂龜爲玉兆之文而墨食也波音彼皮反

金水之南明堂之西亦惟玉食予將親築焉於是遂營

長安城南

師古曰蓋所謂金水之南明堂之西

提封百頃九月甲申莽立

載行視

師古曰立載謂立而乘車也行音下更反

親舉築三下司徒王尋大

司空王邑持節及侍中常侍執法杜林等數十人將作

師古曰將領

崔發張邯說莽曰德盛者文縉

師古曰文禮文也縉

繁也音辱

宜崇其制度宣視海內

師古曰視讀曰示

且令萬世之後

無以復加也莽乃博徵天下工匠諸圖畫以望法度算

及吏民以義入錢穀助作者駱驛道路

師古曰駱驛言不絕

壞徹

城西苑中建章承光包陽大臺儲元宮及平樂當路陽

祿館凡十餘所

師古曰自建章以下至陽祿皆上林苑中館○劉歆曰建章與宮同名疑當是

字取其材瓦以起九廟是月大雨六十餘日令民入米

六百斛爲郎其郎吏增秩賜爵至附城九廟一曰黃帝

太初祖廟二曰帝虞始祖昭廟三曰陳胡王統祖穆廟

四曰齊敬王世祖昭廟五曰濟北愍王王祖穆廟凡五

廟不墮云師古曰墜毀也音火規反六曰濟南伯王尊禰昭廟七曰

元城孺王尊禰穆廟八曰陽平頃王戚禰昭廟九曰新

都顯王戚禰穆廟殿皆重屋太初祖廟東西南北各四

十丈高十七丈餘廟半之為銅薄櫨師古曰薄櫨柱上枅即今所謂楹也

櫨音盧飾以金銀瑠文師古曰瑠字與彫同窮極百工之巧帶高增

下師古曰本因高地而建立之其旁下者更增築○宋祁曰帶當作本功費數百鉅萬卒

獲死者萬數鉅鹿男子馬適求等謀舉燕趙兵以誅莽

師古曰馬適也求名也大司空士王丹發覺以聞莽遣三公大夫

乾隆四年校刊



逮治黨與

師古曰逮逮捕之也

連及郡國豪傑數千人皆誅

死封丹爲輔國侯自莽爲不順時令百姓怨恨莽猶安

之又下書曰惟設此壹切之法以來常安六鄉巨邑之

都枹鼓稀鳴盜賊衰少

師古曰巨大也枹所以擊鼓者也音孚其字從木

百姓

安土歲以有年此乃立權之力也今胡虜未滅誅蠻獍

未絕焚江湖海澤麻沸盜賊未盡破殄

師古曰麻沸言如亂麻而沸涌

又興奉宗廟社稷之大作民衆動搖今復壹切行此令

盡二年止之以全元元救愚姦是歲罷大小錢更行貨

布長二寸五分廣一寸直貨錢二十五貨錢徑一寸重

五銖枚直一兩品竝行敢盜鑄錢及偏行布貨伍人知

不發舉皆沒入爲官奴婢

師古曰伍人同伍之人若今伍保者也○宋祁曰淳化本

景本人字下有官字

太傅平晏死以予虞唐尊爲太傅尊曰國虛

民貧咎在奢泰乃身短衣小褰乘牝馬柴車

師古曰柴車卽棧車

藉橐瓦器

師古曰藉橐去蒲蒻也瓦器以瓦爲食器

又以歷遺公卿

師古曰以瓦器

盛食遺公卿也

出見男女不異路者尊自下車以象刑赭幡汗

染其衣

師古曰赭幡以赭汁漬巾幡

以莽聞而說之

師古曰說讀曰悅

下詔申

敕公卿思與厥齊

師古曰令與尊同此操行也論語稱孔子曰見賢思齊故莽云然

封

尊爲平化侯是時南郡張霸江夏羊牧王匡等起雲杜

綠林號曰下江兵

晉灼曰本起江夏雲杜縣後分西上入南郡屯藍田故號下江兵也

衆

皆萬餘人武功中水鄉民三舍墊爲池

師古曰墊陷也音丁念反

年正月以州牧位三公刺舉怠解

師古曰解讀曰懈

更置牧監

副秩元士冠法冠行事如漢刺史是月莽妻死諡曰孝

睦皇后葬渭陵長壽園西令永侍文母名陵曰億年初

莽妻以莽數殺其子涕泣失明莽令太子臨居中養焉

莽妻旁侍者原碧莽幸之後臨亦通焉恐事泄謀共殺

莽臨妻愔國師公女

師古曰愔音一尋反

能為星語臨宮中且有

白衣會臨喜以為所謀且成後貶為統義陽王出在外

第愈憂恐會莽妻病困臨予書曰上於子孫至嚴前長

孫中孫年俱三十而死

師古曰中讀曰仲

今臣臨復適三十誠

恐一旦不保中室則不知死命所在

李奇曰中室臨之母也晉灼曰長樂

宮中殿也師古曰二說皆非也中室室中也臨自言欲於室中自保全不可得耳 莽候妻疾見

其書大怒疑臨有惡意不令得會喪既葬收原碧等考

問具服姦謀殺狀莽欲秘之使殺案事使者司命從事

埋獄中家不知所在賜臨藥臨不肯飲自刺死使侍中

票騎將軍同說侯林賜魂衣璽韞師古曰說讀曰悅策書曰符

命文立臨爲統義陽王此言新室卽位三萬六千歲後

爲臨之後者乃當龍陽而起前過聽議者以臨爲太子

有烈風之變輒順符命立爲統義陽王在此之前自此

之後不作信順弗蒙厥佑天年隕命嗚呼哀哉迹行賜

諡諡曰繆王又詔國師公臨本不知星事從惜起惜亦

自殺是月新遷王安病死初葬爲侯就國時幸侍者增

秩懷能開明懷能生男與增秩生男匡女羣開明生女

捷皆留新都國以其不明故也

師古曰言侍者或與外人私通所生子女不可

分明也

及安疾甚莽自病無子爲安作奏使上言興等母

雖微賤屬猶皇子不可以棄章視羣公

師古曰視讀曰示以所上之章

福示之

皆曰安友于兄弟

師古曰友愛也善兄弟曰友

宜及春夏加封

爵於是王車遣使者迎興等封興爲功修公匡爲功

建公羣爲睦修任捷爲睦逮任孫公明公壽病死旬月

四喪焉莽壞漢孝武昭廟分葬子孫其中魏成大尹

李焉與卜者王況謀況謂焉曰新室卽位以來民田奴

婢不得賣買數改錢貨徵發煩數軍旅騷動四夷竝侵

百姓怨恨盜賊竝起漢家當復興君姓李李音徵徵火

也師古曰徵音竹里反當爲漢輔因爲焉作讖書言文帝發忿居

地下趣軍北告匈奴南告越人師古曰趣讀曰促江中劉信執

敵報怨復續古先四年當發軍江湖有盜自稱樊王姓

爲劉氏萬人成行師古曰行音胡郎反不受赦令欲動秦雒陽十

一年當相攻太白揚光歲星入東井其號當行師古曰號謂號

也又言莽大臣吉凶各有日期會合十餘萬言焉令吏

寫其書吏亡告之莽遣使者卽捕焉獄治皆死三輔盜

賊麻起師古曰言起者如亂麻也乃置捕盜都尉官令執法謁者追

擊長安中建鳴鼓攻賊幡而使者隨其後遣太師羲仲

景尙更始將軍護軍王黨將兵擊青徐國師和仲曹放

助郭興擊句町轉天下穀幣詣西河五原朔方漁陽每

一郡以百萬數欲以擊匈奴秋隕霜殺菽關東大饑蝗

民犯鑄錢伍人相坐沒入爲官奴婢其男子檻車兒女

子步以鐵鎖琅當其頸傳詣鍾官以十萬數師古曰琅當長鎖也

鍾官主鑄錢之官也到者易其夫婦師古曰改相配匹不依其舊也愁苦死者什

六七孫熹景尙曹放等擊賊不能克軍師放縱百姓重

困師古曰重音直用反莽以王況讖言荆楚當興李氏爲輔欲厭

之師古曰厭音一葉反廼拜侍中掌牧大夫李琴爲大將軍揚州

牧賜名聖

師古曰改其舊名以聖代讖琴音所林反

使將兵奮擊上谷儲夏

自請願說瓜田儀

服虔曰儲夏人姓也○劉奉世曰注脫一名字

莽以爲中郎

使出儀

師古曰說之令自出

儀文降未出而死

師古曰上文書言降而身未出莽

求其尸葬之爲起冢祠室諡曰瓜寧殤男幾以招來其

餘

師古曰幾讀曰冀

然無肯降者閏月丙辰大赦天下天下大

服民私服在詔書前亦釋除

張晏曰莽妻本以此歲死天下大服也私服自喪其

親皆除之

郎陽成脩獻符命言繼立民母又曰黃帝以百二

十女致神僊莽於是遣中散大夫謁者各四十五人分

行天下

師古曰行音下更反

博采鄉里所高有淑女者上名莽夢

長樂宮銅人五枚起立莽惡之念銅人銘有皇帝初兼



天下之文即使尚方工鑄滅所夢銅人膺文

師古曰鑄鑿也音子

全反又感漢高廟神靈

師古曰謂夢見譴責

遣虎賁武士入高廟拔

劍四面提擊

師古曰提擲也音徒計反

斧壞戶牖

師古曰以斧斫壞之

桃湯赭

鞭鞭灑屋壁

師古曰桃湯灑之赭鞭鞭之也赭赤也

令輕車校尉居其中

又令中軍北壘居高寢

師古曰徙北軍壘之兵士於高廟寢中屯居也

或言黃

帝時建華蓋以登僊莽乃造華蓋九重高八丈一尺金

瑤羽葆

師古曰瑤讀曰爪謂蓋弓頭爲爪形

載以祕機四輪車

服虔曰蓋高八丈其

杠皆有屈膝可上下屈伸也師古曰言潛爲機關不使外見故曰祕機也

駕六馬力士三百

人黃衣幘車上人擊鼓輓者皆呼登仙莽出令在前百

官竊言此似輻車非僊物也

師古曰輻車載喪車音而

是歲南郡秦

豐衆且萬人平原女子遲昭平能說經博以八投

服虔曰博

奕經以八箭投之

亦聚數千人在河阻中莽召問羣臣禽賊方

略皆曰此天囚行尸命在漏刻故左將軍公孫祿徵來

與議

師古曰與讀曰豫

祿曰太史令宗宣典星歷候氣變以凶

爲吉亂天文誤朝廷太傅平化侯飾虛僞以媮名位賊

夫人之子

師古曰論語稱子路使子羔爲費宰孔子曰賊夫人之子言羔未知政道而使宰邑所以

賊害也故祿引此而言○宋祁曰侯下當有唐尊二字

國師嘉信公顛倒五經毀

師法令學士疑惑明學男張邯地理侯孫陽造井田使

民棄土業羲和魯匡設六筮以窮工商說符侯崔發阿

諛取容令下情不上通宜誅此數子以慰天下又言匈

奴不可攻當與和親臣恐新室憂不在匈奴而在封域之中也莽怒使虎賁扶祿出然頗采其言左遷魯匡為五原卒正以百姓怨非故六筭非匡所獨造莽厭眾意而出之師古曰厭滿也音一艷反初四方皆以饑寒窮愁起為盜賊

稍稍羣聚常思歲孰得歸鄉里眾雖萬數亶稱巨人從

事三老祭酒師古曰亶讀曰但言不為大號不敢略有城邑轉掠求食

日闕而已師古曰闕盡也隨日而盡也闕音空穴反諸長吏牧守皆自亂鬪

中兵而死師古曰中傷也賊非敢欲殺之也而莽終不論其故

師古曰不曉此意也是歲大司馬士按章豫州師古曰有上章相告者就而按治之

為賊所獲賊送付縣士還上書具言狀莽大怒下獄以

爲誣罔因下書責七公曰夫吏者理也宣德明恩以牧

養民仁之道也抑強督姦捕誅盜賊義之節也

師古曰督謂察

也視今則不然盜發不輒得至成羣黨遮略乘傳宰士師古

曰傳音張戀反

士得脫者又妄自言我責數賊何故爲是

師古曰數

音所具反

賊曰以貧窮故耳賊護出我今俗人議者率多若

此惟貧困饑寒犯法爲非大者羣盜小者偷穴不過二

科

師古曰穴謂穿牆爲盜也

今乃結謀連黨以千百數是逆亂之大

者豈饑寒之謂邪七公其嚴敕卿大夫卒正連率庶尹

謹牧養善民急捕殄盜賊有不同心并力疾惡黜賊而

妄曰饑寒所爲輒捕繫請其罪於是羣下愈恐莫敢言

賊情者亦不得擅發兵賊由是遂不制唯翼平連率田

況素果敢發民年十八以上四萬餘人授以庫兵與刻

石爲約赤糜聞之不敢入界

師古曰糜眉也以朱塗眉故曰赤眉古字通用

自劾奏莽讓況

師古曰讓責也

未賜虎符而擅發兵此弄兵也

厥臯之興

師古曰擅發之罪與之軍興同科也

以況自詭必禽滅賊故且

勿治

師古曰詭責也自以爲憂責

後況自請出界擊賊所嚮皆破莽

以璽書令況領青徐二州牧事況上言盜賊始發其原

甚微非部吏伍人所能禽也咎在長吏不爲意縣欺其

郡郡欺朝廷實百言十實千言百朝廷忽略不輒督責

遂至延曼連州

師古曰延音弋戰反曼與蔓同

乃遣將率多發使者傳

相監趣

師古曰趣讀曰促

郡縣力事上官應塞詰對

師古曰力勤也塞當

也

共酒食具資用以救斷斬

師古曰交懼斬死之刑也共讀曰供。宋祁曰交懼

斷死罪之刑也

不給復憂盜賊治官事

師古曰給服也

將率又不能躬

率吏士戰則爲賊所破吏氣寢傷徒費百姓

師古曰寢漸也前

幸蒙赦令賊欲解散或反遮擊恐入山谷轉相告語故

郡縣降賊皆更驚駭恐見詐滅因饑饉易動旬日之間

更十餘萬人此盜賊所以多之故也今雒陽以東米石

二千竊見詔書欲遣太師更始將軍二人爪牙重臣多

從人衆道上空竭少則亡以威視遠方

師古曰視讀曰示

宜急

選牧尹以下明其賞罰收合離鄉小國無城郭者徙其

老弱置大城中積臧穀食并力固守賊來攻城則不能

下所過無食執不得羣聚如此招之必降擊之則滅今

空復多出將率郡縣苦之反甚於賊宜盡徵還乘傳諸

使者以休息郡縣委任臣況以二州盜賊必平定之莽

畏惡況陰爲發代遣使者賜況璽書使者至見況因令

代監其兵況隨使者西到拜爲師尉大夫況去齊地遂

敗三年正月九廟蓋構成納神主莽謁見大駕乘六馬

以五采毛爲龍文衣著角長三尺師古曰以被馬上也華蓋車元

戎十乘在前因賜治廟者司徒大司空錢各千萬侍中

中常侍以下皆封封都匠仇延爲邯淡里附城師古曰都匠大

匠也邯音胡敢反淡音大敢反豐盛之意

二月霸橋災數千人以水沃救不

滅莽惡之下書曰夫三皇象春五帝象夏三王象秋五伯象冬皇王德運也伯者繼空續乏以成歷數故其道

駁

師古曰伯讀曰霸

惟常安御道多以所近爲名迺二月癸巳

之夜甲午之辰火燒霸橋從東方西行至甲午夕橋盡火滅大司空行視考問或云寒民舍居橋下

師古曰舍止宿也

疑以火自燎爲此災也

師古曰燎謂炙令腴也

其明旦卽乙未立

春之日也予以神明聖祖黃虞遺統受命至于地皇四年爲十五年正以三年終冬絕滅霸駁之橋欲以興成新室統壹長存之道也又戒此橋空東方之道今東方



歲荒民饑道路不通東岳太師亟科條

師古曰亟急也

開東方

諸倉賑貸窮乏以施仁道其更名霸館爲長存館霸橋

爲長存橋是月赤眉殺太師羲仲景尚關東人相食四

月遣太師王匡更始將軍廉丹東

師古曰東謂東出也

祖都門外

師古曰祖道送匡丹都門外

天大雨霑衣上長老歎曰是謂泣軍莽

曰惟陽九之阨與害氣會究于去年枯旱霜蝗饑饉薦

臻

師古曰薦讀日荐荐仍也

百姓困乏流離道路於春尤甚予甚悼

之今使東岳太師特進褒新侯開東方諸倉賑貸窮乏

太師公所不過道分遣大夫謁者並開諸倉以全元元

太師公因與廉丹大使五威司命位右大司馬更始將

軍平均侯之兗州填撫所掌

師古曰之徒也填音竹刃反

及青徐故

不軌盜賊未盡解散後復屯聚者皆清潔之期於安兆

黎矣

師古曰黎庶也

太師更始合將銳士十餘萬人所過放縱

東方爲之語曰寧逢赤眉不逢太師太師尚可更始殺

我卒如田況之言莽又多遣大夫謁者分教民糞草木

爲酪酪不可食重爲煩費

師古曰重音直用反

莽下書曰惟民困

乏雖溥開諸倉以賑贍之猶恐未足其且開天下山澤

之防諸能采取山澤之物而順月令者其悉聽之勿令

出稅至地皇三十年如故是王光上戊之六年也

孟康曰戊

土也莽所作歷名

如令豪吏猾民辜而擢之小民弗蒙其子意

也師古曰辜擢謂獨專其利而合他人犯者得罪辜也易不云乎損上益下民說

无疆

師古曰益卦象辭也言損上以益下則人皆歡悅無窮竟

書云言之不從是謂

不艾

師古曰洪範之言艾讀曰艾又治也

咨虜羣公可不憂哉

師古曰咨者嘆息之

言是時下江兵盛新市朱鮪平林陳牧等皆復聚眾攻

擊鄉聚莽遣司命大將軍孔仁部豫州納言大將軍嚴

尤秩宗大將軍陳茂擊荊州各從吏士百餘人乘舡從

渭入河

○宋祁曰越本土作七舡當作船

至華陰迺出乘傳到部募士

尤謂茂曰遣將不與兵符必先請而後動是猶繼韓盧

而責之獲也

師古曰繼繫也韓盧古韓國之名犬也黑色曰盧

夏蝗從東方來

葦蔽天

師古曰葦古飛字

至長安入未央宮緣殿閣莽發吏民

設購賞捕擊莽以天下穀貴欲厭之

師古曰厭音一葉反

爲大倉

置衛交戟名曰政始掖門流民入關者數十萬人廼置

養贍官稟食之

師古曰稟給也食讀曰飢

使者監領與小吏共盜其

稟饑死者十七八先是莽使中黃門王業領長安市買

賤取於民甚患之業以省費爲功賜爵附城莽聞城

中饑饉以問業業曰皆流民也乃市所賣梁飴肉羹持

入視莽

師古曰視讀曰示

曰居民食咸如此莽信之冬無鹽索

盧恢等舉兵反城

師古曰索盧姓也恢名也反城據城以反也一曰反音幡今語賊猶曰幡

城索音先各反

廉丹王匡攻拔之斬首萬餘級莽遣中郎將奉

璽書勞丹匡進爵爲公封吏士有功者十餘人赤眉別

校董憲等衆數萬人在梁郡王匡欲進擊之廉丹以爲

新拔城罷勞

師古曰罷讀曰疲

當且休士養威匡不聽引兵獨

進丹隨之合戰成昌

師古曰成昌地名也

兵敗匡走丹使吏持其

印鞞符節付匡曰小兒可走吾不可遂止戰死校尉汝

雲王隆等二十餘人別鬪聞之皆曰廉公已死吾誰爲

生馳奔賊皆戰死

師古曰奔古奔字也

莽傷之下書曰惟公多擁

選士精兵衆郡駿馬倉穀帑藏皆得自調

師古曰謂發取也音徒鈞

反忽於詔策離其威節騎馬呵譟

師古曰忽謂怠忘也譟羣呼也音先到反

爲狂刃所害烏呼哀哉賜諡曰果公國將哀章謂莽曰

皇祖考黃帝之時中黃直爲將破殺蚩尤今臣居中黃

直之位願平山東莽遣章馳東與太師匡并力又遣大

將軍陽浚守敖倉司徒王尋將十餘萬屯雒陽填南宮

師古曰填音竹刃反

大司馬董忠養士習射中軍北壘大司空王

邑兼三公之職司徒尋初發長安宿霸昌廐

師古曰霸昌觀之廐

也三輔黃圖曰在城外也

亡其黃鉞尋士房揚素狂直廼哭曰此經

所謂喪其齊斧者也

應劭曰齊利也亡其利斧言無以復斷斬也師古曰此易巽卦上九

爻辭自劾去莽擊殺揚四方盜賊往往數萬人攻城邑殺

二千石以下太師王匡等戰數不利莽知天下潰畔事

窮計迫廼議遣風俗大夫司國憲等分行天下

師古曰行音下

更反除井田奴婢山澤六筦之禁卽位以來詔令不便於

民者皆收還之待見未發會世祖與兄齊武王伯升宛

人李通等師古曰世祖謂光武皇帝帥舂陵子弟數千人招致新市

平林朱鮪陳牧等合攻拔棘陽是時嚴尤陳茂破下江

兵成丹王常等數千人別走入南陽界十一月有星孛

于張東南行五日不見莽數召問太史令宗宣諸術數

家皆繆對言天文安善羣賊且滅莽差以自安四年正

月漢兵得下江王常等以為助兵擊前隊大夫甄阜屬

正梁丘賜皆斬之殺其眾數萬人初京師聞青徐賊眾

數十萬人訖無文號旌旗表識師古曰文謂文章號謂大位號也一曰號謂號

令也識讀與幟同音式志反咸怪異之好事者竊言此豈如古三皇

無文書號諡邪

師古曰欲其事成故云然也

莽亦心怪以問羣臣羣

臣莫對唯嚴尤曰此不足怪也自黃帝湯武行師必待

部曲旌旗號令今此無有者直饑寒羣盜犬羊相聚不

知爲之耳莽大說

師古曰說讀曰悅

羣臣盡服及後漢兵劉伯

升起皆稱將軍攻城略地旣殺甄阜移書稱說莽聞之

憂懼漢兵乘勝遂圍宛城初世祖族兄聖公先在平林

兵中三月辛巳朔平林新市下江兵將王常朱鮪等共

立聖公爲帝改年爲更始元年拜置百官莽聞之愈恐

欲外視自安

師古曰視讀曰示

廼染其須髮進所徵天下淑女

杜陵史氏女爲皇后聘黃金三萬斤車馬奴婢雜帛珍



寶以巨萬計莽親迎於前殿兩階間成同牢之禮于上

西堂備和嬪美御和人三位視公嬪人九視卿美人二

十七視大夫御人八十一視元士凡百二十人皆佩印

鞞執弓韣

師古曰禮記月令仲春之月玄鳥至之日以太牢祠于高禘天子親往后妃率九嬪御乃

禮天子所御帶以弓韣授以弓矢于高禘之前韣音獨衣也帶之者求男子之祥也故莽依放之焉韣音獨封

皇后父諶爲和平侯拜爲寧始將軍諶子二人皆侍中

是日大風發屋折木羣臣上壽曰迺庚子雨水灑道辛

丑清靚無塵

師古曰靚卽靜字也

其夕穀風迅疾從東羊求

師古曰穀

風卽谷風

辛丑巽之宮日也巽爲風爲順后誼明母道得溫

和慈惠之化也易曰受茲介福于其王母

師古曰晉卦六二爻也介

大也玉禮曰承天之慶萬福無疆師古曰禮之祝詞諸欲依廢

漢火劉皆沃灌雪除殄滅無餘雜矣百穀豐茂庶草蕃

殖師古曰蕃滋也殖生也元元驩喜兆民賴福天下幸甚莽日與

方士涿郡昭君等於後宮考驗方術縱淫樂焉大赦天

下然猶曰故漢氏春陵侯羣子劉伯升與其族人婚姻

黨與妄流言惑衆悖畔天命乃手害更始將軍廉丹前

隊大夫甄阜屬正梁丘賜及北狄胡虜逆與洎南夔虜

若豆孟遷不用此書師古曰與匈奴單于名也洎及也若豆孟遷蠻夔之名也言伯升已

下孟遷以上不在赦令之限也有能捕得此人者皆封爲上公食邑萬

戶賜寶貨五十萬又詔太師王匡國將哀章司命孔仁

兗州牧壽良卒正王閔揚州牧李聖亟進所部州郡兵

師古曰亟急也

凡三十萬衆迫措青徐盜賊

師古曰措讀與笮同音莊客反下亦

放納言將軍嚴尤秩宗將軍陳茂車騎將軍王巡

○宋祁曰

車騎監本作車馬劉奉世曰車馬將軍非官名字之誤也尤茂前云大將軍此云將軍未知孰誤然其它多如

此左隊大夫王吳亟進所部州郡兵凡十萬衆迫措前

隊醜虜明告以生活丹青之信

師古曰生活謂來降者不殺之也丹青之信言

明著也

復迷惑不解散皆并力合擊殄滅之矣大司空隆

新公宗室戚屬前以虎牙將軍東指則反虜破壞西擊

則逆賊靡碎

師古曰靡散也音武皮反

此迺新室威寶之臣也如黠

賊不解散將遣大司空將百萬之師征伐剝絕之矣

師古

曰剽截也  
音子小反

遣七公幹士隗囂等七十二人分下赦令曉

諭云囂等旣出因逃亡矣四月世祖與王常等別攻潁

川下昆陽鄧定陵

師古曰三縣之名也鄧音一扇反

莽聞之愈恐遣大

司空王邑馳傳之雒陽

師古曰傳音張戀反

與司徒王尋發衆郡

兵百萬號曰虎牙五威兵平定山東得顓封爵政決於

邑除用徵諸明兵法六十三家術者各持圖書受器械

備軍吏傾府庫以遣邑多齎珍寶猛獸欲視饒富用怖

山東

師古曰視讀曰示

邑至雒陽州郡各選精兵牧守自將定

會者四十二萬人餘在道不絕車甲士馬之盛自古出

師未嘗有也六月邑與司徒尋發雒陽欲至宛道出潁

川過昆陽昆陽時已降漢漢兵守之嚴尤陳茂與二公

會二公縱兵圍昆陽嚴尤曰稱尊號者在宛下宜亟進

師古曰彼破諸城自定矣邑曰百萬之師所過當滅今

屠此城喋血而進師古曰前歌後舞顧不快邪遂圍城

數十重城中請降不許嚴尤又曰歸師勿遏圍城爲之

關師古曰此兵法之言也可如兵法使得逸出以怖宛下

邑又不聽會世祖悉發鄴定陵兵數千人來救昆陽尋

邑易之師古曰輕易之也自將萬餘人行陳師古曰巡行

下更反 敕諸營皆按部毋得動獨迎與漢兵戰不利大軍

不敢擅相救漢兵乘勝殺尋昆陽中兵出竝戰邑走軍

亂大風蜚瓦

師古曰蜚古飛字

雨如注水大衆崩壞號譁

師古曰譁

音火故反

虎豹股栗

師古曰言戰懼甚

士卒犇走各還歸其郡邑獨

與所將長安勇敢數千人還雒陽關中聞之震恐盜賊

竝起又聞漢兵言莽鴆殺孝平帝莽廼會公卿以下於

王路堂開所爲平帝請命金騰之策泣以視羣臣

師古曰視

讀曰

示命明學男張邯稱說其德及符命事因曰易言伏

戎于莽升其高陵三歲不興

師古曰同人卦九三爻辭也莽平草也言伏兵戎於

草莽之中升高陵而望不敢前進至于三歲不能起也

莽皇帝之名升謂劉伯升

高陵謂高陵侯子翟義也言劉升翟義爲伏戎之兵於

新皇帝世猶殄滅不興也羣臣皆稱萬歲又令東方檻

車傳送數人言劉伯升等皆行大戮民知其詐也先是  
衛將軍王涉素養道士西門君惠君惠好天文讖記爲  
涉言星孛掃宮室劉氏當復興國師公姓名是也涉信  
其言以語大司馬董忠數俱至國師殿中廬道語星宿  
師古曰廬者宿止之處道謂說之也國師不應後涉特往對歆涕泣言誠

欲與公共安宗族

師古曰誠實也○宋祁曰族字或作姓

柰何不信涉也

歆因爲言天文人事東方必成涉曰新都哀侯小被病

功顯君素耆酒

師古曰耆讀曰嗜

疑帝本非我家子也

如淳曰言莽母

洛薄嗜酒淫逸得莽耳非王氏子也設此詐欲以自別不受誅

董公主中軍精兵涉領

宮衛伊休侯主殿中如同心合謀共劫持帝東降南陽

天子可以全宗族不者俱夷滅矣伊休侯者歆長子也  
爲侍中五官中郎將莽素愛之歆怨莽殺其三子又畏  
大禍至遂與涉忠謀欲發歆曰當待太白星出廼可忠  
以司中大贄起武侯孫伋亦主兵復與伋謀伋歸家顏  
色變不能食妻怪問之語其狀妻以告弟雲陽陳邯邯  
欲告之七月伋與邯俱告莽遣使者分召忠等時忠方  
講兵都肄師古曰肄習也大習兵也肄音亦二反護軍王咸謂忠謀久不  
發恐漏泄不如遂斬使者勒兵入忠不聽遂與歆涉會  
省戶下莽令鸞憚責問皆服中黃門各拔刃將忠等送  
廬忠拔劍欲自刎侍中王望傳言大司馬反黃門持劍



共格殺之省中相驚傳勒兵至郎署皆拔刃張弓更始

將軍史譔行諸署

師古曰行音下更反○劉奉世曰或言更始或言寧始未知孰誤

告

郎吏曰大司馬有狂病發已誅皆令弛兵

師古曰弛放也

莽欲

以厭凶

師古曰厭當也音一葉反

使虎賁以斬馬劍挫忠

師古曰挫讀曰剉音

于臥反

盛以竹器傳曰反虜出下書赦大司馬官屬吏士

爲忠所誑誤謀反未發覺者收忠宗族以醇醢毒藥尺

白刃叢棘并一坎而埋之劉歆王涉皆自殺莽以二人

骨肉舊臣惡其內潰

師古曰王涉骨肉也劉歆舊臣

故隱其誅伊休侯

疊又以素謹歆訖不告

師古曰訖猶竟也歆竟不以所謀告之

但免侍中

中郎將更爲中散大夫後日殿中鉤盾土山僊人掌旁

有白頭公青衣

鄭氏曰僊人以掌承承露盤也

郎吏見者私謂之國師

公衍功侯喜素善卦莽使筮之曰憂兵火莽曰小兒安

得此左道是廼予之皇祖叔父子僑欲來迎我也莽軍

師外破大臣內畔左右亡所信不能復遠念郡國欲諄

邑與計議

師古曰諄古呼字

崔發曰邑素小心今失大衆而徵

恐其執節引決宜有以大慰其意於是莽遣發馳傳諭

邑

師古曰謂諭告之傳音張戀反

我年老無適子

師古曰適讀曰嫡

欲傳邑以

天下敕亡得謝見勿復道邑到以爲大司馬大長秋張

邯爲大司徒崔發爲大司空司中壽容苗訢爲國師同

說侯林爲衛將軍莽憂懣不能食

師古曰懣音滿又音悶

亶飲酒

啗鰕魚

師古曰：「鰕音但，下亦類此。鰕，海魚也。音電。」

讀軍書倦，因馮几寐不復

就枕矣。

師古曰：「馮，讀曰憑。」○宋祁曰：「枕，字當作次。」

性好時日，小數及事迫急

直爲厭勝，遣使壞渭陵、延陵園門，罟罟曰：「毋使民復思

也。」又以墨洿色其周垣。

師古曰：「洿，染之變，其舊色也。洿音一故反。」

號將至曰

歲宿申，水爲助。將軍右庚，刻木校尉前丙，耀金都尉。又

曰：「執大斧伐枯木，流大水滅發火，如此屬不可勝記。秋

太白星流入太微，燭地如月光。成紀隗崔兄弟共劫大

尹李育。

師古曰：「成紀隴西之縣。」

以兄子隗囂爲大將軍，攻殺雍州

牧陳慶，安定卒。正王旬并其衆，移書郡縣，數莽罪惡萬

於桀紂，是月析人鄧曄于匡起兵南鄉百餘人。

師古曰：「析，南陽。」

之縣南鄉析縣之時析宰將兵數千屯鄒亭備武關師

鄉名析音先歷反古日鄒音擘匡謂宰曰劉帝已立君何不知命也宰請降

口堯反古盡得其衆擘自稱輔漢左將軍匡右將軍拔析丹水攻

武關都尉朱萌降進攻右隊大夫宋綱殺之西拔湖師

日湖弘農之縣也本屬京兆古莽愈憂不知所出崔發言周禮及春秋

左氏國有大災則哭以獸之師古曰周禮春官之屬女

歌哭而請哭者所以告哀也春秋左氏傳宣十二年楚

子圍鄭旬有七日鄭人卜行成不吉卜臨于太宮且巷

出車吉國人大臨守陴者皆哭故發引之以爲言也厭音一葉反故易稱先號咷而後

哭師古曰同人九五爻宜呼嗟告天以求救莽自知敗

題率羣臣至南郊陳其符命本末仰天曰皇天既命授

臣莽何不殄滅衆賊卽令臣莽非是願下雷霆誅臣莽  
因搏心大哭氣盡伏而叩頭又作告天策自陳功勞千  
餘言諸生小民會旦夕哭爲設殮粥

師古曰殮古殮

甚

字音干安反

悲哀及能誦策文者除以爲郎至五千餘人薨憚將領  
之莽拜將軍九人皆以虎爲號號曰九虎將北軍精兵  
數萬人東內其妻子宫中以爲質時省中黃金萬斤者  
爲一匱尚有六十匱黃門鉤盾臧府中尚方處處各有  
數匱長樂御府中御府及都內平準帑臧錢帛珠玉財  
物甚衆

師古曰御府有令丞少府之屬官也掌珍物中  
御府者皇后之府臧也平準令丞屬大司農亦

珍貨所  
在也

莽愈愛之賜九虎士人四千錢衆重怨無鬪意

九虎至華陰回谿距隘北從河南至山子匡持數千弩

乘堆挑戰鄧曄將二萬餘人從闕鄉南山棗街作姑

師古

曰闕讀與閩同作姑邪道所山也韋昭曰闕音旻

破其一部北出九虎後擊之

六虎敗走史熊王況詣闕歸死莽使使責死者安在皆

自殺其四虎亡

師古曰六人敗走二人詣闕自殺四人亡

三虎郭欽陳翬成

重收散卒保京師倉

師古曰九人之中六人敗走三人保倉也京師倉在華陰灌北渭口

也翬音暉鄧曄開武關迎漢丞相司直李松將二千餘人至

湖與曄等共攻京師倉未下曄以弘農掾王憲爲校尉

將數百人北度渭入左馮翊界降城略地李松遣偏將

軍韓臣等徑西至新豐與莽波水將軍戰波水走韓臣

等追奔遂至長門宮王憲北至頻陽所過迎降

師古曰所至之

處人皆來迎而降附也

大姓櫟陽申碭下邳王大皆率衆隨憲屬

縣繫嚴春

師古曰屬縣三輔諸縣也繫屬右扶風繫讀與部同其人姓嚴名春

茂陵董喜

藍田王孟槐里汝臣蓋屋王扶陽陵嚴本杜陵屠門少

之屬

師古曰姓屠門名少

衆皆數千人假號稱漢將時李松鄧曄

以爲京師小小倉尚未可下何況長安城當須更始帝

大兵到卽引軍至華陰治攻具而長安旁兵四會城下

聞天水隗氏兵方到皆爭欲先入城貪立大功鹵掠之

利莽遣使者分赦城中諸獄囚徒皆授兵殺豨飲其血

與誓曰有不爲新室者社鬼記之更始將軍史譔將度

渭橋皆散走。諶空還衆兵發掘莽妻子，父祖冢燒其棺。棹及九廟明堂，辟雍火照城中。或謂莽曰：「城門卒東方人不可信，莽更發越騎士爲衛門，置六百人各一校尉。」

十月戊申朔，兵從宣平城門入民間，所謂都門也。師古曰：長

安城東出北頭第一門。張邯行城門逢兵見殺。師古曰：行音下更反。王邑王

林王巡、薨、惲等分將兵距擊北闕下，漢兵貪莽封力戰

者七百餘人。師古曰：獲莽當得封故貪之而力戰。會日暮，官府邸第盡蕪

亡。二日巳酉，城中少年朱弟、張魚等恐見鹵掠，趨謹並

和。師古曰：衆羣行謹而自相和也。和音乎臥反。燒作室門，斧敬法闕。師古曰：敬法殿

名也。闕小門也。謂斧斫之也。諄曰：「反虜王莽何不出降？」師古曰：諄音火故反。其下



亦火及掖庭承明黃皇室主所居也葬避火宣室前殿

火輒隨之宮人婦女謏諱曰當奈何時葬紺衲服

師古曰謏

古啼字也紺深青而揚赤色也衲純也純爲紺服也衲音均又式旬反

帶璽韞持虞帝七

首天文郎按棊於前

師古曰棊所以占時曰天文郎今之用棊者也音式

日時加

某葬旋席隨斗柄而坐曰天生德於予漢兵其如予何

師古曰論語稱孔子曰天生德於予桓魋其如予何故葬引之以爲言也

葬時不食少氣困

矣三日庚戌晨旦明羣臣扶掖葬自前殿南下椒除

服虔

曰邪行閭道下者也師古曰除殿陛之道也椒取芬香之名也

西出白虎門和新公王

揖奉車待門外葬就車之漸臺欲阻池水猶抱持符命

威斗公卿大夫侍中黃門郎從官尚千餘人隨之王邑

晝夜戰罷極

師古曰罷讀曰疲

士死傷略盡馳入宮間關至漸

臺

師古曰間關猶言崎嶇展轉也

見其子侍中睦解衣冠欲逃邑叱之

令還父子共守莽軍人入殿中諍曰反虜王莽安在有

美人出房曰在漸臺衆兵追之圍數百重臺上亦弓弩

與相射稍稍落去矢盡無以復射短兵接王邑父子釐

暉王巡戰死莽入室下晡時衆兵上臺王揖趙博苗訢

唐尊王盛中常侍王參等皆死臺上商人杜吳殺莽取

其綬校尉東海公賓就故大行治禮

師古曰公賓姓也就名也以先經治

禮故識天子綬也

見吳問綬王所在曰室中西北陬間

師古曰陬隅也

音子侯反又音鄒

就識斬莽首軍人分裂莽身支節肌骨鬻分

爭相殺者數十人

師古曰三輔舊事云檣切千段

公賓就持莽首詣王

憲憲自稱漢大將軍城中兵數十萬皆屬焉舍東宮

師古

曰舍止宿也

妻莽後宮乘其車服六日癸丑李松鄧曄入長

安將軍趙萌申屠建亦至以王憲得璽綬不輒上多挾

宮女建天子鼓旗收斬之傳莽首詣更始縣宛市百姓

共提擊之

師古曰提擲也音徒計反

或切食其舌莽揚州牧李聖司

命孔仁兵敗山東聖格死仁將其衆降已而歎曰吾聞

食人食者死其事拔劔自刺死及曹部監杜普陳定大

尹沈意九江連率賈萌皆守郡不降爲漢兵所誅賞都

大尹王欽及郭欽守京師倉聞莽死乃降更始義之皆

封爲侯太師王匡國將哀章降雒陽傳詣宛斬之嚴尤

陳茂敗昆陽下走至沛郡譙自稱漢將召會吏民尤爲

稱說王莽篡位天時所亡聖漢復興狀茂伏而涕泣闔

故漢鍾武侯劉聖聚衆汝南稱尊號尤茂降之以尤爲

大司馬茂爲丞相十餘日敗尤茂并死郡縣皆舉城降

天下悉歸漢初申屠建嘗事崔發爲詩師古曰就發學詩建至

發降之後復稱說師古曰妄言符命不順漢建令丞相劉賜斬發以

徇史譙王延王林王吳趙闕亦降復見殺初諸假號兵

人人望封侯申屠建旣斬王憲又揚言三輔黠共殺其

主吏民惶恐屬縣屯聚建等不能下馳白更始二年二

月更始到長安下詔大赦非王莽子他皆除其罪故王氏宗族得全三輔悉平更始都長安居長樂宮府臧完具獨未央宮燒攻莽三日死則案堵復故更始至歲餘政教不行明年夏赤眉樊崇等衆數十萬人入關立劉盆子稱尊號攻更始更始降之赤眉遂燒長安宮室市里害更始民饑餓相食死者數十萬長安爲虛

師古曰虛讀曰

墟城中無人行宗廟園陵皆發掘惟霸陵杜陵完六月

世祖卽位然後宗廟社稷復立天下艾安

師古曰艾讀曰又。劉攽

曰王莽三十八爲大司馬五十一居攝五十四卽真六十八誅死居攝三年號初始元年始建國五大鳳六地

皇

贊曰王莽始起外戚折節力行以要名譽宗族稱孝師

友歸仁及其居位輔政成哀之際勤勞國家直道而行

動見稱述豈所謂在家必聞在國必聞色取仁而行違

者邪

師古曰論語載孔子對子張之言也不仁之人假仁者之色而所行則違之朋黨此周故能在家在

國皆有名譽故贊引之

莽既不仁而有佞邪之材又乘四父歷世

之權遭漢中微國統三絕而太后壽考爲之宗主故得

肆其姦慝以成篡盜之禍

師古曰肆放也極也

推是言之亦天時

非人力之致矣及其竊位南面處非所據顛覆之執險

於桀紂而莽晏然自以黃虞復出也迺始恣睢奮其威

詐

師古曰睢音呼季反

滔天虐民窮凶極惡

師古曰滔漫也

毒流諸夏亂

延蠻貉猶未足逞其欲焉是以四海之內囂然喪其樂

生之心

師古曰囂然衆口愁貌也

中外憤怨遠近俱發城池不守支

體分裂遂令天下城邑爲虛

師古曰虛讀曰墟

丘壠發掘害徧

生民辜及朽骨自書傳所載亂臣賊子無道之人考其

禍敗未有如莽之甚者也昔秦燔詩書以立私議莽誦

六藝以文姦言

師古曰以六經之事文飾姦言之

同歸殊塗俱用滅亡皆

亢龍絕氣非命之運

服虔曰易曰亢龍有悔謂無德而居高位也蘇林曰非命非天命之

命也紫色蠅聲餘分閏位

應劭曰紫間色蠅邪音也服虔曰言莽不得正王之命如歲月

之餘分爲閏也師古曰蠅者樂之淫聲非正曲也近之

學者便謂蠅之鳴已失其義又欲改此贊蠅聲爲蠅聲

以詩匪雞則鳴蒼蠅之聲尤穿鑿矣聖王之驅除云爾

蘇林曰聖王光武也爲光武驅除也

師古曰言驅逐蠲  
除以待聖人也



前漢書卷九十九下

前漢書卷九十九下考證

王莽傳下臨淮瓜田儀等爲盜賊依阻會稽長州○胡三省曰今蘇州長洲縣卽長州地

遂攻海曲縣殺其宰○李賢曰海曲故城在密州莒縣

東

臣召南

按通鑑卽書新市王匡王鳳南陽馬武潁

川王常成丹等南郡張霸江夏羊牧等起兵於呂母之後

是歲赤眉力子都樊崇○劉攽曰力當作刁○臣召南

按通鑑作刁子都然本文及後書並作力姓譜曰力姓黃帝臣力牧之後似力字不誤

翼平連率田况○胡三省曰據地理志北海壽光縣莽  
曰翼平又夙夜連率韓博夙夜東萊郡不夜縣莽改  
名也

乃身短衣小襖乘牝馬柴車○胡三省曰漢之盛乘牝  
牝者禁不得聚會鄉閭阡陌皆然朝市之間從可知  
矣唐尊爲上公而乘牝馬亦以矯世也

因下書責七公曰○七公四輔三公也

燒作室門○程大昌曰未央宮西北織室暴室之類黃  
圖謂爲尙方工作之所者也

持虞帝七首○胡三省曰虞帝安得有七首蓋莽自爲

之以愚人也

聞故漢鍾武侯劉聖聚衆汝南○通鑑考異曰劉聖後  
書劉元傳作聖

前漢書卷九十九下考證

前漢書卷一百上

漢 蘭 臺 令 史班 固撰

唐正議大夫行秘書少監琅邪縣開國子顏師古注

敘傳第七十上

班氏之先與楚同姓令尹子文之後也

○宋祁曰今子越本無之字

文初生棄於曹中而虎乳之

師古曰曹雲曹澤也春秋左氏傳曰楚若敖娶於邲

生鬪伯比若敖卒從其母畜於邲淫於邲子之女生子文焉邲夫人使棄諸曹中獸乳之邲子田見之懼而歸

夫人以告遂使收之曹與夢同並音莫風反又音莫鳳反楚人謂乳穀謂虎於釋

如淳曰穀音構牛羊乳汁曰構師古曰穀讀如本字又音乃苟反於音烏釋字或作菟並音塗○宋祁曰淳化本作

楚人謂乳爲穀謂虎爲於釋故名穀於釋字子文楚人謂虎班其子

以爲號

師古曰子文之子  
鬬班亦爲楚令尹

秦之滅楚遷晉代之間因氏

焉

師古曰遂  
以班爲姓

始皇之末班壹避墜於樓煩

師古曰墜古  
地字樓煩屬

門之

致馬牛羊數千羣值漢初定與民無禁當孝惠高

后時以財雄邊

師古曰國家不設衣服車旗之禁  
故班氏以多財而爲邊地之雄豪

出入

弋獵旌旗鼓吹年百餘歲以壽終故北方多以壹爲字

者

師古曰馬邑人聶壹之類也今流  
俗書本多改此傳壹字爲懿非也

壹生孺孺爲任俠

州郡歌之孺生長官至上谷守長生回以茂材爲長子

令

師古曰上黨之  
縣長讀如本字

回生况舉孝廉爲郎積功勞至上河

農都尉

師古曰上河地名  
農都尉者典農事

大司農奏課連最入爲左曹

越騎校尉成帝之初女爲婕妤致仕就第貲累千金徙

昌陵昌陵後罷大臣名家皆占數于長安

師古曰占度也自隱度家

之口數而著名籍也占音之贍反

況生三子伯旂穉伯少受詩於師丹

大將軍王鳳薦伯宜勸學召見晏昵殿

師古曰親戚宴飲會同之殿○

宋祁曰張晏解與師古同字林昵近也乃吉反

容貌甚麗誦說有法拜爲中常

侍時上方鄉學

師古曰鄉讀曰嚮

鄭寬中張禹朝夕入說尙書

論語於金華殿中

師古曰金華殿在未央宮

詔伯受焉旣通大義又

講異同於許商遷奉車都尉數年金華之業絕出與王

許子弟爲羣在於綺襦統袴之間非其好也

晉灼曰白綺之襦冰

統之袴也師古曰統素也綺今細綾也並貴戚子弟之服

家本北邊志節忼慨數求

使匈奴河平中單于來朝上使伯持節迎於塞下會定



襄大姓石季羣輩報怨殺追捕吏

師古曰報私怨而殺人吏追捕之又殺吏

○宋祁曰嫌字越本作恍石季越本作石李報怨殺淳化本及越本作報怨寇追殺

伯上狀因自

請願試守期月

師古曰欲守定襄太守期音基

上遣侍中中郎將王舜

馳傳代伯護單于

師古曰傳音張戀反

并奉璽書印綬卽拜伯爲

定襄太守

師古曰卽就也就其所居而拜

定襄聞伯素貴年少自請治

劇畏其下車作威吏民竦息伯至請問耆老父祖故人

有舊恩者

師古曰請召也

迎延滿堂日爲供具

師古曰酒食之具也供音居用

反執子孫禮郡中益施

師古曰弛解也見伯不用威刑故自解縱

諸所賓禮

皆名豪懷恩醉酒共諫伯宜頗攝錄盜賊具言本謀亡

匿處伯曰是所望於父師矣

師古曰齒爲諸父尊之如師故曰父師

迺召

屬縣長吏選精進掾史

師古曰精明而進趨也

分部收捕

師古曰分音扶

問反

及它隱伏旬日盡得郡中震臬咸稱神明

師古曰臬古栗字

歲餘上徵伯伯上書願過故郡上父祖冢有詔太守都

尉以下會

師古曰同赴其所

因召宗族各以親疎加恩施散數

百金北州以爲榮長老紀焉

師古曰紀記也

道病中風

師古曰中傷也

爲風所傷既至以侍中光祿大夫養病

師古曰受其秩俸而在家自養也

賞

賜甚厚數年未能起會許皇后廢班婕妤供養東宮

李奇

曰元后成帝母

進侍者李平爲婕妤而趙飛燕爲皇后伯遂稱

篤久之上出過臨候伯伯惶恐起眠事

師古曰眠古視字

自大

將軍薨後

師古曰王鳳

富平定陵侯張放淳于長等始愛幸

出爲微行行則同輿執轡入侍禁中設宴飲之會及趙

李諸侍中皆引滿舉白

服虔曰舉滿杯有餘白溼者罰之也孟康曰舉白見驗飲酒盡

不也師古曰謂引取滿觴而飲飲訖舉觴告白盡不也

一說白者罰爵之名也飲有不盡者則以此爵罰之魏

文侯與大夫飲酒令曰不釀者浮以談关大噱師古曰

大白於是公乘不仁舉白浮君者也字也噱噱笑聲也音其略反或曰時乘輿幄坐張畫屏

噱謂唇口之中大笑則見此說非

風師古曰坐音才臥反畫紂醉踞姐已作長夜之樂上以伯新起

數目禮之師古曰目視而敬之因顧指畫而問伯紂爲無道至於

是乎伯對曰書云迺用婦人之言師古曰今文尙書泰誓之辭何有

踞肆於朝師古曰肆放也陳也所謂衆惡歸之不如是之甚者也

師古曰論語稱孔子曰紂之不善不如是之甚也是以君子惡居下流天下之惡皆歸焉故伯引此爲言上

曰苟不若此此圖何戒伯曰沈湎于酒微子所以告去

也

師古曰微子殷之卿士封於微爵稱子也殷紂錯亂天命微子作誥告箕子比干而去紂其誥曰用沈湎

于酒用亂敗厥德于下我其發出狂吾家耄遜于荒事見尚書微子篇

式號式諄大雅所

以流連也

師古曰大雅蕩之詩曰式號式諄俾晝作夜言醉酒號呼以晝爲夜也流連言作詩之人

嗟歎而泣涕流連也而說者乃以流連爲流亡蓋失之矣大雅所以流連不謂飲酒之人也講音火故反詩

書淫亂之戒其原皆在於酒上廼喟然歎曰吾久不見

班生今日復聞讜言

師古曰讜言善言也音黨

放等不懌

師古曰懌悅也音亦

稍自引起更衣因罷出時長信庭林表適使來聞見之

孟康曰長信太后宮名也庭林表宮中婦人官名也師古曰長信宮庭之林表也林表官名耳庭非官稱也○

宋祁曰林表晉灼曰應劭書作材表宮人之有材能者表其師也張晏曰林君也表外也於宮外傳威儀也

後上朝東宮太后泣曰帝間顏色瘦黑

師古曰間謂比日也

班侍

中本大將軍所舉宜寵異之益求其比以輔聖德

師古曰比

類也音必寐反

宜遣富平侯且就國上曰諾車騎將軍王音聞

之以風丞相御史

師古曰風讀曰諷

奏富平侯罪過上迺出放

爲邊都尉後復徵入太后與上書曰前所道尙未效

張晏

日謂上所言班侍中本大將軍所舉宜寵異之

富平侯反復來其能默虐

如淳曰富

平侯張放復來太后安能默然不以爲言

上謝曰請今奉詔是時許商爲少

府師丹爲光祿勳上於是引商丹入爲光祿大夫伯遷

水衡都尉與兩師並侍中

如淳曰兩師許商師丹

皆秩中二千石

每朝東宮常從及有大政俱使諭指於公卿上亦稍厭

游宴復修經書之業太后甚悅丞相方進復奏富平侯  
竟就國會伯病卒年三十八朝廷愍惜焉旃博學有俊  
材左將軍史丹舉賢良方正以對策爲議郎遷諫大夫  
右曹中郎將與劉向校祕書每奏事師古曰旃每奏校書之事旃以  
選受詔進讀羣書師古曰於天子前讀書上器其能賜以祕書之

副時書不布

師古曰謂不出之於羣下

自東平思王以叔父求太史

公諸子書大將軍白不許語在東平王傳

師古曰此言東平王求書

不得而旃獲賜祕書明見寵異

旃亦早卒有子曰嗣顯名當世穉少爲

黃門郎中常侍方直自守成帝季年立定陶王爲太子

數遣中盾請問近臣

師古曰盾讀曰允百官表云詹事之屬官也漢舊儀云秩四百石主

徵巡宮中○蕭該音義曰中盾韋昭曰太子宮中盾長也該案盾音允

穉獨不敢答

師古曰言

其哀帝卽位出穉爲西河屬國都尉遷廣平相王莽少

與穉兄弟同列友善兄事旂而弟畜穉

師古曰事旂如兄遇穉如弟

旂之卒也修總麻賻貲甚厚

師古曰送終者布帛曰賻車馬曰貲賻音附賻音芳

鳳平帝卽位太后臨朝莽秉政方欲文致太平

師古曰言欲以

文教致太平○劉敞曰公羊春秋說文致太平者以春秋亂世但聖人作文致之如太平耳莽政旣惡而飾虛

以自章大是亦文致也

豈謂文教致太平乎使使者分行風俗采頌聲

師古曰行

音下更反而穉無所上

師古曰不稱符瑞及歌頌

琅邪太守公孫闔言災

害於公府大司空甄豐遣屬馳至兩郡諷吏民

師古曰遣言祥

應而隱除災害也

而劾闔空造不祥穉絕嘉應嫉害聖政皆不

道太后曰不宣德美宜與言災患者異罰且後宮賢家

我所哀也

師古曰班婕妤有賢德故哀閔其家

閔獨下獄誅穉懼上書陳

恩謝罪願歸相印入補延陵園郎太后許焉食故祿終

身由是班氏不顯莽朝亦不罹咎

師古曰罹遭也

初成帝性寬

進入直言是以王音翟方進等繩法舉過

師古曰論天子之過失

而劉向杜鄴王章朱雲之徒肆意犯上

師古曰肆極也

故自帝

師安昌侯諸舅大將軍兄弟及公卿大夫後宮外屬史

許之家有貴寵者莫不被文傷詆

師古曰詆毀也音丁禮反

唯谷永

常言建始河平之際許班之貴傾動前朝熏灼四方賞

賜無量空虛內臧女寵至極不可尙矣今之後起天所



不饗什倍於前永指以駁譏趙李亦無間云

師古曰雖谷永嘗有

此言而意專在趙李耳自餘劉向之徒又皆不論班氏也問非也音居覓反

穉生彪彪字叔

皮幼與從兄嗣共遊學家有賜書內足於財好古之士

自遠方至父黨揚子雲以下莫不造門

師古曰造至也音干到反嗣

雖修儒學然貴老嚴之術

師古曰老老子也嚴莊周也桓生欲借其

書

師古曰桓譚嗣報曰若夫嚴子者絕聖棄智修生保真清

虛澹泊歸之自然

師古曰澹泊安靜也澹音徒濫反泊音步各反又音魄

獨師友

造化而不爲世俗所役者也漁釣於一壑則萬物不奸

其志

師古曰奸犯也音干

栖遲於一丘則天下不易其樂不絳聖

人之罔

師古曰絳讀與挂同聖人謂周孔也

不輒驕君之餌

應劭曰輒音六畜之畜師

古曰𩇛古𩇛字也餌謂爵祿君所以制使其臣亦猶釣魚之設餌也。○宋祁曰𩇛字書火又反注文設一作投

蕩然肆志談者不得而名焉

師古曰肆放也

故可貴也今吾子

已貫仁誼之羈絆繫名聲之韁鎖

師古曰韁如馬韁也音薑。○宋祁曰絆字

書音半

伏周孔之軌躅

鄭氏曰躅迹也三輔謂牛蹄處爲躅音丈欲反。○宋祁曰鄭云躅音

拘揭之揭

馳顏閔之極摯

劉德曰摯至也人行之所極至

旣繫學於世教矣

何用大道爲自眩曜

師古曰言用老子莊周之道何爲但欲以名目眩曜耳眩音州縣之

縣。○宋祁曰曜字下浙本有也字

昔有學步於邯鄲者曾未得其髣髴

又復失其故步遂匍匐而歸耳

師古曰匍音扶匍音平北反

恐似此

類故不進

師古曰言不與其書

嗣之行已持論如此叔皮唯聖人

之道然後盡心焉

張晏曰固不欲言父諱舉其字耳

年二十遭王莽敗

世祖卽位於冀州時隗囂據壘擁衆招輯英俊

師古曰輯與集

同。宋祁曰壘字下當有右字

而公孫述稱帝於蜀漢天下雲擾

師古曰言

盜賊擾亂如雲而起

大者連州郡小者據縣邑囂問彪曰往者周

亡戰國並爭天下分裂數世然後廼定其抑者從橫之

事復起於今乎

師古曰抑語辭

將承運迭興在於一人也

師古曰迭

互也音大結反

願先生論之對曰周之廢興與漢異昔周立爵

五等諸侯從政

師古曰言諸侯之國各分爲政

本根旣微枝葉強大

師古

日本根謂王室也枝葉謂諸侯

故其末流有從橫之事其執然也漢家

承秦之制並立郡縣主有專己之威臣無百年之柄至

於成帝假借外家

師古曰假音工假反借音子夜反

哀平短祚國嗣三

絕危自上起傷不及下故王氏之貴傾擅朝廷能竊號

位而不根於民

師古曰言無據援

是以卽真之後天下莫不引

領而數十餘年間外內搔擾遠近俱發假號雲合咸稱

劉氏不謀而同辭方今雄桀帶州城者皆無七國世業

之資

○宋祁曰城或作域

詩云皇矣上帝臨下有赫鑒觀四方求

民之莫

師古曰大雅皇矣之詩也皇大也上帝天也莫定也言大矣天之視下赫然甚明監察衆國求

人所定而授之

今民皆謳吟思漢鄉仰劉氏已可知矣

師古曰鄉讀曰

嚮囂曰先生言周漢之執可也至於但見愚民習識劉

氏姓號之故而謂漢家復興疏矣昔秦失其鹿劉季逐

而倚之

師古曰倚偏持其足也音居蟻反

時民復知漢虐旣感囂言又

愍狂狡之不息

○宋祁曰韋昭音義作火旁息音熹既反字林音息是以今漢書止作息字

迺著王命論以救時難其辭曰昔在帝堯之禪曰咨爾

舜天之歷數在爾躬舜亦以命禹

師古曰事見論語

臯于稷契

咸佐唐虞

師古曰契讀與高同字本作契○宋祁曰尚書音巨泄反

光濟四海奕世

載德

師古曰載承也言相因不絕

至于湯武而有天下雖其遭遇異

時禪代不同至乎應天順民其揆一也

師古曰言堯舜以文德相禪湯

武以征伐代興各上應天命下順人心

是故劉氏承堯之祚氏族之世著

乎春秋

師古曰謂士會歸晉其處者爲劉氏

唐據火德而漢紹之始起沛

澤則神母夜號以章赤帝之符由是言之帝王之祚必

有明聖顯懿之德豐功厚利積業之業

師古曰業古累字○宋祁曰師

古曰下當有豐古鄴字四字

然後精誠通於神明流澤加於生民故

能爲鬼神所福饗天下所歸往未見運世無本功德不

紀

師古曰不紀不爲人所記

而得屈起在此位者也

師古曰屈起特起也屈音其勿

反

世俗見高祖興於布衣不達其故以爲適遭暴亂得

奮其劔游說之士至比天下於逐鹿幸捷而得之不知

神器有命不可以智力求也

劉德曰神器璽也李奇曰帝王賞罰之柄也師古曰

李說是也。劉奉世曰神器者聖人之大寶曰位是也

悲夫此世所以多亂臣賊

子者也若然者豈徒闔於天道哉又不覩之於人事矣

夫餓饉流隸饑寒道路

師古曰隸賤隸

思有短褐之褻儋石之

畜

師古曰褻謂親身之衣也音先到反一說云六破壞之餘曰褻儋石解在劓通傳音丁盭反畜讀曰蓄

蕭該音義曰字林曰  
褻衷衣也丈篋反

所願不過一金然終於轉死溝壑

何則貧窮亦有命也況虐天子之貴四海之富神明之

祚可得而妄處哉故雖遭罹阮會竊其權柄

師古曰罹亦遭也音

離勇如信布彊如梁籍成如王莽然卒潤鑊伏質亨醢

分裂

師古曰質鎡也伏於鎡上而斬之也鎡音竹林反

又況么膺尙不及數子

鄭氏曰膺音麼小也晉灼曰此骨偏膺之膺也師古曰鄭音是也么麼皆微小之稱也么音一堯反麼音莫可

反骨偏膺自音麻與此義不相合晉說失之

而欲闇奸天位者虐

師古曰奸音干○宋

祁曰奸字詁古文干字

是故駑蹇之乘不騁千里之塗燕雀之疇

不奮六翮之用棗稅之材不荷棟梁之任

師古曰棗卽薄櫨所謂枿

也稅梁上短柱也棗音節字亦或作節稅音之說反○蕭該音義曰韋昭棗音節一名櫨卽柱上方木也鄭氏

桑音贅應劭曰爾雅曰

斗筭之子不秉帝王之重

師古曰斗

筭言小器也解在公孫劉田傳筭音山交反○蕭該音

義曰字林曰筭飯筭也受五升秦云山交反該案籍或

作筭論語曰斗筭

易曰鼎折足覆公餗

師古曰鼎卦九

一訓則不勝其任也當秦之末豪桀共推陳嬰而王之嬰

母止之曰自吾爲子家婦而世貧賤

師古曰而汝也卒富貴不

祥不如以兵屬人

師古曰屬委也音之欲反

事成少受其利不成禍

有所歸嬰從其言而陳氏以寧王陵之母亦見項氏之

必亡而劉氏之將興也是時陵爲漢將而母獲於楚有

漢使來陵母見之謂曰願告吾子漢王長者必得天下



子謹事之無有二心遂對漢使伏劍而死以固勉陵其

後果定於漢陵爲宰相封侯夫以匹婦之明師古曰凡言匹夫匹

婦謂凡庶之人一夫一婦當相配匹猶能推事理之致探禍福之機而全

宗祀於無窮垂策書於春秋師古曰春秋史書記事之總稱而況大丈

夫之事虜是故窮達有命吉凶由人嬰母知廢陵母知

興審此四者帝王之分決矣師古曰分音扶問反蓋在高祖其興

也有五師古曰王命論敘高祖之德及班氏漢書敘目所稱引是皆具見本書不須更解以穢篇籍其

有辭句隱互尋覽難知者則具釋焉浮汎之說一曰帝蓋無取也○宋祁曰注文汎字浙本作冗字

堯之苗裔二曰體貌多奇異三曰神武有徵應四曰寬

明而仁恕五曰知人善任使加之以信誠好謀達於聽

受見善如不及用人如由己從諫如順流趣時如嚮赴

師古曰嚮讀曰響如響之赴聲也

當食吐哺納子房之策拔足揮洗揖

酈生之說寤戍卒之言斷懷土之情

師古曰洛陽近沛高祖來都關中故

云斷懷土之情也斷音丁喚反

高四皓之名割肌膚之愛

晉灼曰不立戚夫人子

舉韓信於行陳收陳平於亡命英雄陳力羣策畢舉此

高祖之大略所以成帝業也若迺靈瑞符應又可略聞

矣初劉媪任高祖而夢與神遇

師古曰任謂懷任也

震電晦冥有

龍蛇之怪及其長而多靈有異於衆是以王武感物而

折券呂公觀形而進女秦皇東游以厭其氣呂后望雲

而知所處

師古曰厭音一葉反○蕭該音義曰韋昭曰厭合也劉氏曰厭當也

始受命則

白蛇分西入關則五星聚故淮陰留侯謂之天授非人

力也歷古今之得失驗行事之成敗稽帝王之世運考

五者之所謂取舍不厭斯位符瑞不同斯度

劉德曰厭當也師古

日音一涉反

而苟昧於權利越次妄據

師古曰昧貪也

外不量力內

不知命則必喪保家之主失天年之壽遇折足之凶伏

鈇鉞之誅

師古曰鈇音方于反

英雄誠知覺寤畏若禍戒

師古曰若順也

超然遠覽淵然深識收陵嬰之明分絕信布之覬覦

師古

日分音扶問反覬音冀覦音踰○蕭該音義曰字書曰覬聿也覦欲也

距逐鹿之瞽說審

神器之有授母貪不可幾爲二母之所咲

師古曰不可幾謂不可庶

幾而望也一說幾讀日冀

則福祚流于子孫天祿其永終矣知隗囂

終不寤迺避墜於河西

師古曰墜古地字○蕭該音義曰隗囂諸詮上五罪反下許妖

反河西大將軍竇融嘉其美德訪問焉

師古曰每事皆與謀

舉茂

材爲徐令以病去官後數應三公之召仕不爲祿所如

不合

師古曰如往也不苟得祿故所往之處不合其意

學不爲人博而不俗言

不爲華述而不作有子曰固弱冠而孤

師古曰固年二十也作幽

通之賦以致命遂志

劉德曰致極也陳吉凶性命遂明己之志

其辭曰系高

項之玄胄兮氏中葉之炳靈

應劭曰系連也胄緒也言已高陽顓頊之連緒也顓

項北方水位故稱玄中葉謂令尹子文也虎乳故曰炳靈

繇凱風而蟬蛻兮雄朔野

以颺聲

應劭曰凱風南風也朔北方也言先祖自楚遷北若蟬之蛻也師古曰繇讀與由同從也蛻音

祝颺與揚同○宋祁曰注文颺字下當有讀字

皇十紀而鴻漸兮有羽儀於上

京

應劭曰十紀漢十世也張晏曰易曰鴻漸于陸其羽可用爲儀成帝時班況女爲婕妤父子並在京師爲

朝臣也晉灼曰皇漢皇也

巨滔天而泯夏兮考遘愍曰行謠

應劭曰巨王莽

字巨君也張晏曰彪遇王莽之敗憂思歌謠也師古曰滔漫也言不畏天也泯滅也夏諸夏也考班固自言其

父也遘遇也愍憂也徒歌曰謠終保已而貽則兮里上仁之所廬

師古曰言

其父遭時濁亂以道自安終遺盛法而處仁者所居也論語稱孔子曰里仁爲美擇不處仁焉得智故引以爲

辭懿前烈之純淑兮窮與達其必濟

師古曰固自言美前人之餘業窮則

獨善達能兼濟也濟合韻音子齊反

咨孤矇之眇眇兮將圯絕而罔階

師古

曰眇眇微細也圯毀也固自言孤弱懼將毀絕先人之跡無階路以自成○蕭該音義曰韋昭曰圯毀也音敷

委反字書父已反

豈余身之足殉兮悼世業之可懷

師古曰殉營也悼字

與遯同遯是也懷思也悼音于匪反○蕭該音義曰字林曰殉殺生送死也說文悼籀文遯是也劉氏及廣

雅並云靖潛處以永思兮經日月而彌遠匪黨人之敢

拾兮庶斯言之不玷蘇林曰拾音負拾之拾應劭曰拾更也自謙不敢與鄉人更進也師

古曰靖古靜字也拾音其業反玷缺也更音工衡反魂煢煢其神交兮精誠發於

宵寐夢登山而迴眺兮覲幽人之髣髴張晏曰幽人神人也師古曰覲

見也音廸○宋祁曰其字當作與搯葛藟而授余兮眷峻谷曰勿隧師古

曰搯執取也言入峻谷者當據葛藟可以免于顛墜猶處時俗者當據道義然後得用自立故設此喻託以夢

也一說藟葛屬也葛之與藟皆有蔓爲搯音攬其字從手藟音力水反○宋祁曰據葛藟當作攀蔓爲當作蔓

焉 助昕寤而仰思兮心蒙蒙猶未察孟康曰助昕早旦也覺寤思念未知

其吉凶也師古曰助音忽昕音欣○蕭該音義曰鄧展助音昧該案字書助尙冥也音勿諸銓方昧反○劉奉

世曰但以察合韻音蔡則協韻矣黃神邈而靡質兮儀遺識以臆對應

曰黃帝善占夢久遠無從得問準其識書以意求其象也賈誼曰識言其度應劭曰臆習臆也師古曰對合韻

音丁忽反○蕭該音義曰蒼頡篇曰識書河洛書也該案諸詮音楚鴟反曰乘高而選神兮

道遐通而不迷師古曰登山見神故曰乘高也葛繇繇

於樛木兮詠南風以爲綏應劭曰周南國風其詩曰南

福履綏之師古曰樛木下垂之木也綏安也樛音居虬反累音力追反○蕭該音義曰樛亦作利韋昭曰利下

曲也居蓋惴惴之臨深兮乃二雅之所祗師古曰詩小雅小宛之篇

曰惴惴小心如臨于谷惴惴恐懼之貌也小旻篇曰戰戰兢兢如臨深淵如履薄冰言恐墜陷也故云二雅之

所祗惴音既諄爾以告象兮又申之以炯戒師古曰諄之瑞反告也炯明

也諄音碎炯音公迥反○宋祁曰吉當作吉蕭該音義曰說文曰諄讓也息惇反盍孟晉以迨

羣兮辰倏忽其不再服虔曰盍何不也孟勉也晉進也迨及也何不早進仕以及輩也師

古曰辰時也。倏忽疾也。言時疾過不再來也。承靈訓其  
倏音式六反。○宋祁曰晉或作晉亦作晉。

虛徐兮竚盤桓而且俟。孟康曰虛徐懷疑也。張晏曰佇久也。俟待也。惟天墜

之無窮兮羸生民之晦在。晉灼曰羸古鮮字也。應劭曰晦無幾也。師古曰墜古地字。

也羸少也。言天地長久而人壽短促也。羸音先踐反。○蕭該音義曰晦韋昭音謀鬼反。又音梅字。林曰晦微視貌。

美曰紛屯亶與蹇連兮何艱多而智寡。孟康曰世艱難多智者少故遇

禍也。師古曰易屯卦六二爻辭曰屯如亶如蹇卦六四爻辭曰往蹇來連皆謂險難之時也。亶音竹延反。連音

力善反。上聖寤而後拔兮豈羣黎之所御。師古曰黎衆也。言上聖之人猶

遇紛難觀機能寤然後自拔。文王姜里孔子於匡是也。至於衆庶豈能豫禦之哉。昔衛叔之御

昆兮昆爲寇而喪予。孟康曰御迎也。昆兄也。衛叔武迎兄成公成公令前驅射殺之。師古

曰御音五駕反。衛叔解在五行志。管鸞弧欲斃讎兮讎作后而成己。師古

乾隆四年校刊  
前漢書卷一百上  
文傳  
七四



日謂管仲射桓公中帶  
鉤桓公反國以爲相也  
變化故而相詭兮孰云豫其終

始

師古曰  
詭違也

雍造怨而先賞兮丁繇惠而被戮

師古曰雍  
雍齒也丁

丁公也繇  
讀與由同

桌取弔于適吉兮王膺慶於所憾

應劭曰桌  
孝景姬也

有子而以妬見廢王宣帝王健行也以無子爲憂而  
以謹敕得母元帝也師古曰適古攸字也攸亦所也

回穴其若茲兮北叟頗識其倚伏

師古曰畔亂貌也回  
穴轉旋之意也叟老

人稱也淮南子曰北塞上之人其馬無故亡入胡中人  
皆弔之其父曰此何詎不爲福居數月其馬將胡駿馬  
而歸人皆賀之對曰此何詎不爲禍家富馬良其子好  
騎墮而折髀人皆弔之對曰此何詎不爲福居一年胡  
夷大入丁壯者皆控弦而戰塞上之人死者十九此獨  
以跛之故父子相保老子德經曰禍兮福所倚福兮禍  
所伏故頗識其倚

伏倚音於綺反

單治裏而外凋兮張修禪而內逼

應

日單單豹也靜居其所以理五內處深山爲虎所食張  
張毅也外修恭敬斯徒馬圍皆與亢禮不勝其勞內熱

而死師古曰襮表也單音善襮音布谷反○蕭該音義曰晉灼曰襮音素衣朱襮該案詩音博字林曰襮黼衿

也方吹中穌爲庶幾兮顏與冉又不得師古曰吹古聿字也穌古和字

也聿由也由中和之道可以庶幾免於禍難而顏回早死冉耕惡疾爲善之人又不得其報也○宋祁曰注文

由字皆當作曰字二溺招路以從已兮謂孔氏猶未可安

惛惛而不葩兮卒隕身虜世既鄧展曰惛惛亂貌也葩避也師古曰溺桀溺也

路子路也論語稱長沮桀溺耦而耕孔子過之使子路問津焉桀溺曰子孔丘之徒歟對曰然曰惛惛者天下

皆是也而誰以易之且而與其從避人之士豈若從避世之士哉言天下皆亂汝將用誰變易之乎避人之士

謂孔子避世之士溺自謂也而子路安之卒不能避乃遇蒯瞶之亂身死敵也惛音士高反葩音扶味反字本

作腓其音同○蕭該音義曰葩牛羊腓字之腓葩假借腓避也韋昭曰葩避也音肥晉灼音義作邈云邈避也

曹大家注幽通游聖門而靡救兮顧覆醢其何補師古賦云葩避也

乾隆四年校刊 荀莫書卷二百七 女專 七五

記云孔子哭子路於中庭既哭進使者而問故使者曰

醢之矣遂命覆醢賦言子路游聖人之門而孔子不能

救之以免於難雖固行行其必凶兮免盜亂為賴道師

為覆醢無所補益日論語稱閔子侍側閔如也子路行行如也子樂曰

若由也不得其死然又稱子路曰君子上勇乎曰君子

義以為上君子有勇而無義為亂小人有勇而無義為

盜賦言子路稟行行之性其凶必也所以免為於亂盜

者賴聞道於孔子也行行剛強之貌也行音形氣發于

胡浪反○蕭該音義曰行行諸詮音胡浪反根柢兮柯葉彙而靈茂師古曰柢木也彙盛也靈善也

善美人之先祖有大功德則亂緒亦蕃昌也柢音丁計

反茂合韻音莫口反○蕭該音義曰彙服虔曰彙類也

音近卉服虔音卉應劭音謂該案字書音謂恐夙蝻之責景兮慶未得其云

已師古曰慶發語辭讀與羌同已止也莊子云夙兩問

景曰曩子行今子止曩子坐今子起何其無特操歟

皆隨於形草木枝葉各稟根柢人之餘慶資於積善亦

猶此也。黎淳耀于高辛兮，芊彊大於南汜。應劭曰：黎楚之先也。淳美也。高

辛帝譽之號。芊楚姓。汜涯也。師古曰：言黎在高辛之時爲火正，有美光耀，故其後嗣霸有楚國於南方也。汜江

水之別也。音祀。召南之詩曰：江有汜，芊音弭。羸取威於百儀兮，姜本支庠三

止。應劭曰：羸秦姓也。伯益之後也。伯益爲虞有儀鳥獸百物之功，秦所由取威於六國也。姜齊姓也。止禮也。

齊伯夷之後。伯夷爲秩宗，典天地人鬼之禮也。○蕭該音義曰：止文選作趾。劉奉世曰：百儀則栢翳也。語訛耳。

旣仁得其信，然兮印天路而同軌。劉德曰：人道旣然，仰視天道，又同法也。師

古曰：仁得謂求仁而得仁也。印讀曰仰。東从虐而殲仁兮，王合位庠三五

應劭曰：東从紂也。殲盡也。王武王也。欲從五位三所卽國語歲日月星辰之所在也。師古曰：从古鄰字也。仁卽

三仁也。國語稱泠州鳩對景王曰：昔武王伐殷，歲在鶉火，月在天駟，日在析木之津，辰在斗杓，星在天龍，星與

日辰之位皆在北維，顛項之所建也。我姬氏出自天龍，又析木者有建星及牽牛焉。則我皇妣大姜之姓，伯陵

乾隆四年校刊  
前漢書卷百七  
文事  
上六

之後逢公之所憑神也歲之所在則我有周之分野也  
月之所在辰爲農祥也我太祖后稷之所經緯王欲合  
是五位三所而用之五位謂歲日月辰星也三  
所謂逢公所憑神周分野所在后稷所經緯也

而喪孝兮伯徂歸於龍虎

孟康曰伯晉文公也歲在卯出歷十九年過一周歲在酉

入卯爲龍酉爲虎也師古曰戎女驪戎之女謂驪姬也烈酷也孝謂太子申生也伯讀曰霸言文公霸諸侯也徂往也言以龍往出以虎歸入也○劉敞曰重耳之出也歲在大火故云龍及其入也在大梁故曰虎非卯酉也  
發還師以成性兮重醉行而自耦

師古曰發武王名也性命也武王初

觀兵於孟津八百諸侯不期而會皆曰紂可伐矣武王曰爾未知天性還師二年紂殺比干囚箕子武王乃伐克之於是成天命也重謂重耳晉文公名也耦合也文公初出奔至齊齊桓公妻之有馬二十乘文公欲安之齊姜乃與子犯謀醉而遣之後遂反國  
震鱗虀于夏庭

與時會也應劭曰耦與天時偶會也

震鱗虀于夏庭

兮市三正而滅周

應劭曰易震爲龍鱗虀之長也虀沫也師古曰謂褒姒也解在五行志三

正歷夏殷周也。繁音丑之反。正音之盈反。異羽化于宣宮兮，彌五辟而成災。

應劭曰：易巽爲鷄，羽蟲也。宣帝時未央宮路輪廡中，雖鷄化爲雄，元后統政之祥也。至平帝歷五世而王莽篡

位。○宋祁曰：注末當有五。辟宣元成哀平也。八字道悠長而世短兮，復冥默而

不周。○劉德曰：復遠也。周至也。冥默玄深不可通至也。○

縣反。該案目復復而喪精，出王延壽靈光殿賦諸詮音呼政反。韋昭曰：復遠也。呼迥反。胥仍物而

鬼詛兮，迺窮宙而達幽。○應劭曰：胥須也。仍，因也。詛，謀也。易曰：人謀鬼謀，百姓與能往古

來。今日宙，聖人須因卜筮然後謀。鬼神極古今通幽微也。○蕭該音義曰：詛字林曰：詛，聚謀也。子于反。諸詮祖

侯反。宙，韋昭曰：天宙所愛曰宙。曹大家注幽通賦云：往古來今謂之宙。聖人所以能極數而知來者，皆因卜筮

謀於鬼神。媯巢姜於孺筮兮，旦算祀于挈龜。○應劭曰：媯，陳姓

姓也。孺，少也。陳完少時其父厲公使周史卜得居有齊國之卦也。李奇曰：算數也。祀年也。周公卜居洛得世三

十年七百也師古曰挈刻也詩大雅縣縣之篇曰爰挈我龜言刻開之灼而卜之挈音口計反○劉敞曰算祀有五世八世是祀也

宣曹興敗於下夢兮魯衛名諡

於銘謠

應劭曰周宣王牧人夢衆魚與旛旌之祥而中興曹伯陽國人夢衆君子立於社宮謀亡曹而

曹亡也孟康曰魯文成之世童謠言稠父喪勞宋父以驕後昭公名稠遂死於野井定公名宋卽位而驕衛靈

公掘地得石椁其銘曰靈公遂以爲諡 妣聆呱而刻石兮許相理而鞠條

應劭曰妣叔向之母也石叔向之子也聽其啼聲刻知其後必滅羊舌氏許負相周亞夫從理入口當餓死鞠

窮也條亞夫所封也師古曰鞠告也○蕭該音義曰該案曹大家本作劬石曹注舉罪曰劬 道混成

而自然兮術同原而分流師古曰大道混壹歸於自然人之所趨雖有流別本則同

耳神先心以定命兮命隨行以消息師古曰言神明之道雖在人心之前

已定命矣然亦隨其所行以致禍福○宋祁曰別本皆無命字幹流遷其不濟兮故遭

罹而羸縮

師古曰斡轉也言人之生各有遭遇不能必濟免於困厄各隨其所逢以致羸虧也

樂同於一體兮雖移盈然不忒

孟康曰晉大夫樂書賢而覆子廩廩于盈書賢而覆

廩廩惡而害盈也師古曰樂書樂武子也廩樂相子也盈樂懷子也春秋左氏傳稱秦伯問於士鞅曰晉大夫其誰先亡對曰其欒氏乎欒廩汰虐以甚猶可以免其在盈乎武子之德在人如周人之思邵公愛其甘棠況其子乎欒廩死盈之善未能及人武子所施沒矣廩之惡實彰將於是乎在其後至襄公二十一年終爲范宣子所逐而出奔楚自楚適齊二十三年自齊入于晉晉人遂滅欒氏也

洞參差其紛錯兮

斯衆兆之所惑

師古曰衆兆兆庶也

周賈盪而貢憤兮齊死生與

旣福

孟康曰莊周賈誼也貢惑也憤亂也放盪惑亂死生禍福之正也○蕭該音義曰貢晉灼音義作心

旁貢字林曰憤憤也李奇曰憤懣也

抗爽言以矯情兮

信畏犧而忌鵬

孟康曰莊周不欲爲犧牛賈誼惡忌鵬鳥也師古曰抗舉也爽差也謂二人雖



舉言齊死生壹禍福而心實不然是差謬也

所貴聖人之至論兮順天性而

斷誼

師古曰斷誼謂以誼斷之斷音丁喚反

物有欲而不居兮亦有惡而

不避

師古曰言富貴人之所欲不以其道則君子不居死亡人之所惡處得其節則君子不避也

守

孔約而不貳兮迺輸德而無累

師古曰孔甚也輸輕也言守其甚約執心不貳

舉德至輕無所累惑斯爲可矣詩大雅烝民之篇曰德輶如毛人鮮克舉之輶音弋九反又音猶

三仁

殊而一致兮夷惠舛而齊聲

師古曰三仁紂賢臣也論語稱微子去之箕子爲之

奴比于諫而死孔子曰殷有三仁焉夷伯夷也惠柳下惠也論語又稱逸人伯夷叔齊虞仲夷逸朱張柳下惠

少連賦言微子箕子比于所行各異而並稱仁伯夷不義武王伐殷至于不食周粟而死柳下惠三黜不去戀

父母之邦志執乖舛俱有令名○

木偃息呂蕃魏兮申

重繭呂存荆

師古曰木段于木也客居魏魏文侯敬而禮之過其間未嘗不賦也秦欲伐魏或諫

曰魏君賢者是禮國人稱仁未可圖也秦遂止兵申謂申包胥荆卽楚也繭足下傷起如繭也楚昭王時吳師入郢昭王出奔申包胥如秦乞師踰越險阻曾繭重賦立於秦庭號哭七日秦哀公出師救楚而敗吳師昭王反國將賞包胥包胥辭曰吾所以重繭爲君耳非爲身也逃不受賞○宋祁曰注文賦舊本作眠紀焚躬以衛上兮皓頤志而弗營師古曰紀紀信也脫漢王於難而爲項羽所燒皓四不得自養其志無所營屈

侯少木之區別兮苟能實

而必榮要沒世而不朽兮迺先民之所程應劭曰侯維也張晏曰苟

能有仁義之道必有榮名也師古曰侯發語辭也爾雅曰伊惟侯也程正也言人之操行所尚不同立德立言期於不朽亦猶蘭蕙松柏各有本性馨烈材幹並擅貞芳此乃古昔賢人以爲正道也論語稱子夏曰君子之道譬諸草木區以別矣故賦引之○宋祁曰觀天罔之紘

曰侯周詩曰侯文王孫子毛傳曰侯維也

觀天罔之紘

覆兮實棗謀而相順

應劭曰棗輔也謀誠也相勗也師古曰尙書大誥曰天棗謀詩大

雅蕩之篇曰天生烝人其命匪謨易上繫辭曰天之所助者順也賦言天道惟誠是輔唯順是助故引以爲辭

也業讀與匪同謨先聖之大繇兮亦以惠而助信劉德曰以

近也師古曰謨謀也繇道也以古鄰字詩小雅巧言之篇曰秩秩大繇聖人謨之論語稱孔子曰德不孤必有

鄰易上繫辭曰人之所助者信也賦言若能謀聖人之大道有德者必爲同志所依履信者必獲他人之助謨

音募又虞韶美而儀鳳兮孔忘味於千載師古曰韶舜樂名也虞書

舜典曰簫韶九成鳳凰來儀論語云孔子在齊聞韶三月不知肉味賦言孔子去舜千歲也素文信

而底麟兮漢賓祚于異代應劭曰底致也孔子作春秋素王之文有視明禮修之信

而致麟漢封其後爲褒成及精通靈而感物兮神動氣

而入微養游睇而援號兮李虎發而石開師古曰養養

善射者游睇流眄也楚王使由基射猿操弓而眄之猿抱木而號知其必見中也李李廣也夜遇石以爲猛獸

而射之中石沒羽也○宋祁曰微當作微游蕭本作流  
音義曰該案春秋作養由今漢書作流由與流亦互用

非精誠其焉通兮苟無實其孰信

師古曰信合韻音新

操末技猶

必然兮矧湛躬於道真

師古曰矧況也湛讀曰耽躬親也射者微技猶能精誠感於後

石況立身種德親耽大道而不倦者乎○蕭該音義曰湛文選作醜

登孔顥而上下兮緯

羣龍之所經

應劭曰顥太顥也孔子終始天道備矣孟康曰孔甚也顥大也聖人作經賢者緯之也師古曰應說孔顥是也孟說經緯是也顥音胡老反

而夕化兮猶誼己而遺形

應劭曰貞正也觀見也誼忘也易曰天地之道貞觀者也

張晏曰言朝觀天道而夕死可也師古曰形己尙可遺忘况外物者哉誼音許元反又音許遠反

若亂

彭而偕老兮訴來哲以通情

師古曰彭彭祖也老老聘也言有繼續彭祖之志升

躡老聃之跡者則可與言至道而通情也

亂曰天造少昧立性命兮

應劭曰天道始

造萬物草創於冥昧之中皆立其性命也師  
古曰易屯卦彖辭曰天造草昧故賦引之復心弘道

惟賢聖兮應劭曰易曰復其見天地之心乎論語曰人能弘道師古曰復音扶目反○蕭該音義曰

復一作腹張晏曰以道爲腹心渾元運物流不處兮師

也弘道達於天地之性命也保身遺名民之表兮舍生取誼亦

道用兮應劭曰孟子曰生我所欲也義我所欲也二者兼舍生而取義也師古曰舍置也憂

傷天物忝莫痛兮晉灼曰忝設也言死者莫痛於是也師古曰此說非也忝辱也言不達性

命自與憂傷爲物所天既辱且痛莫過於此昊爾太素曷淦色兮服虔曰守死善道不

染流俗是謂浩爾太素何有變淦者哉師古曰淦音踰尙粵其幾淪神域兮應劭

淪入也粵於也易曰知幾其神乎永平中爲郎典校秘書

專篤志於博學以著述爲業或譏以無功又感東方朔

揚雄自諭以不遭蘇張范蔡之時曾不折之以正道明

君子之所守故聊復應焉其辭曰賓戲主人曰蓋聞聖

人有壹定之論列士有不易之分亦云名而已矣如淳曰唯

貴得名也故太上有立德其次有立功夫德不得後身而特

盛功不得背時而獨章是以聖喆之治棲棲皇皇師古曰不

安之意也孔席不煖墨突不黔師古曰孔子墨翟也突

不暇安居。蕭該音義曰煖呂靜曰煖溫也乃卯反黔字林曰黧黑也音荅又音匡炎反由此言之

取舍者昔人之上務著作者前列之餘事耳劉德曰取

德舍者守靜無爲也今吾子幸游帝王之世躬帶冕之服師古曰

也冕冠也浮英華湛道德師古曰湛讀曰沈英華謂名譽也

言外則有美名善譽內則履道崇

德也。警龍虎之文舊矣。

孟康曰：警，被也。易曰：大人虎變，其文炳也。言文章之盛久也。晉灼曰：

警，視也。言目厭見其文久矣。師古曰：尋其下句，孟說是也。警音莫限反。

卒不能攄首尾奮

翼鱗，振拔洿塗，跨騰風雲。

師古曰：攄，申也。洿，停水也。塗，泥也。以龍爲喻也。洿音一故。

反，又音烏。蕭該音義曰：攄字林曰：攄，舒也。尹於反，又掇也。

使見之者景駭聞之者

享震。

師古曰：享，讀曰響。見景則駭。闕，嚮則震。合韻音之人反。宋祁曰：享當作嚮。注同。

徒樂枕

經籍書紆體衡門。

師古曰：紆，屈也。衡門，橫一木於門上。蕭該音義曰：籍，才亦反。韋昭音義

作菴，字慈，固反。說文曰：菴，茅籍也。從草，祖若如。韋昭音則。漢書本作菴字。

上無所蒂，下無所

根，獨攄意乎宇宙之外，銳思於豪芒之內，潛神默記，恒

以年歲。

如淳曰：恒，音亘，竟之亘。師古曰：宇宙之外，言宏廣也。豪芒之內，喻纖微也。恒音工，贈反。

然

而器不賈於當己，用不效於一世。

劉德曰：賈，讎也。師古曰：當己謂及己身尚

在猶言當年也賈音古又音工暇反讎音齒九反○宋  
祁曰詩曰賈用不售賈音古齒九越本作上究反一本

作止雖馳辯如濤波摛藻如春華師古曰大波曰濤猶  
九反

無益於殿最師古曰殿音丁見反意者且運朝夕之策定合會之

計使存有顯號亡有美諡不亦優虜主人迨爾而笑曰

師古曰迨古攸字也攸咲貌也若賓之言斯所謂見執利之華闇道德

之實守突奧之熒燭未叩天庭而覩白日也應劭曰爾雅東南隅

謂之突西南隅謂之奧師古曰突奧室中之二隅也熒燭熒熒小光之燭也叩讀曰仰突音烏了反其字從宀

天聲也○蕭該音義曰郭璞曰突音突該謂依儀禮宜言徒骨反○宋祁曰注文舊無燭熒熒三字浙本添

曩者王塗蕪穢周失其御侯伯方軌戰國橫騫於是七

雄虓闕分裂諸夏應劭曰七雄秦及六國也師古曰虓音呼交反闕音呼敢反○蕭該音義



日燒案字 龍戰而虎爭游說之徒風颺電激並起而救

之師古曰颺讀與揚同○蕭該音義曰風颺該案韋昭音義作風颺云颺風之聚隗者也音庖今漢書並作

風颺而電激也說文曰其餘焱飛景附煜雪其間者蓋

颺或作颺颺音甫堯反不可勝載師古曰焱疾風也煜雪光貌也煜音于及反雪音下甲反煜又音育○蕭該音義曰煜雪

韋昭煜音呼夾反雪音于俠反服虔曰煜音近霍叔音

為育雪音暈邇之暈字林曰雪震電也一日衆言也于

甲反煜音弋叔當此之時搨朽摩鈍鈇刀皆能壹斷

反又于立反古師是故魯連飛一矢而蹶千金虞卿以顧盼而捐相印

也應劭曰魯連齊人也齊圍燕燕將保於聊城魯連繫帛書於矢射與之為陳利害燕將得之泣而自殺譏

切魏新垣衍使不尊秦為帝秦時圍邯鄲為却五十里趙遂以安趙王以千金為魯連壽不受魏齊為秦所購

迫急走趙趙相虞卿與齊有故然愍其窮於是解相印  
間行與奔魏公子無忌也李奇曰蹶蹶也距也師古曰

蹶音厥又夫啾發投曲感耳之聲合之律度淫繩而不  
音其月反

可聽者非韶夏之樂也李奇曰繩不正之音也師古曰  
啾發啾啾小聲而發也投曲趣

合屈曲也感耳動應衆庶之耳也然而不合律度君子  
所不聽也淫繩非正之聲也不謂繩繩之鳴也啾音子

由反○蕭該音義曰韋昭曰若繩  
繩之聲也宋祁曰一本無也字

風移俗易乖忤而不可通者非君子之法也師古曰雖  
偶當時之

會而不可以及至從人合之衡人散之師古曰從  
音子庸反亡命

漂說羈旅騁辭師古曰漂浮  
也音匹遙反商鞅挾三術以鑽孝公李

斯奮時務而要始皇應劭曰王霸富國強兵爲三術也  
師古曰王一也霸二也富國強兵

也三彼皆躡風雲之會履顛沛之執師古曰顛  
沛僵仆也據徼乘邪

以求一日之富貴

師古曰微要也據可以要迎之時也微音工堯反微字或作激激發也○

宋祁曰浙本去以字

朝爲榮華夕而焦瘁

師古曰焦音在消反瘁與悴同

福不盈

眦既溢於世

李奇曰當富貴之間視不滿目故言不盈眦也○蕭該音義曰昔字林曰昔目厓也

才賜反

凶人且以自悔況吉士而是賴辱

師古曰賴利也

且功不

可以虛成名不可以僞立韓設辯以徼君呂行詐以賈

國

師古曰賈市買也音古

說難既會其身廼囚秦貨既貴厥宗亦

隧

應劭曰會音會豪之會會雄也說難韓非書篇名也呂不韋效千金於秦立子楚爲王封十萬戶侯以陰

事自殺也師古曰呂不韋初見子楚在趙而云此奇貨可居故班氏謂子楚爲秦貨耳安說效千金乎應說失

之矣○蕭該音義曰會鄭氏曰會執也韋昭曰會終也

是故仲尼抗浮雲之志孟

軻養浩然之氣

張晏曰孔子云不義而富且貴於我如浮雲孟軻曰我善養吾浩然之氣而無

害則塞乎天地之間也師古曰浩然純壹之氣也

彼豈樂爲迂闊哉道不可以

貳也

師古曰迂遠也音于

方今大漢洒埽羣穢夷險芟荒

師古曰酒音所

蟹反汎也汎音信

廓帝絃恢皇綱基隆於義農規廣於黃唐其

君天下也炎之如日威之如神函之如海養之如春

師古

日函容也讀與舍同

是以六合之內莫不同原共流沐浴玄德

師古

日原水泉之本也流者其末流也

稟卬太和枝附葉著

師古曰卬讀曰仰著音直略反

譬猶少木之殖山林鳥魚之毓川澤

師古曰殖生也長也毓與育同得

氣者蕃滋失時者苓落

師古曰苓與零同

參天墜而施化豈云

人事之厚薄哉

師古曰墜古地字

今子處皇世而論戰國耀所

聞而疑所覲

師古曰覲見也音徒歷反

欲從旄敦而度高岸泰山懷

沈濫而測深虜重淵亦未至也

應劭曰爾雅前高曰旄丘如覆敦者敦丘側出

曰沈泉正出曰濫泉師古曰敦音丁回反度音徒各反沈音軌○蕭該音義曰旄爾雅曰前高後下曰旄丘詩

有旄丘篇字林曰前高後下曰旄音此與爾雅同旄音毛又亡周反今人呼爲務音乖僻多矣沈濫舊作汎檻

韋昭曰水側出曰汎泉音範湧出曰濫泉音檻宋祁曰未至字下當有後下字注文正出當作上出字

賓  
曰若夫鞅斯之倫衰周之凶人既聞命矣敢問上古之

士處身行道輔世成名可述於後者默而已虜主人曰

何爲其然也昔咎繇謨虞箕子訪周

師古曰訪亦謀言通帝王

謀合聖神殷說夢發於傅巖周望兆動於渭濱

師古曰說傳說

也解已在前望謂太公望卽呂尙也釣於渭水文王將出獵卜之曰所得非龍非螭非豹非熊乃帝王之輔果

遇呂尙於渭陽與語大悅曰吾齊甯激聲於康衢漢良太公望子久矣故號曰太公望

受書於邳沂

鄭氏曰五達曰康四達曰衢晉灼曰沂崖也下邳水之崖也師古曰齊甯甯戚也舜

激謂叩角所歌也沂音牛斤反○蕭該音義曰康韋昭曰五達爲康呼坑反該案事出爾雅該讀康如字未詳

韋氏音沂韋昭作恨曰恨限也謂橋也吾恩反皆竦命而神交匪詞言之所信

師古曰信合韻音新○蕭該音義曰詞字書曰古辭字故能建必然之策展無窮

之勳也近者陸子優繇新語以興鄭氏曰優繇不仕也師古曰繇讀與由同

董生下帷發藻儒林劉向司籍辯章舊聞揚雄覃思法

言太玄師古曰覃大也深也皆及昔君之門闈究先聖之壺奧應劭

曰宮中門謂之闈宮中巷謂之壺師古曰壺音苦本反婆娑虜術藝之場休息虜

篇籍之囿以全其質而發其文用納虜聖聽列炳於後

人斯非其亞與師古曰亞次也與讀曰歟若迺夷抗行於首陽惠降

志於辱仕

師古曰夷伯夷也惠柳下惠也辱仕謂爲士師三黜也

顏耽樂於簞瓢

孔終篇於西狩

師古曰謂作春秋止於獲麟也狩合韻音守○蕭該音義曰簞瓢字書曰簞笥

也一曰小筐丁安反瓢蠡也父么反聲盈塞於天淵真吾徒之師表也且

吾聞之壹陰壹陽天墜之方

師古曰墜古地字

迺文迺質王道

之綱有同有異聖喆之常故曰慎修所志守爾天符委

命共已味道之腴

師古曰共讀曰恭腴肥也

神之聽之名其舍諸

師古

曰舍廢也諸之也言修志委命則明神聽之佑以福祿自然有名永不廢也

賓又不聞龢氏

之璧韞於荆石

師古曰龢古和字也韞亦藏也音於粉反

隋侯之珠藏於蚌

蛤虬

師古曰蚌卽蚌字也音平項反蛤音工合反○蕭該音義曰蚌蛤字書蚌蜃厲也步頂反蛤燕雀化

所作也秦曰牡礪

歷世莫眠不知其將舍景耀吐英精曠千載

而流夜光也應龍潛於潢汙魚鼃媠之

師古曰應龍龍有翼者潢汙停

水也媠謂侮狎之也潢音黃汙音烏

不覩其能奮靈德合風雲超忽荒而

踈顛蒼也

師古曰踈以足據持也顛顛天也元氣顛汙故曰顛天其色蒼蒼故曰蒼天踈音戟○蕭

該音義曰踈案字書無足旁踈字猶應是踈字字書踈蹲也已恕反顛字林曰顛白貌也音昊楚辭昊白顛顛

該案爾雅曰春日蒼天夏日昊天今作顛者此古書假借用耳故夫泥蟠而天飛者應

龍之神也先賤而後貴者蘇隋之珍也昔闇而久章者

君子之真也

師古曰時闇有時而闇也

若廼牙曠清耳於管絃離婁

眇目於豪分

師古曰牙伯牙也曠師曠也離婁明目者也眇細視也

逢蒙絕技於

弧矢班輸權巧於斧斤

師古曰逢蒙古善射者也班輸即魯公輸班也一說班魯班也

與公輸氏爲二人也皆有巧藝也古樂府云誰能爲此器公輸與魯班權專也一日競也權音角○蕭該音義



日權巧韋昭曰權猶專也該案音較晉灼音義作推  
字云劉氏云推效也咸言極也晉灼曰推見也盡也

樂軼能於相馭烏獲抗力於千鈞

師古曰良王良也樂伯樂也軼與逸同相

相馬也馭善馭也馮鵠發精於鍼石研桑心計於無垠

孟康

日研古之善計也桑桑弘羊也師古曰和秦醫和也鵠

音義曰鍼字林曰鍼所以縫也之心反

僕亦不任厠技於彼列故密爾自

娛於斯文

師古曰密靜也安也

前漢書卷一百上

前漢書卷一百上考證

敘傳○

臣召南

按南史蕭琛傳琛爲宣城太守有北僧南渡惟齋一瓠蘆中有漢書序傳僧云三輔舊書相傳以爲班固真本琛固求得之其中多有異今者而紙墨甚古文字多如龍舉之例非隸非篆琛甚秘之及爲江夏太守以書餉鄱陽王範獻於東宮又劉之遴傳太子以漢書真本令之遴與張纘到漑陸襄等參校異同之遴錄其異狀數十事其大畧云案古本漢書稱永平十六年五月二十一日己酉郎班固上而今本無上書年月日子又案古本敘傳號爲中

篇今本稱爲敘傳又今本敘傳載班彪事行而古本云彪自有傳臣按此說可疑後書固傳固自永平中始受詔潛精積思二十餘年至建初中始成然則永平十六年乃初受詔豈容卽表上於朝乎又其父彪以建武中爲徐令司徒掾望都長自不合列傳於前書所謂真本必非實也意者好事之徒所爲耶永平中何由有紙卽此足破其妄漢書自初出卽已盛行八表天文志闕曹大家且受詔以完其業然則今本漢書確足據矣稱敘傳爲中篇有何義乎

楚人謂虎班其子以爲號注師古曰子文之子鬬班亦

爲楚令尹○胡三省曰左傳莊三十年申公鬬班殺令尹子元而鬬穀於菟爲令尹恐班非子文之子車騎將軍王音聞之以風丞相御史○通鑑考異曰按放傳丞相宣御史大夫方進奏放過惡音以正月乙巳薨方進以三月丁酉爲御史大夫然則風丞相御史者疑非音也

危自上起傷不及下故王氏之貴云云○按後書於此條問答字句稍有增損如危自上起二句後書倒載於王氏擅朝因竊位號之下又方今雄桀帶州城者皆無七國世業之資下後書節詩云皇矣上帝四句

又王命論全文後書但載其目而不述其文也

是故劉氏承堯之祚氏族之世著乎春秋注師古曰謂士會歸晉云云○顧炎武曰左氏昭公二十九年傳陶唐氏既衰其後有劉累者學擾龍於豢龍氏以事孔甲如師古注則又其苗裔也

既諄爾以告象兮○按文選字句間有異同此諄字選作訊又上聖寤而後拔兮寤字選作迂又發還師以成性兮性字選作命又市三正而滅周周字選作姬又雖移盈然不忒選作雖移易而不忒又皓頤志而勿營勿營選作勿傾

潛神默記恒以年歲○按文選去此二句又煜書其間  
者選作書煜又說難旣酋酋字選作道又漢良受書  
於邳沂沂字選作圻又班輸權巧於斧斤選作摧巧  
注摧竭也

前漢書卷一百上考證

前漢書卷一百下

漢 蘭 臺 令 史班 固撰

唐正議大夫行秘書少監琅邪縣開國子顏師古注

敘傳第七十下

固以爲唐虞三代詩書所及世有典籍故雖堯舜之盛

必有典謨之篇然後揚名於後世冠德於百王師古曰德爲百

王之上也故曰巍巍乎其有成功也煥乎其有文章也師古曰此

篇論語載孔子美堯舜之言也漢紹堯運以建帝業至於六世史臣乃

追述功德私作本紀師古曰謂武帝時司馬遷作史記編於百王之末

廁於秦項之列太初以後闕而不錄故探纂前記綴輯



所聞

師古曰纂與撰同輯與集同

以述漢書起于高祖終于孝平王

莽之誅十有二世二百三十年綜其行事旁貫五經上

下洽通

師古曰固所撰諸表序及志經典之義在於是也

爲春秋考紀表志傳

凡百篇

師古曰春秋考紀謂帝紀也而俗之學者不詳此文乃云漢書一名春秋考紀蓋失之矣○劉

奉世曰顏說亦非也考成也言以編年之故而後成紀表志傳非止於紀也語兼於下

其敘曰師古

曰自皇矣漢祖以下諸敘皆班固自論撰漢書意此亦依放史記之敘目耳史遷則云爲某事作某本紀某列傳班固謙不言然而改言述蓋避作者之謂聖而取述者之謂明也但後之學者不曉此爲漢書敘目見有述字因謂此文追述漢書之事乃呼爲漢書述失之遠矣摯虞尙有此惑其餘曷足怪乎

皇矣漢祖纂堯之緒實天生德聰明神武秦人不綱罔

漏于楚

師古曰言秦失綱維故高祖因時而起罔漏于楚謂項羽雖有害虐之心終免於患也一說楚

工陳涉初起後又被滅也爰茲發迹斷蛇奮旅神母告符朱旗迺舉

粵蹈秦郊嬰來稽首革命創制三章是紀應天順民五

星同晷

師古曰晷景也

項氏畔換黜我巴漢

孟康曰畔反也換易也不用義帝要

換易與高祖漢中也師古曰此說非也畔換強恣之貌猶言跋扈也詩大雅皇矣篇曰無然畔換

西土

宅心戰士憤怨

劉德曰宅居也西方人皆居心於高祖猶繫心也書曰惟衆宅心晉灼曰西土

關西也高祖入關約法三章秦民大說皆宅心高祖

乘爨而運席卷三秦割據河

山保此懷民

師古曰保安也懷民懷德之人也

股肱蕭曹社稷是經爪

牙信布腹心良平龔行天罰赫赫明明述高紀第一

孝惠短世高后稱制罔顧天顯呂宗以敗

劉德曰罔無也顧念也顯

明也言呂氏無念天之明道者徒念王諸呂以至於敗亡

述惠紀第二高后紀第三

太宗穆穆允恭立默化民以躬帥下以德農不供貢舉

不收孥

張晏曰除民田租之稅是不供貢也

宮不新館陵不崇墓

師古曰墓合韻

音我德如風民應如草

師古曰論語稱孔子曰君子之德風小人之德草也故引以爲

辭

國富刑清登我漢道

師古曰登成也

述文紀第四

孝景蒞政諸侯方命

孟康曰尙書云方命圮族言鯀之惡壞其族類吳楚七國亦然

克

伐七國王室以定匪怠匪荒務在農桑著于甲令民用

寧康

晉灼曰甲令卽景紀令甲也

述景紀第五

世宗曄曄思弘祖業

師古曰曄曄盛貌也

疇咨熙載髦俊並作

師古

日疇誰也咨謀也熙興也載事也謀於衆賢誰可任用故能興其事業也作起也

厥作伊何百

蠻是攘

師古曰攘卻也

恢我疆宇外博四荒

師古曰恢廣大也

武功

旣抗亦迪斯文

劉德曰迪進也

憲章六學統壹聖真封禪郊祀

登秩而神

宋祁曰秩當作祭

協律改正饗茲永年

張晏曰改正謂從建寅之

也月述武紀第六

孝昭幼冲冢宰惟忠燕蓋壽張實獻實聰

如淳曰壽音勳應劭曰壽

張詡也 皐人斯得邦家和同述昭紀第七

中宗明明夤用刑名

鄧展曰夤敬也

時舉傳納聽斷惟精

李奇曰時

是也於是時也選用賢者師古曰傳讀曰敷虞書舜典曰敷納以言敷陳也謂有陳言者則納而用之○劉奉

世曰時舉謂時而躡之也

柔遠能邇燁燿威靈

師古曰虞書舜典曰柔遠能邇柔安也能

善也故引之云燁燁也音充善反

龍荒幕朔莫不來庭

孟康曰謂白龍堆荒服沙幕也

師古曰龍匈奴祭天龍城非謂白龍堆也朔北方也

丕顯祖烈尙於有成

師古曰丕大也

烈業也 述宣紀第八

孝元翼翼高明柔克

師古曰翼翼敬也尚書洪範云高明柔克謂人雖有高明之度而當

執柔乃能成德也敘言元帝有柔克之姿也

賓禮故老優繇亮直

師古曰故老謂貢禹

薛廣德也優繇謂寬容也亮直謂朱雲也繇與由同

外割禁囿內損御服離宮不

衛山陵不邑

張晏曰不徙民著縣也

闕尹之咎穢我明德

如淳曰任弘恭

石顯使爲政以病其治也師古曰謂宮人爲闕者言其精氣奄閉不泄也一日主奄閉門者尹正也咎與疵同

○蕭該音義曰韋昭咎作摧字云子爾反劉氏云摧效也或言極也音灼日摧見也盡也使爲政以病其治也

今漢書本或誤作疵字或作咎字

述元紀第九

孝成煌煌臨朝有光威儀之盛如圭如璋壺闈恣趙朝

政在王

師古曰趙謂趙皇后及昭儀也王謂外家王鳳王音等

炎炎燎火亦允不

陽張晏曰天子盛威若燎火之陽今委政王氏不炎熾矣師古曰允信也○宋祁曰邵本如字作燎亦字作

光述成紀第十

孝哀彬彬克盭威神

師古曰彬彬文質備也言哀帝忿孝成之時權在臣下故自盭持其

威神也盭執取也其字從手如淳曰盭音盭

彫落洪支底劇鼎臣

服虔曰彫落洪支廢

退王氏也底致也周禮有屋誅誅大臣於屋下不露也易曰鼎折足其形渥凶謂誅朱博王嘉之屬也晉灼曰劇刑也師古曰劇者厚刑謂重誅也音握服言屋下失其義也○劉奉世曰洪支謂東平王雲非王氏也

變董公惟亮天功大過之困實撓實凶

應劭曰以董賢爲三公乃欲共

成天功也易大過卦棟撓凶言以小材而爲棟梁不堪其任至於折撓而凶也師古曰婉變美貌亮助也尙書舜典曰夤亮天功故引之也撓曲也音女教反

述哀紀第十一

孝平不造新都作宰不周不伊喪我四海

師古曰造成也遭家業不

成周頌曰閔予小子遭家不造故引之也  
言其自號宰衡而無周公伊尹之志也  
述平紀第十

二

漢初受命諸侯並政制自項氏十有八姓述異姓諸侯  
王表第一

太祖元勳啓立輔臣支庶藩屏侯王並尊述諸侯王表  
第二

侯王之祉祚及宗子公族蕃滋支葉碩茂

師古曰茂合韻音莫口反

述王子侯表第三

受命之初贊功剖符弈世弘業爵土迺昭

師占曰贊功佐命之功也

弈大也

述高惠高后孝文功臣侯表第四

景征吳楚武興師旅後昆承平亦有紹土

師古曰言景武之時以軍

功故封侯者多昭宣以後雖承平尚有以勳獲爵土者也○宋祁曰監本浙本越本作亦猶有紹

述景

武昭宣元成哀功臣侯表第五

亡德不報爰存二代

應劭曰二代二王後也師古曰二代謂殷周也言德澤深遠故至漢

朝其子孫又受茅土以奉祭祀

宰相外戚昭躉見戒

張晏曰躉是也明其是者戒其非也

韋昭曰昭明也躉是也

述外戚恩澤侯表第六

漢廸于秦有革有因

劉德曰廸至也

擯舉僚職並列其人

晉灼曰擯

音籠擯之擯師古曰擯音才戶反謂大略也

述百官公卿表第七

篇章博舉通于上下略差名號九品之敘述古今人表

第八



元元本本數始於一

張晏曰數之元本一起於初九之一也

產氣黃鍾造計

秒忽

劉德曰秒禾芒也忽蜘蛛網細者也師古曰秒音眇其字從禾

八音七始五聲六

律

劉德曰七始天地四方人之始也師古曰解在禮樂志

度量權衡歷算道出

師古

曰適古攸字也攸所也

官失學微六家分乖

劉德曰六家謂黃帝顓頊夏殷周魯歷也

壹彼壹此庶研其幾述律歷志第一

上天下澤春雷奮作

劉德曰兌下乾上履坤下震上豫履禮也豫樂也取易象制禮作樂

師古曰易象曰上天下澤履雷出地奮豫故具引其文

先王觀象爰制禮樂厥後

崩壞鄭衛荒淫風流民化泃泃紛紛

師古曰言上風既流下人則化也泃

泃流移也紛紛雜亂也泃音莫踐反

略存大綱以統舊文述禮樂志第二

雷電皆至天威震耀五刑之作是則是效

劉德曰震下離上噬嗑利

用獄雷電取象天威也師古曰易象辭  
曰雷電噬嗑先王以明罰敕法故引之威實輔德刑亦

助教李世不詳背本爭末師古曰不詳謂不盡用刑之理也周書呂刑曰告爾祥刑

吳孫狙詐申商酷烈師古曰狙音千豫反漢章九法太宗改作張晏

曰改除肉刑也輕重之差世有定籍述刑法志第三

厥初生民食貨惟先割制廬井定爾土田什一供貢下

富上尊商以足用茂遷有無貨自龜貝至此五銖揚摧

古今監世盈虛師古曰揚舉也推引也揚摧者舉而引之陳其趣也推音居學反述食

### 貨志第四

昔在上聖昭事百神類帝禋宗望秩山川明德惟馨永

世豐年季末淫祀營信巫史鄧展曰營惑也大夫臚岱侯伯僭

時

鄭氏曰臚岱季氏旅於太山是也應劭曰僭時秦文公造西時祭天是也師古曰旅陳也臚亦陳也臚旅

聲相近其義一耳

放誕之徒緣間而起

師古曰謂方士言神仙之術也

瞻前顧

後正其終始述郊祀志第五

炫炫上天縣象著明

師古曰炫炫光耀之貌音胡聘反縣古懸字

日月周輝

星辰垂精百官立法宮室混成

張晏曰星辰有宮室百官各應其象以見咎徵

也降應王政景以燭形

張晏曰王政失於此星辰變於彼猶景之象形

三季之

後厥事放紛

師古曰三季三代之末也放夫也紛亂也

舉其占應覽故考新

述天文志第六

河圖命庖洛書賜禹八卦成列九疇迨敘

李奇曰河圖卽八卦也洛

書卽洪範九疇也師古曰庖庖犧也迨古攸字○宋祁曰庖當作宓

三代寔寶光演文武

春秋之占咎徵是舉告往知來王事之表述五行志第

七

坤作墜執高下九則

張晏曰易曰地執坤劉德曰九則九州土田上中下九等也師古曰

墜古地字易象曰地執坤君子以厚德載物高下謂地形也一曰地之肥瘠

自昔黃唐經略

萬國燮定東西疆理南北

師古曰燮和也疆理謂立封疆而統理之

三代損

益降及秦漢革剗五等制立郡縣

晉灼曰剗音剗削之剗師古曰音初隈反

服虔曰剗音剪韋昭曰剗音鏗剗削也

略表山川彰其剖判述地理志第

八

夏乘四載百川是導

師古曰四載解在溝洫志

惟河爲難災及後代

商竭周移秦決南涯

服虔曰河竭而商亡移亦河移徙也如淳曰秦始皇本紀決河灌大

梁遂滅之通  
爲溝入淮泗

自茲距漢北亡八支

服虔曰本有九河  
今塞餘有一也文

陘棗野武作瓠歌

服虔曰陘音因文帝塞河於酸棗也  
張晏曰河決瓠子武帝親臨悼功不

成而

成有平年後遂滂沱

劉德曰成帝治河已平改元  
曰河平元年韋昭曰成帝時

河復決王延八世塞之  
河水平因改年曰河平

爰及溝渠利我國家述溝洫志

### 第九

慮羲畫卦書契後作

師古曰慮  
讀與伏同

虞夏商周孔纂其業纂

書刪詩綴禮正樂

師古曰纂  
與撰同

彖系大易因史立法

師古  
曰謂

修春秋定  
帝王之文

六學旣登遭世罔弘

師古曰罔無也無  
能弘大正道也

羣言

紛亂諸子相騰

師古曰騰馳也

秦人是滅漢修其缺劉向司籍

九流以別

應劭曰儒道陰陽法名  
墨從橫雜農凡九家

爰著目錄略序洪烈

師古曰洪大也烈業也 述藝文志第十

上嫚下暴惟盜是伐

師古曰易上繫辭云小人而乘君子之器盜斯奪之矣上嫚下暴盜

斯伐之矣引此言者謂秦胡亥之時

勝廣燹起梁籍扇烈

師古曰飛火曰燹扇熾也烈猛

也言陳勝初起而項羽烈盛也燹音必遙反

赫赫炎炎遂焚咸陽宰割諸夏

命立侯王誅嬰放懷詐虐以亡述陳勝項籍傳第一

張陳之交游如父子攜手遂秦拊翼俱起

應劭曰遂逃也師古曰遂

古遂字也拊翼以鷄爲喻言知將且則鼓擊其翼而鳴也

據國爭權還爲豺虎

師古曰言

反相吞噬也

耳謀甘公作漢藩輔述張耳陳餘傳第二

三桡之起本根旣朽

劉德曰詩云包有三桡爾雅曰烈桡餘也謂木斫髡而復桡生也喻

魏齊韓皆滅而復起若髡木更生也師古曰桡音五葛反

枯楊生華曷惟其舊

應劭曰易

云枯楊生華暫貴之意也曷惟其舊言不能久也師橫  
古曰枯楊生華大過卦九五爻辭也舊合韻音曰

雖雄材伏于海鳴沐浴尸鄉北面奉首旅人慕殉義過

黃鳥

劉德曰黃鳥之詩刺秦穆公要人從死言今橫不要而有從者故曰過之

述魏豹田儼

### 韓信傳第三

信惟餓隸布實黥徒越亦狗盜芮尹江湖

張晏曰吳芮爲番禺令在

江湖之間尹主也

雲起龍襄化爲侯王

師古曰襄舉也

割有齊楚跨制

淮梁

張晏曰韓信前王齊徙楚英布王淮南彭越王梁也

縮自同閉鎮我北疆

曰閉音扞盧縮與高祖同里楚名里門爲閉師古曰左氏傳云高其閉闕舊通語耳非專楚也

德薄位

尊非胙惟殃吳克忠信亂嗣迺長述韓彭英盧吳傳第

四

賈廩從旅爲鎮淮楚

張晏曰劉賈晚乃從軍也晉灼曰廩無幾也師古曰二說皆非也廩

古以爲勤字言賈從軍有勤勞也

澤王琅邪權激諸呂凟之受吳疆土

踰矩

師古曰矩法制也

雖戒東南終用齊斧

張晏曰齊斧越斧也以整齊天下也

晉灼曰雖戒勿反而反竟用此斧於吳也師古曰易云喪其齊斧故引以爲辭

述荆燕吳傳第

五

太上四子伯兮早天仲氏王代旃宅于楚

師古曰詩衛風云伯兮

兮鄱風又曰仲氏任只此序方論高祖兄伯及仲故引二句爲之辭也

戊實淫缺平陸廼

紹

師古曰楚王戊爲薄太后服姦創東海郡遂與吳共反而誅文帝更立平陸侯禮續元王之後也○宋禪

曰注文浙本改文帝作景帝

其在于京弈世宗正

師古曰正合韻音征劬勞王

室用侯陽成子政博學三世成名

師古曰謂劉德劉向劉歆俱有名聞述



楚元王傳第六

季氏之誚辱身毀節信于上將議臣震栗

張晏曰申意於上將上將

樊噲也欲以十萬衆橫行匈奴中布曰噲可斬也時議臣皆恐師古曰信讀曰申

樂公哭梁田

叔殉趙見危授命誼動明主布歷燕齊叔亦相魯民思

其政或金或社

李奇曰魯人愛田叔死送之以金齊貴樂布爲生立社

述季布樂

布田叔傳第七

高祖八子二帝六王三趙不辜淮厲自亡燕靈絕嗣齊

悼特昌掩有東土自岱徂海支庶分王前後九子六國

誅斃適齊亡祀城陽濟北後承我國

張晏曰濟北王志吳楚反後徙王菑

川元朔中齊國絕悼惠王後唯有城陽菑川武帝乃割臨菑環悼惠王冢以與菑川令奉祀也師古曰適讀曰

嫡 趙趙景王匡漢社稷師古曰趙趙武貌音糾述高五王傳第八

猗與元勳包漢舉信劉德曰包取也師古曰包漢謂勸高祖且王漢中也舉信舉韓信也

信合韻音新鎮守關中足食成軍營都立宮定制修文平陽

玄默繼而弗革師古曰革改也言曹參爲相守靜無爲一遵蕭何約束不變改也民用

作歌化我淳德漢之宗臣是謂相國述蕭何曹參傳第

九

留侯襲秦作漢腹心劉德曰襲秦推始皇於博狼沙中圖折武關解阨

鴻門師古曰圖折武關謂從沛公入武關說令爲疑兵又略秦將以利勸因其怠懈擊之類也推齊

銷印毆致越信師古曰毆與驅同越彭越也信合韻音新也謂於垓下圍項羽時也

招賓四老惟寧嗣君陳公擾攘歸漢迺安師古曰擾音人養反

范亡項走狄擒韓

師古曰走狄謂解平城之圍也禽韓僞遊雲夢也

六奇既設

我罔艱難

師古曰罔無也

安國廷爭致仕杜門絳侯矯矯誅呂

尊文亞夫守節吳楚有勳述張陳王周傳第十

舞陽鼓刀滕公廐騶

師古曰鼓刀謂屠狗也

穎陰商販曲周庸夫

攀龍附鳳並乘天衢

師古曰乘登也

述樊鄴滕灌傳斬周傳第

十一

北平志古司秦柱下

師古曰志記也謂多記古事也司主也

定漢章程律

度之緒建平質直犯上干色

師古曰周昌先封建成侯蓋謂此也平字當爲成傳

寫誤

廣阿之廛食厥舊德

張晏曰任敖也吏遇呂后不謹敖擊傷主吏也師古曰廛

亦勤字也易訟卦六三爻辭曰食舊德食猶饗也

故安執節責通請錯蹇蹇帝

臣匪躬之故

師古曰易蹇卦六二爻辭曰王臣蹇蹇匪躬之故此言申屠嘉召責鄧通請誅晁錯

皆不爲己身實有蹇蹇之節也

述張周趙任申屠傳第十二

食其監門長揖漢王晝襲陳留進收敖倉塞隘杜津王

基以張

師古曰杜亦塞也謂說合塞白馬津

賈作行人百越來賓從容風

議博我以文

李奇曰作新語也師古曰論語稱顏回喟然歎曰夫子博我以文謂以文章開博我

也此言陸賈嘗之越也從音千容反風讀曰諷

敬繇役夫遷京定都

師古曰繇讀與由同

言劉敬由戌卒而來納說

內強關中外和匈奴叔孫奉常與時抑揚

稅介免胄禮義是創

師古曰稅舍也介甲也創始造之也創合韻音初良反

或蒞

或謀觀國之光

師古曰詩小雅小旻之篇曰或蒞或謀言有智者有謀者易觀卦六四爻辭曰

觀國之光利用賓于王故合而爲言

述酈陸朱婁叔孫傳第十三

師古曰本傳作

朱劉終書其賜姓也此  
言朱婁本其舊族耳

淮南僭狂二子受殃安辯而邪賜頑以荒敢行稱亂窘

世薦亡

師古曰窘仍也薦讀曰荐荐再也長遷死雍其子安又自殺也

述淮南衡山濟

北傳第十四

蒯通壹說三雄是敗覆酈驕韓田橫顛沛被之拘繫廼

成患害

師古曰言伍被初不從王反王繫其父母乃進邪謀終以遇害也

充躬罔極交

亂弘大

師古曰小雅青蠅之詩云讒言罔極交亂四國此敘言江充息夫躬之惡引以爲辭也

述

蒯伍江息夫傳第十五

萬石溫溫幼寤聖君

鄧展曰爾雅寤逢遇也師古曰此說非也言萬石幼而恭謹感寤高

祖以見識拔也爾雅云還遇也非謂寤也詩小雅小宛之篇曰溫溫恭人

宜爾子孫天天伸

伸

師古曰詩周南螽斯之篇曰宜爾子孫振振兮論語稱孔子燕居伸伸如也天天如也謂和舒之貌此言

萬石子孫既多又皆和睦故引以爲辭也天音於驕反

慶社于齊不言動民

鄧展曰慶

爲齊相齊爲立社也

衛直周張淑慎其身

師古曰衛詩燕燕之篇曰終溫且惠淑慎其身

淑善也引此詩言以美四人也

述萬石衛直周張傳第十六

孝文三王代孝二梁

師古曰代孝王參及梁孝王武梁懷王揖

懷折亡嗣孝

乃尊光

師古曰折謂天也孝亦謂梁孝王也

內爲母弟外扞吳楚怙寵矜

功僭欲失所思心旣霧牛旣告妖

師古曰霧僭霧也音莫候反解在五王志

帝庸親親厥國五分

師古曰庸用也用親親之道故分梁爲五國立孝王男五人爲王太

子買爲梁王次子明爲濟川王彭離爲濟東王定爲山陽王不識爲濟陰王

德不堪寵四支

不傳

晉灼曰支父母之四支也師古曰此說非也謂孝王支子四人封爲王者皆絕於身不傳亂嗣唯梁

恭王買有後耳  
其事具在本傳  
述文三王傳第十七

賈生矯矯弱冠登朝

師古曰矯矯高舉之貌也合韻音驕

遭文獻聖屢抗

其疏暴秦之戒三代是據建設藩屏以強守圉

師古曰圉合韻

音御吳楚合從賴誼之慮

師古曰勸文帝大封梁淮陽梁卒距吳楚不得令西也從音子

庸反述賈誼傳第十八

子絲慷慨激辭納說

師古曰爰盎字絲此加子者子是嘉稱以偶句耳

檻轡正

席顯陳成敗

師古曰檻執取也其字從手亦或作擊

錯之瑣材智小謀大

師古曰易下繫辭曰德薄而位尊智小而謀大力少而任重鮮不及矣此敘言鼂錯所以及禍既如發

機先寇後害

師古曰發機言其速也吳楚未敗之前錯已誅死

述爰盎鼂錯傳

第十九

釋之典刑國憲以平馮公矯魏增主之明

張晏曰矯辭以免魏尚也

師古曰張說非也矯正也正言其事

長孺剛直義形于色下折淮南上正

元服

師古曰淮南王謀反憚黯正直武帝不冠不見黯故云下折淮南上正元服也元首也故謂冠爲元

服莊之推賢於茲爲德述張馮汲鄭傳第二十

榮如辱如有機有樞

劉德曰易曰樞機之發榮辱之主也張晏曰乍榮乍辱如辭也自

下摩上惟德之隅

師古曰詩大雅抑之篇曰抑抑威儀惟德之隅言有廉隅也此敘言賈山

直詞刺上亦爲方正也一曰隅謂得道德之一隅也

賴依忠正君子采諸

師古曰諸之也

述賈鄒枚路傳第二十一

魏其翩翩好節慕聲

師古曰翩翩自喜之貌

灌夫矜勇武安驕盈

凶德相挺旤敗用成

師古曰挺謂柔挺也音式延反○蕭該音義曰韋昭曰相挺極也淮



南子曰陶人之尅挺植許慎曰挺抑也太玄經曰與陰陽挺其化朱忠曰挺和方言曰挺取也聲類曰挺一曰

柔也老子曰挺植以為器安國壯趾王恢兵首孟康曰易壯子趾征凶安國臨當為丞相

墮車蹇後為將多所傷失而憂死此為不宜征行而有凶也師古曰壯于趾大壯初九爻辭也壯傷也趾足也

直謂墮車蹇耳不言不宜征行也彼若天命此近人咎師古曰彼韓安國也此王恢也

壯趾天命也謀兵人咎也述寶田灌韓傳第二十二

景十三王承文之慶師古曰言景帝庸主耳所以子皆得王者由文帝之德慶流子孫也

慶合韻音卿魯恭館室江都師古曰謂輕狡也音初

日諄音少年輕薄毀鈔趙敬險諛中山淫營師古曰諛

息憲之鈔如淳音樵長沙寂漠廣川亡聲膠東不亮常山驕

盈如淳曰亮信也聞淮南謀反作戰具守四國絕祀河

備後辭及之發病死是為不信於漢朝

間賢明

李奇曰臨江哀王闕臨江閔王榮膠禮樂是修西于王端清河哀王乘皆無子國除

爲漢宗英述景十三王傳第二十三

李廣恂恂實獲士心控弦貫石威動北隣

師古曰北隣謂匈奴也

躬戰七十遂死于軍敢怨衛青見討去病陵不引決忝

世滅姓

師古曰忝辱也

蘇武信節不詘王命

師古曰信讀曰申

述李廣

蘇建傳第二十四

長平栢栢上將之元

師古曰栢栢武貌也元首也

薄伐獫狁恢我朔

邊

師古曰恢廣也

戎車七征衝軻閑閑

鄧展曰軻兵車名也師古曰軻音彭

合圍

單于北登闔顏票騎冠軍焱勇紛紜

師古曰如焱之勇紛紜然盛也

長

驅六舉電擊雷震

師古曰六舉凡六出擊匈奴也震合韻音之人反

飲馬翰海

封狼居山西規大河列郡祁連

張晏曰置郡至祁連山

述衛青霍

去病傳第二十五

抑抑仲舒再相諸侯

師古曰爾雅云抑抑密也

身修國治致仕縣車

下帷覃思論道屬書

師古曰屬音之欲反

讜言訪對爲世純儒

師古

日讜善言也訪對謂對所訪也讜音黨

述董仲舒傳第二十六

文豔用寡子虛烏有寓言淫麗託風終始

師古曰寓寄也風讀曰諷

多識博物有可觀采蔚爲辭宗賦頌之首

師古曰蔚文采盛也音鬱

述司馬相如傳第二十七

平津斤斤晚躋金門

師古曰斤斤明察也躋升也金門金馬門也

旣登爵位

祿賜頤賢

師古曰頤養也謂引招賢人而養之○宋祁曰注未當有也字

布衾疎食用

儉飭身

師古曰飭謹也讀與敎同

卜式耕牧以求其志忠寤明君廼

爵廼試兒生齏齏束髮修學

師古曰齏齏勉也

借列名臣從政

輔治述公孫弘卜式兒寬傳第二十八

張湯遂達用事任職媚茲一人日盱忘食

師古曰詩大雅下武之篇

日媚茲一人應侯慎德一人天子也媚愛也此敘言張湯見愛於武帝

既成寵祿亦罹咎

慝安世溫良塞淵其德

師古曰詩鄘風燕燕之篇曰仲氏任只其心塞淵淵深也塞實

也謂其德既實且深也此敘言子孺亦有之

子孫遵業全祚保國述張湯傳

## 第二十九

杜周治文唯上淺深

師古曰言觀天子之意

用取世資幸而免身

延年寬和列于名臣欽用材謀有異厥倫

師古曰倫類也言異其本

類述杜周傳第三十

博望杖節收功大夏貳師秉鉞身繫胡社

李奇曰李廣利胡殺之以

血塗社也師古曰繫者以血祭耳非塗之血也

致死爲福每生作甌

師古曰每貪也張騫

致死封侯李廣利求生而死也

述張騫李廣利傳第三十一

嗚呼史遷薰胥以刑

晉灼曰齊韓魯詩作薰薰帥也從人得罪相坐之刑也師古曰晉說

近是矣詩小雅雨無正之篇曰若此無罪淪胥以鋪胥相也鋪徧也言無罪之人遇於亂政橫相牽率徧得罪

也韓詩淪字作薰薰者謂相薰蒸亦漸及之義耳此敘言史遷因坐李陵橫得罪也○蕭該音義曰韋昭曰腐

刑必薰之餘殘曰胥

幽而發憤廼思廼精錯綜羣言古今是經勒

成一家大略孔明

師古曰孔甚也

述司馬遷傳第三十二

孝武六子昭齊亡嗣

如淳曰昭帝及齊王無嗣也師古曰嗣台韻音祥

燕刺謀

逆廣陵祝詛昌邑短命昏賀失據戾園不幸宣承天序

師古曰序合韻音似豫反述武五子傳第三十三

六世耽耽其欲洩洩

師古曰六者謂武帝也易頤卦六四爻辭曰虎視眈眈其欲洩洩眈眈

眈威視之貌也洩洩欲利之貌也眈音丁含反洩音滌今易洩字作逐○蕭該音義曰眈蘇林音潭晉灼音義

及今漢書本作悠悠應劭曰易曰虎視眈眈字林曰眈視近而忘遠也音大含反應劭曰眈近也悠悠遠也言武

帝內興文學外耀神武眈眈悠悠而盛也余謂眈當音當含反文武方作是庸四克

曰方並也師古曰言並任文武之臣是用克開四方也助偃淮南數子之德不忠

其身善謀於國師古曰淮南謂淮南王安述嚴朱吾丘

主父徐嚴終王賈傳第三十四

東方贍辭諛諧倡優

師古曰諛音恢譏苑扞偃正諫舉郵師古曰郵

與尤同 懷肉汗殿弛張沈浮述東方朔傳第三十五  
尤過也

葛繹內寵屈釐王子

師古曰公孫賀妻衛皇后姊故云內寵也

千秋時發宜

春舊仕

張晏曰千秋訟衛太子寃發言值時也師古曰宜春侯王訢也

敝義依霍庶幾

云已

如淳曰若此人等無益於治可爲庶幾而已也師古曰敝揚敝義蔡義

弘惟政事萬

年容已咸睡厥誨孰爲不予述公孫劉田楊王蔡陳鄭

### 傳第三十六

王孫羸葬建廼斬將雲廷許禹福逾刺鳳

師古曰是謂逾遠也

狂狷敝近其衷

師古曰衷中也論語稱孔子曰不得中於中行也衷音竹仲反

蓋狂狷耳云敝之操近於中行也衷音竹仲反

述楊胡朱梅云傳第三十七

博陸堂堂受遺武皇

師古曰論語稱曾子曰堂堂乎張也蓋美于張儀形盛也故引之

擁毓孝昭末命導揚

劉德曰武帝臨終之命霍光能導達顯揚也

遭家不造

立帝廢王權定社稷配忠阿衡懷祿耽寵漸化不詳陰

妻之逆至子而亡

師古曰陰謂覆蔽之也

秬侯狄孥虔恭忠信

師古曰

日匈奴休屠王之子故曰狄孥秬音妬信合韻音新

弈世載德貶于子孫

師古曰貶延也

音弋

述霍光金日磾傳第三十八

兵家之策惟在不戰營平皤皤立功立論

師古曰皤皤白髮貌也音

蒲何反

以不濟可上諭其信

師古曰春秋左氏傳晏子對齊景公曰君所謂可而有不

焉臣獻其不以成其可此教言宣帝令擊西羌充國不從固上屯田之策也

武賢父子虎臣

之俊述趙充國辛慶忌傳第三十九

義陽樓蘭長羅昆彌安遠日逐義成郅支陳湯誕節救



在三愬

師古曰三愬謂劉向谷永耿育皆訟救湯也師古曰誕節言其放縱不拘也

會宗勤

事疆外之桀述傳常鄭甘陳段傳第四十

不疑膚敏應變當理

劉德曰膚美也敏疾也言於闕下卒變定方遂詐非衛太子也師古

日詩大雅文王之篇曰殷士膚敏謂微子也故引以爲辭

辭霍不婚遂遁致仕

師古日道

讀與

疏克有終散金娛老定國之祚于其仁考廣德當

宣近於知恥

晉灼曰當宣帝時始仕至元帝時以歲惡民流便乞骸骨去此爲知耻師古曰此說

非也當爲平當也宣彭宣也言廣德平當彭宣三人不荷於祿位並爲知恥也本傳贊曰薛廣德保懸車之榮平當遂巡有恥彭宣見險而止異乎苟患失之者矣

述雋疏于薛平彭傳第四十

一

四皓遷秦古之逸民不營不拔嚴平鄭真

應劭曰爵祿不能營其志

威武不能屈其身也易曰不可榮以祿又吉困于賀涅

而不緇禹既黃髮以德來仕

師古曰論語稱孔子曰不

也可以染皂緇黑色也言天性潔白者雖處

舍惟正身

勝死善道郭欽蔣詡近遜之好

應劭曰易曰好遜君子

和順遜去不離其害也

述王貢兩龔鮑傳第四十二

扶陽濟濟聞詩聞禮立成退讓仍世作相

師古曰漢之

宗廟叔孫是謨革自孝元諸儒變度

如淳曰造迭毀之

也合韻音慕

國之誕章博載其路

師古曰誕大也謂憲章之大者故廣載之

述章

賢傳第四十三

高平師師惟辟作威圖黜凶害天子是毗

鄧展曰師師相師法也師

古曰尙書洪範云惟辟作威言威權者唯人君得作之耳詩小雅節南山之篇曰尹氏太師惟周之氏秉國之鈞四方是維天子是毗言大臣之職輔佐天子者也此敘言魏相欲崇君道而黜私權故引書詩以爲言也

博陽不伐含弘光大天誘其衷慶流苗裔述魏相丙吉傳第四十四

占往知來幽贊神明

師古曰易上繫辭曰神以知來知以藏往言著卦之德兼神知也說

卦曰昔者聖人之作易也幽贊於神明而生著言欲深致神明之道助以成教故爲著卜也

苟非其

人道不虛行

師古曰下繫之辭也言人能弘道非其人則不能傳

學微術昧或見

仿佛疑殆匪闕違衆迂世

師古曰論語稱孔子曰多聞闕殆慎行其餘則寡悔殆危也謂有疑則闕之也此敘言術士不闕疑殆故遭禍難也

淺爲尤悔

深作敦害

師古曰尤過也敦厚也

述睦兩夏侯京翼李傳第四十

五

廣漢尹京克聰克明延壽作翊既和且平矜能訐上俱

陷極刑翁歸承風帝揚厥聲

張晏曰受任為右扶風卒宣帝下詔褒揚賜金百斤

敞亦平平文雅自贊

師古曰平讀曰便便辯也贊助也以文雅助治術也一說贊進也以

文雅自進也

尊實趙趙邦家之彥

師古曰趙趙材勁貌也音糾

章死非臯

士民所歎述趙尹韓張兩王傳第四十六

寬饒正色國之司直豐繁好剛輔亦慕直

師古曰繁是也音烏奚反

皆陷狂狷不典不式

師古曰典經也式法也

崇執言責隆持官守

如淳曰崇為尚書僕射是言責之官也哀帝及傳太后欲封從弟商崇諫不聽也晉灼曰隆諫武庫兵不宜以

給董賢家此為持官守也

寶曲定陵並有立志

鄧展曰孫寶曲撓定陵侯淳于長也晉灼

曰何並斬侍中王林卿奴是立志也

述蓋諸葛劉鄭毋將孫何傳第四十

七

師古曰本傳毋將隆在孫寶下今此敘云毋將孫何是敘誤也

長倩愼愼覲霍不舉

蘇林曰愼愼行步安舒也師古曰不肯露索而見霍光故不得大官

也愼音弋於反

遇宣廼拔傳元作輔不圖不慮見躓石許

師古曰詩

小雅雨無正之篇云旻天疾威不慮不圖也慮思也圖謀也言幽王見天之威不思謀也此敘言望之思謀不詳率爲石顯及許史所顛躓也躓音竹二反。宋祁曰見字當作顛述蕭望之傳第四十

八

子明光光發迹西疆列於禦侮厥子亦良述馮奉世傳

第四十九

宣之四子淮陽聰敏

師古曰敏疾也合韻音美

舅氏蘧蔭幾陷大理

師古曰蓬蔕口柔觀人顏色而爲辭佞者也言淮陽憲王舅張博爲諂辭幾陷王於大罪也蓬音渠蔕音除幾

音鉅

依反楚孝惡疾東平失軌

師古曰惡疾謂音病也軌法則也

中山凶短

母歸戎里

張晏曰戎氏女歸戎氏之里也

元之二王孫後大宗

孟康曰謂哀帝

帝昭而不穆大命更登

鄧展曰昭而不穆有父無子張晏曰大命帝位也師古曰更音

工衡反

述宣元六王傳第五十

樂安褒褒古之文學

師古曰褒褒盛貌也音弋救反學合韻音下教反

民具爾

瞻困于二司

師古曰詩小雅節南山之篇曰赫赫師尹民具爾瞻言師尹之位尊職重下所瞻

望而乃爲不善乎深責之也此敎言匡衡失德不終相位故引以爲辭耳二司者司隸校尉王尊勃奏衡追奏

石顯揚著先帝任用傾覆之臣司隸校尉王駿劾奏衡專地盜土也司合韻音先寺反

安昌貨殖

朱雲作媿

晉灼曰媿醜也師古曰朱雲廷言欲斬張博禹是爲醜惡之媿媿音敬合韻音丘吏反

山敦慎受莽之疾

師古曰疾病也孔光後更曲意從莽之欲以病其德行也

述匡張

孔馬傳第五十一

樂昌篤實不撓不詘遘閔既多是用廢黜

師古曰詩郁栢舟曰遘閔

既多受侮不少遘遇也閔病也謂見病害甚衆也此敘言王商深爲王鳳所排陷也

武陽殷勤輔

導副君既忠且謀饗茲舊勳高武守正因用濟身

師古曰言

傳喜不阿附傳太后故得免禍

述王商史丹傳喜傳第五十二

高陽文法揚鄉武略政事之材道德惟薄位過厥任鮮

終其祿

師古曰鮮少也音先典反

博之翰音鼓妖先作

劉德曰易曰翰音登于天

貞凶上九處非其位亢極故何可長也位在上高故曰翰音博拜時聞有鼓聲也師古曰翰音登于天中孚卦

上九爻辭也翰音高飛而自鳴喻居非其位聲過其實也

述薛宣朱博傳第五十三

高陵修儒任刑養威用合時宜器周世資義得其勇如

虎如貔進不跬步宗爲鯨鯢

師古曰半步曰跬音空藥反

述翟方進

傳第五十四

統微政缺災眚屢發永陳厥咎戒在三七鄴指丁傳略  
窺占術述谷永杜鄴傳第五十五

哀平之卹丁傅莽賢武嘉戚之乃喪厥身高樂廢黜咸  
列貞臣述何武王嘉師丹傳第五十六

淵哉若人實好斯文初擬相如獻賦黃門輟而覃思草

法纂立

師古曰輟止也纂與撰同言止不復作賦草創法言及撰太玄經也

斟酌六經放

易象論

師古曰放音甫往反論論語也

潛于篇籍以章厥身

師古曰述章明也



揚雄傳第五十七

獷獷亡秦滅我聖文

師古曰獷獷麤惡之貌言無親也獷音積又音九永反

漢存

其業六學析分是綜是理是綱是紀師徒彌散著其終

始

師古曰散謂分派也

述儒林傳第五十八

誰毀誰譽譽其有試

師古曰論語稱孔子曰吾之於人誰毀誰譽如有所譽其有所試此

敘言人之從政可試而知故引以爲辭也

泯泯羣黎化成良吏

師古曰黎衆也言羣衆無

知從吏之化而成俗也

淑人君子時同功異沒世遺愛民有餘思

述循吏傳第五十九

上替下陵姦軌不勝猛政橫作刑罰用興會是強圉拊

克爲雄

師古曰詩大雅蕩之篇曰曾是強圉會是拊克強圉強梁禦善也拊克好聚歛克害人也言任

用此人爲虐於下

也搭音平侯反報虐以威殃亦凶終

師古曰尚書呂刑曰皇帝哀矜

庶戮之不辜報虐以威言哀矜不辜之人

橫被殺戮乃報答爲虐者以威而誅絕也

六十

四民食力罔有兼業大不淫侈細不匱乏蓋均無貧遵

王之法

師古曰論語稱孔子曰蓋均無貧言爲政平均不相陵奪則無匱乏之人也故引之

靡法

靡度民肆其詐

師古曰肆極也

偪上并下荒殫其貨

師古曰荒大也侯

服玉食敗俗傷化

張晏曰玉食珍食也

述貨殖傳第六十一

開國承家有法有制家不臧甲國不專殺

師古曰殺合韻音所例反

矧乃齊民作威作惠

師古曰矧况也齊民齊等之人也

如台不匡禮法

是謂

如淳曰台我也我國家也師古曰匡正也台音怡

述游俠傳第六十二

彼何人斯竊此富貴營損高明作戒後世

師古曰詩小雅巧言之篇

刺讒人也其詩曰彼何人斯居河之糜賤而惡之也此敘亦深疾佞幸之人故引詩文以譏之營惑也

述

### 佞幸傳第六十三

於惟帝典戎夷猾夏

師古曰於歎辭也帝典虞書舜典也載舜命咎繇作士戒之曰蠻夷

猾夏猾亂也夏諸夏也於讀曰烏

周宣攘之亦列風雅

師古曰攘卻也

宗幽既

昏淫于褒女

師古曰宗幽幽王居宗周也

戎敗我驪遂亡鄆郟

張晏曰申

侯與戎共伐周敗於驪山下遂殺幽王平王東徙都成周

大漢初定匈奴強盛圍我

平城寇侵邊境

師古曰境合韻音竟

至于孝武爰赫斯怒王師雷

起霆擊朔野

師古曰霆疾雷也音廷

宣承其末迺施洪德震我威

靈五世來服

師古曰自宣至平凡五帝

王莽竊命是傾是覆備其變

理爲世典式述匈奴傳第六十四

西南外夷種別域殊南越尉佗自王番禺攸攸外寓閩

越東甌

師古曰攸攸遠貌

爰泊朝鮮燕之外區漢興柔遠與爾

剖符

師古曰柔安也剖符謂封之也

皆恃其咀乍臣乍驕孝武行師誅

滅海隅述西南夷兩越朝鮮傳第六十五

西戎卽序夏后是表

張晏曰表外也禹就敘以爲外國也師古曰此說非也表明也明以

德化也

周穆觀兵荒服不旅

張晏曰觀示也旅陳也犬戎終王而朝周穆王以不享征

之是以荒服不陳於廷也

漢武勞神圖遠甚勤王師驛驛致誅大宛

鄭氏曰驛驛盛也師古曰此說非也小雅四牡之詩曰四牡騤騤驛驛駱馬驛驛喘息之貌馬勞則喘此敘言

漢遠征西域人馬疲弊也驛音宅丹反

妣妣公主迺女烏孫

孟康曰妣音題妣妣惕惕

乾隆四年校刊

前漢書卷一百一 敘傳

三

愛也師古曰此說非也娒音上支反娒娒好貌也魏詩  
葛屨之篇曰好人提提音義同耳女妻也音乃據反言  
漢以好女配烏孫也使命迺通條支之瀕師古曰瀕涯也音類又音賓昭宣承

業都護是立總督城郭三十有六修奉朝貢各以其職

### 述西域傳第六十六

詭矣禍福刑于外戚

師古曰詭違也言禍福相違終始不一也

高后首命呂

宗顛覆薄姬碲魏宗文產德

如淳曰薄姬在魏許負相當生天子魏豹聞負言不

與漢遂禽而死也師古曰碲古墜字

竇后違意考盤于代

師古曰詩衛風曰考盤在澗考

成也盤樂也此敘言竇姬初欲適趙而向代違其本意卒以成樂也

王氏仄微世武作嗣

子夫既興扇而不終

師古曰扇熾也

鈞弋憂傷孝昭以登上官

幼尊類禡厥宗

應劭曰詩云是類是禡禮將征伐告天而祭謂之類告以事類也至所征伐之

地表面而祭之謂之禡禡者馬也馬者兵之首故祭其先  
神也言上官后雖幼尊貴家族以惡逆誅滅也師古曰  
禡音莫 史娣王悼身遇不祥及宣饗國二族後光恭哀  
暇反

產元天而不遂邛成乘序履尊三世張晏曰至成帝乃崩也師古曰乘序

謂登至尊之處也 飛燕之妖禍成厥妹丁傳僭恣自求凶害中

山無辜乃喪馮衛師古曰馮昭儀中山孝王母也爲傳氏所陷衛姬中山孝王后也爲王莽

所滅 惠張景薄武陳宣霍成許哀傳平王之作事雖歆羨

非天所度師古曰作起也度居也言惠帝至平帝王皇居故終用不昌后七人時雖處尊位人心羨慕以非天意所

也度音徒各反 怨咎若茲如何不恪師古曰恪敬也 述外戚傳

### 第六十七

元后娠母月精見表師古曰 遭成之逸政自諸舅師古曰言

成帝貪自逸樂而委政於王氏

陽平作威誅加卿宰

師古曰謂王商及王章也

成都

煌煌假我明光

師古曰煌煌熾貌

曲陽歌歌亦朱其堂

師古曰歌歌氣

盛也音許驕反

新都亢極作亂以亡述元后傳六十八

咨爾賊臣篡漢滔天行驕夏癸虐烈商辛

張晏曰桀名癸紂名辛

偽稽黃虞繆稱典文

師古曰稽考也

衆怨神怒惡復誅臻

張晏曰復

周也臻至也十二歲歲星一復莽稱帝十三歲而見誅也左氏傳曰美惡周必復師古曰復音扶目反

百

王之極究其姦昏述王莽傳第六十九

凡漢書敘帝皇

張晏曰十二紀也

列官司建侯王

張晏曰百官表及諸侯王

表也準天地統陰陽

張晏曰準天地天文志也統合也陰陽五行志也

闡元極步

三光

張晏曰闡大也元始也極至也三光日月星也大推上極元始以來及星辰度數謂律歷志

分

州域物土疆

張晏曰地理及溝洫志也

窮人理該萬方

張晏曰人理古今人表萬

方謂郊祀志有日月星辰天下山川人鬼之神

緯六經綴道綱

張晏曰藝文志也

總百

氏贊篇章

師古曰贊明也

函雅故通古今

張晏曰包含雅訓之故及古今之語正

文字惟學林

師古曰信惟文學之林藪也凡此總說帝紀表志列傳備有天地鬼神人事政治道

德術藝文章汎而言之盡在漢書耳亦不皆如張氏所說也

述敘傳第七十



前漢書卷一百下

前漢書卷一百下考證

爲春秋考紀表志傳凡百篇注師古云云○劉奉世云云○臣召南按奉世糾師古之違似非也李賢注後書引前書音義曰春秋考紀謂帝紀也言考覈時事具四時以立言如春秋之經較師古注尤明不必以成訓考也

賓禮故老優繇亮直注亮直謂朱雲也○臣召南按顏注誤朱雲折檻事在成帝時此言元帝聽貢禹之言外割禁園內損御服云爾連下二句讀其義自明賓禮故老謂于定國韋元成薛廣德之屬也

述異姓諸侯王表第一○按南史云劉之遴所校真本  
本紀及表志列傳相合爲次總成三十八卷與今本  
異

自茲距漢北八支○

臣召南

按此則八支湮塞在秦

漢之間矣緯書謂齊桓公塞八支以自廣終無所據  
成有平年注韋昭曰王延八世塞之○按舊本誤衍八  
字當云王延世塞之

信惟餓隸布實黥徒越亦狗盜芮尹江湖雲起龍襄化  
爲侯王○

臣召南

按劉之遴所校真本云淮陰毅毅

伏劍周章邦之傑兮實維英彭仕爲侯王雲起龍驤

與今本大異以理推之邦字是高祖諱又信越布後  
並誅滅史官安得盛稱其美必好事者爲之也又按  
之遶言真本高五子文三王景十三王孝武六子宣  
元六王悉次外戚下外戚次帝紀下如所云是十二  
紀之後卽次外戚傳諸王傳矣其然豈其然乎

賈作行人百越來賓從容風議博我以文注師古云云

○ 臣召南

按師古謂從容二句亦指使越非也此二  
句指賈著新語每奏一篇高祖稱善李奇說得之

前漢書卷一百下考證

侍讀

臣召南

謹言史之良首推遷固固才似若不

及遷者然其整齊一代之書文贍事詳與遷書異  
曲同工要非後世史官所能及故其書初成學者  
卽已莫不諷誦服虔應劭而下解釋音訓不異注  
經更魏晉至唐初名家磊落相望而顏師古注折  
其衷論者以比杜征南注左傳稱爲班氏忠臣不  
謬也自唐以前書皆手寫而校對極精譌脫相承  
無過數處其有板本自宋淳化中命官分校三史  
始也雕板染印日傳萬紙於人甚便人間摹刻以  
市易者滋多彼此沿襲莫識由來輾轉失真烏焉

成馬故書有板本而讀者甚易亦自有板本而校者轉難固其勢然也以人人所共習之漢書又經師古注釋旨趣畢顯校者似易爲力乃自淳化歷景德景祐熙寧百年之中三經覆校當時名儒碩學刁衍晁迥余靖王洙所奏刊正增損之條累百盈千積成卷帙三劉刊誤又別爲書陳繹是正文字又在宋祁之後亦足以徵善本難得在北宋時已然矣況自宋至明刻本愈雜學士家校讐之精遠不如北宋以前者哉若國子監所存明人舊板於顏注所引二十三家之說十刪其五於慶元所

附三劉宋祁諸家之說十存其一卽本書正文字句亦多譌脫則尤板本中至陋者已夫古人撰述旣博不無失檢紀表志傳或彼此乖違郡國官名或後先錯出如高紀書太上皇后書丞相噲將兵文紀書內史樂布景紀書御史大夫青翟書三輔舉不如法者宜紀書元康元年復高帝功臣後之類皆本書自誤非關後人至如地理溝洫成文酈元注水經特多援引賈馬淵雲辭賦蕭統輯文選時有異同藝文志言儀禮之經倒十七篇爲七十一律歷志載積黍之數增九十分爲一千孔穎達賈



公彥並師古同時人而所據書本各別斯則傳寫  
失真之明驗也衍文脫字離句辨音三劉於師古  
注銖較寸量未嘗少假借焉校古人書義當如是  
爾乾隆四年奉

勅校刊經史於是書尤加詳慎

臣照

等既與諸臣遍蒐

館閣所藏數十種及

本朝李光地何焯所校再三讐對積歲彌時凡監本  
脫漏並據慶元舊本補缺訂譌正其舛謬以付開  
雕稍還古人之舊

臣召南

復奉

勅編爲考證謹採儒先論說關於是書足以暢顏注所

發明刊三劉所未及者條錄以附於每卷云

臣召

南  
謹識



原任詹事臣陳浩侍讀學士臣董邦達原任侍講

學士臣萬承蒼原任庶子臣朱良裘侍讀臣齊召

南洗馬臣陸宗楷編修臣孫人龍臣李龍官原任

編修臣吳兆雯臣杭世駿御史臣沈廷芳拔貢生

臣張本等奉

勅恭校刊